




B. 11.7

B 1110 205

20



SANCTVS
BERNARDVS
DE
CONSIDERATIONE.


S V T V S

BERNARDVS

DE

CONSIDERATIONE

SANCTI
BERNARDI
ABBATIS
CLARÆVALLIS
DE
CONSIDERATIONE
AD EVGENIUM
PAPAM TERTIVM.
LIBRI QVINQVE.



MEDIOLANI, MDC LXVII.

Ex Typographia Francisci Vigoni.
Superiorum permissu.

2 A N C T I

BERNARDI

ABBATIS

CLAREVALLIS

DE

CONSIDERATIONE

AD EVANGELIUM

MATTHEI

LIBER PRIMUS



LIBRARIUS


1750

1750



ADM. R. IN CHRISTO PATRI,
P. IOANNI ANTONIO
A SANCTA MARIA,

Apud Eremitas August. Excalceat.
per Liguriam, & Insubriam
PRIORI PROVINCIALI.



IX codicis, qui tibi est
præ manibus, Pater
Admodum Reueren-
de, editionem adorna-
ueram, ne dum per-
duxeram ad Colophonem, cum
per noctem voluenti, sedulòque

con-

consideranti, cui nam postea
Bernardi Libri de Consideratio-
ne è mea Calcographia prodituri
aptius inscriberentur, tu vnus
statim *inter omnes* occurristi, quip-
pè tum apud domesticos, cum
apud exteros *micas velut inter ignes*
Luna minores. Neutiquam ergo
cuiquam mirum videatur ab Me-
diolanense Typographo Clara-
uallensem Abbatem Ligustico-
dicari Prælato, quandoquidem
singuli optimè norunt Insubres,
quotquot in Historia sunt vel me-
diocriter versati, Bernardum in
Ianuenses animo valdè propen-
sum. Vndè ratus ipse, deuoto,
ne dicā beneuolo affectu eum tan-
dem per te exceptum iri, eiusmodi
sanè sanum iniui consilium. To-
tus est Bernardus Considerationi-
bus intentus, qua propter virum
sibi querebat, qui intra remotio-
ra, & austeriora claustra delite-
scens non tantum sollicitè quæ-
tra-

traderet affixo mentis oculo cōsi-
derabundus rimaretur, verum &
exequutioni mandaret. Paterni-
tas tua, quæ superioribus æquè,
ac inferioribus studet, & tam quæ
circa nos, quam quæ intra nos
sunt, assiduò discutit, ac volu-
tat, illius doctrinam optimè de-
ducit ad Praxim. Abbas idcirco
ad talem Prouinciæ Præfectum
accurrit. Monachorum Cister-
ciensium lumen clarissimum ad
Eremitarum Augustinensium
Excalceatorum Prælatum dignis-
simum tendit. Parcendum hic
pluribus, ne vbi Bernardus incre-
pat, stylus extollat. Pateret qui-
dem mihi in præsentiarum tua-
rum campus latissimus laudum,
ast ne tuam modestiam, religio-
samque humilitatem, Bernardi
Theoriæ apprimè consonam, vi-
dear tentare, conticescere satius
duco. Illud tamen vnum nolo
tacitus præterire, habere te scili-
cet


et ex me in istis D. Bernardi Con-
siderationibus, quo possis venerā-
dos Patres ad Pronincialia Comi-
tia Mediolanum tecum conue-
nientes, aliquo honesto, sacroque
munusculo, tuæ pietati parî, au-
ctos dimittere. Neque Mediola-
nenses, reor, donum eiusmodi
refugient, quibus Bernardi tam
mores, quam eruditiones semper
fuere in delicijs. Hoc veluti re-
dostimento meam in te, ac cæ-
teros Ascetas Gremiales tuos, qui-
bus præes vt Caput, testatam vo-
lebam feruitutem. Vale.

Pat. tuæ Adm. Reu.

Mancipatus

Franciscus Vigonus.

S. BER-




S. BERNARDI

ABBATIS

CLARÆVALLIS

In libros de Consideratione, ad Eugenium
Papam III.

PROLOGVS.

 *V* B I T *animum*
dictare aliquid,
quod te, Papa bea-
tissime Eugeni, vel edifi-
cet, vel delectet, vel con-
soletur. Sed nescio quomo-
do vult, & non vult exire
lata quidem, sed lenta ora-
tio;

tio; dum certatim illi contraria imperare contendunt maiestas, atq; amor. Nempe urget ille, inhibet illa, Sed interuenit dignatio tua, qua hoc ipsum non præcipis, sed petis: cum præcipere magis te deceat. Maiestate igitur tam dignanter cedente, quid nicedat pudor? Quid enim, si cathedram ascendisti?

Ps 17. Nec si ambules super pen-
 103. nes ventorum; subduceris affectui. Amor dominum, ne scit, agnoscit filium, & in infulis per se satis subiectus est; obsequitur spontè, gratis obtemperat, liberè reueretur. Non sic aliqui, non sic: sed aut timore ad ista impelluntur,
 aut

3

aut cupiditate. Hi sunt Ps. 27.
qui in facie benedicunt,
mala autem in cordibus
eorum; blandiuntur co-
ram, in necessitate defi-
ciunt. At charitas nun-
quam excidit. Ego, ut ve-
rum fatear, matris sum
liberatus officio, sed non
deprædatus affectu. Olim
mihi inuisceratus es; non
tam facile erueris. Ascen-
de in calos, descende in
abyssos; non recedes à me,
sequar te quocunque ieris.
Amaui pauperem, amabo
pauperum, & diuitum pa-
trem. Non enim, si benè
te noui, quia pater paupe-
rum factus; ideo non pau-
per spiritu es. In te hanc
mutationem factam esse

1. Cor.

13.

confido, non de te: nec
 priori statui tuo successisse
 promotionem, sed accessisse.
 Monebo proinde te, non
 ut magister, sed ut mater;
 planè ut amans. Amens
 magis videar, sed ei, qui
 non amat, ei, qui vim non
 sentit amoris.



DE CONSIDERATIONE

LIBER PRIMVS.

CAPVT I.



NDE iam ergo incipiam? Libet ab occupationibus tuis, quia in his maxime

condoleo tibi. Condoleo dixerim, si tamen doles & tu. Alioquin, doleo magis dixisse debueram: quia non est condolere, ubi nemo qui doleat. Itaque si doles, condoleo. Si non; doleo tamen, & maximè sciens, longius à salute absistere membrum, quod obstupuit: & ægrum sese non sentientem periculosiùs laborare. Absit autem, vt de te id suspicer. Noui quibus delicijs dulcis quietis tuæ non longè antehac fruebare: non pòtes his dissue-

Pontificis Ro. occupationibus condoleat.

uisse tam citò, ita subitò non
dolere nuper subtractas. Plaga
recens dolore non caret. Ne-
que enim hoc iam occalluit
vulnus, nec in tam breui ver-
sum in insensibile est. Quam-
quam si non dissimules, non
deest tibi iugis materia iusti
doloris, à quotidianis damnis,
& iacturis. Inuitus, nisi fallor,
auelleris a tuæ Rachelis am-
plexibus: & quotiens id pati
contigerit, totiens dolor tuus
renouetur necesse est. At quā-
do non contingit? Quotiens
vis, & in cassum? quotiens mo-
ues, nec promoues? quotiens
conaris, & non datur ultra?
eniteris, & non obtines? par-
turis, & non paris? tentas,
& abriperis? & ubi incipis,
ibi deficis? & dum adhuc
ordiris, succidunt te? Vene-
runt filij vsque ad partum,
ait Propheta, & vires non ha-
bet

4. Re.

19.

bet parturiens . Nosti hoc? nemo te melius . Attritæ frontis es ; & instar vitulæ Ephraim, *Osee*
doctus diligere triturā: si quod *10.*
pace tua loquar, sic se habent res tuæ . Absit : hæc est pars illius, qui datus est in reprobum sensum . Ab his sane cupio tibi pacem, non cum his . Nihil tibi plus metuo pace ista . Miraris, si vnquam possit accidere ? Etiam dico tibi, potest ; si res (vt assolet) per consuetudinem in incuriam venerit .

CAPVT II.

NOli nimis credere affectui tuo, qui nunc est : Nihil tam fixum animo, quod neglectu, & tempore non obsolescat . Vulneri vetusto, & neglecto callus obducitur; & eo insana-
bile, quo insensibile fit . Denique dolor continuus, & acer-

bus, diuturnus esse non patitur. Nam si non aliunde extunditur, necesse est vt cedat vel sibi. Enimuerò citò aut de remedio cōsolationem recipiet, aut de assiduitate stuporem. Quid non inuertat consuetudo? quid non assiduitate duretur? quid non vsui cedat? quantis quod præ amaritudine prius exhorrebant, vsu ipso malè in dulce cōuersum est? Audi iustum; quid lamentetur

Iob. 6.

super huiuscemodi: Quæ prius tangere nolebat anima mea, nunc præ angustia cibi mei sunt. Primum, tibi importabile videbitur aliquid: processu temporis si assuescas, iudicabis non adeo graue; paulo post & leue senties; paulo post nec senties, paulo post etiam delectabit. Ita paulatim in cordis duritiam itur: & ex illa in auersionem. Sic etiam grauis,

& continuus dolor, citum, vt
dixi, habiturus est exitum: aut
fanitatem profectò, aut insen-
sibilitatem. Hinc prorsus;
hinc timui tibi semper, & ti-
meo: ne dilato remedio, dolo-
rem non sustinens, periculo te
irreuocabiliter desperatus im-
mergas. Vereor, inquam, ne
in medijs occupationibus,
quoniam multæ sunt, dum dif-
fidis, finem, frontem dures; &
ita sensim te ipsum quodam-
modo sensu priues iusti, vtilif-
que doloris. Multo pruden-
tius te illis subtrahas vel ad
tempus, quàm patiare trahi ab
ipsis, & paulatim certe duci
quò tu non vis. Quæris, quò?
Ad cor durum. Nec pergas
quærere, quid illud sit: si non
expauiisti, tuum hoc est. So-
lum est cor durum, quod se-
metipsum non exhorret, quia
nec sentit. Quid me interro-

A 5 gas?

Contra
obdura-
to, cor-
de.

Exo.
36.

Cox dur-
um cu-
iusmo-
di.

gas? interroga Pharaonem.
Nemo duri cordis, salutem vn-
quam adeptus est: nisi quem
forte miserans Deus abstulit
ab eo (iuxta Prophetam) cor
lapideum, & dedit illi cor car-
neum. Quid igitur cor durum?
Ipsum est quod nec compun-
ctione scinditur, nec pietate
mollitur: nec mouetur preci-
bus, minis non cedit, flagellis
duratur. Ingratum est ad be-
neficia, ad consilia infidum, ad
iudicia sæuum, inuerecundum
ad turpia, impavidum ad peri-
cula, in humanum ad humana,
temerarium ad diuina, præte-
ritorum obliuiscens, præsen-
tium negligens, futura nō pro-
uidens. Ipsum est, cui præte-
ritorum, præter solas iniurias,
nihil omnino nō præterit; præ-
sentium nihil non perit, futu-
rorum nulla nisi forte ad vici-
scendum prospectio, seu præ-
paratio

paratio est Et vt in breui, cūcta
horribilis mali mala comple-
ctar: ipsum est quod nec Deum
timet, nec hominem reueretur.
En quò trahere te habent oc-
cupationes hæ maledictæ: si
tamen pergis vt cœpisti, dare
ita totum te illis nil tui tibi
relinquens.

CAPVT III.

Perdis tēpus: & si licet nunc
alterum me tibi exhibere
Iethro; tu quoque in his stulto
labore consumeris: quæ non
sunt nisi afflictio spiritus, eui-
sceratio mentis, euacuatio gra-
tiæ. Nam fructus omnium ho-
rum, quid nisi aranearum te-
læ? Quæso te, quale est illud,
de mane vsque ad vesperam li-
tigare; aut litigantes audire?
Et vtinam sufficeret diei mali-
tia sua: non sunt liberæ noctes.

Vix relinquitur necessitati naturæ, quod corpusculi paufationi sufficiat; & rursus ad iurgia surgitur. Dies diei eructat lites, & nox nocti indicat malitiam. Usque adeo non est respirare in bonis, non est alternam capeffere requiem, non vel rara interseri otia. Non ambigo te quoque ista deplo- rare: at frustra istud, si non & emendare studueris. Interim tamen sic semper facias hor- tor; nec te vnquam ad ista du- raueris quolibet vsu, vel affi- duitate. Percussi eos, & non doluerunt, ait Dominus. Ni- hil tibi, & illis. Iusti potius ti- bi aptare curato, & affectio- nem, & vocem, qui ait: Quæ est enim fortitudo mea, vt susti- neam: aut quis finis meus, vt patienter agam? Nec fortitu- do lapidum fortitudo mea, nec caro mea ænea est. Magna vir- tus

Hiere.

5

Iob 6.

tus patientiæ, sed non hanc tibi ad ista optauerim. Interdum impatientem esse probabilius. Patientia, vt ad omnia non optanda.

Tunè approbes illorum patientiam, quibus Paulus dicebat : Libenter suffertis impatientes, cū sitis ipsi sapientes? 2. Cor. 11.

Nisi fallor, ironia erat, & non laus: sed suggillatio quorundā mansuetudinis, qui quasi datis manibus pseudoapostolis (à quibus & seducti erāt) ad quæque ipsorum peregrina, & praua dogmata trahi se patientissime ferrent. Vnde & subdens:

Sustinetis enim, inquit, si quis Ibidē.

vos in seruitutem redigit. Non bona patientia, cum possis esse liber, seruum te permittere fieri. Nolo dissimules seruitutem, in quam certè in dies dū nescis, redigeris. Hebetati cordis indicium est, propriam non sentire continuam vexationē.

Vexatio dat intellectum audi- Esā. 28
tui,

Vexatio
dat in-
tellectū,
si nimia
non fue-
rit.

tui, ait quidam: verum est, sed
si nimia non fuerit: nam si sit,
non planè intellectum dat, sed
contemptum. Denique impi-
us, cum in profundum malo-
rum venerit, contemnit. Ex-
pergiscere ergo: & pessimæ ser-
uitutis iugum, iamiamque im-
minens, imò tam non modicè
premens; non tantum caue, sed
horre. An nō ideo seruus; quia
non vni seruis, sed omnibus?
Nulla turpior seruitus grauior
ue, quàm seruitus Iudæorum:
quam quocunque ierint, post
se trahunt, & vbique dominos
offendunt suos. Tu quoque dic
quæso, vbi vnquam sis liber,
vbi tutus, vbi tuus? Vbique
strepitus, vbique tumultus,
vbique iugum tuæ seruitutis
te premit. Nec mihi opponas
nunc Apostoli vocem, qua ait:
Cum essem liber ex omnibus,
omnium seruum me feci. Lon-
ge

Proh.

10.

1. Cor.

9.

ge

gè est istud a te . Nunquid
hac ille seruitute hominibus
inferuebat, in acquisitione
turpis quæstus? Nunquid ad
eum de toto orbe confluebant
ambitiosi, auari, simoniaci, sa-
cilegi, concubinarij, incestuo-
si; & quæque istiusmodi mon-
stra hominum, vt ipsius apo-
stolica auctoritate vel obtine-
rent honores ecclesiasticos,
vel retinerent? Ergo seruum
te fecit homo, cui viuere Chri-
stus erat, & mori lucrum: vt
plures lucrifaceret Christo, nō
vt lucra augeret auaritiæ. Non
est igitur quod de solertissima
Pauli industria, & charitate
tam libera, quam liberali, ser-
uili conuersationi tuæ patro-
cinium sumas. Quàm tuo di-
gnius apostolatu, quàm salu-
brius tuæ conscientiæ; quàm
fructuosius ecclesiæ Dei, au-
dias potius ipsum alibi dicen-
tem:

1. Cor.

7.

Seruus
quæ in-
digna
Pontifi-
ce.Officiū
Pontifi-
cum.

tem: Pretio empti estis, nolite effici serui hominum. Quid seruilius, indigniusque præsertim summo Pontifici; quàm; non dico omni die; sed pene omni hora; insudare talibus rebus, & pro talibus? Deniq; quando oramus? quando docemus populos? quando ædificamus ecclesiam? quando meditamur in lege? Et quidem quotidie perstrepunt in palatio leges: sed Iustiniani, non Domini. Iustenè etiam istud?

Ps. 18. Tu videris. Nā certe Lex Domini immaculata, conuertens animas. Hæ autem non tam leges, quam lites sunt, & cauillationes, subuertentes iudicium. Tu ergo pastor, & episcopus animarum, qua mente, obsecro, sustines coram te semper silere illam, garrere istas? Fallor, si non mouet tibi scrupulū peruersitas hæc. Puto quòd
& in-

& interdum clainare compellat ad Dominum, cum Propheta: Narrauerunt mihi iniqui fabulationes, sed nō vt lex tua. I ergo, & te liberum aude profiteri, sub tam graui mole inconuenientię huius, & cui fas non sit ceruicem subducere. Nam si potes, & non vis: multo magis seruus es huius ipsius tam peruersę voluntatis tuę. An non seruus, cui dominatur iniquitas? Et maximè. Nisi tu forte indignius iudices, hominem tibi, quam vitium dominari. Quid interest, volens seruias, an inuitus? Nam etsi coacta seruitus miserabilior; sed affectata miserior est.

CAPVT IV.

ET quid me vis facere, inquis? Vt tibi ab his occupationibus parcas. Impossibile

le fortasse respondebis ; facilius cathedræ valedicere posse . Rectè hoc ; si rumpere, & non magis interrumpere ista hortarer . Audi ergo quid redarguā, quid suadeam. Si quod viuis, & quod sapiis, totum das actioni, considerationi nihil, laudo te ? in hoc non laudo. Puto quod & nemo, qui à Salomone audierit : Qui minoratur actu, percipiet sapientiam . Certe nec ipsi actioni expedit, consideratione non præueniri . Si item totus vis esse omnium, instar illius, qui omnibus omnia factus est ; laudo humanitatem, sed si plena sit . Quomodo autem plena, te excluso ? Et tu homo es . Ergo vt integra sit, & plena humanitas: colligat & te intra se sinus qui omnes recipit . Alioquin quid tibi prodest, iuxta verbum Domini, si vniuersos lucreris, te vnum per-

Ecccl.
18.

1 Cor.
9.

Marc.
16.

perdens? Quamobrem cū omnes te habeant, esto etiam tu ex habentibus vnus. Quid solus fraudaris munere tui? Vsq̃uequo vadens spiritus, & nō *Ps. 77.* rediens? Vsq̃uequo non recipis te, & ipse inter alios vice tua? Sapientibus & insipientibus debitor es; & soli negas te tibi? Stultus, & sapiens, seruus & liber, diues, & pauper, vir, & femina, senex, & iuuenis, clericus, & laicus, iustus, & impius: omnes pariter participant te, & omnes de fonte publico bibunt, de pectore tuo; & tu seorsum sitiens stabis? Si maledictus qui partem suam facit deteriorem: quid ille, qui se penitus reddit expertem? *Prov. 5.* Sane deriuentur aquæ tuæ in plateas: homines, & iumenta, & pecora bibant ex eis: quin & *Genes. 24.* camelis pueri Abrahæ potum tribuas: sed inter cæteros, bibe & tu

& tu de fonte putei tui . Alienus , inquit , non bibat ex eo . Numquid tu alienus ? Cui non alienus , si tibi es ? Denique qui sibi nequam est , cui bonus ? Memento proinde , non dico semper , non dico sæpè , sed vel interdum reddere te ipsum tibi . Vtere tu quoque te inter multos , aut certe post multos . Quid indulgentius ? Hoc enim dico secundum indulgentiam , non secundum iudicium . Puto etiam ipso Apostolo indulgentiorem me , in hac parte . Ergo plus quàm oportet , inquis ? Non inficior . Quid si ita oportet ? Nam tu (vt confido) nostra non eris meticulosa infirmatione contentus , sed abundabis magis . Sane sic decet , te scilicet abundantiorē , quàm me audaciorē esse . Ego quoque mihi tutius iudico , apud maiestatem timiditate ;

Eccl.
24.

Apud
maiestatem , tutius
timiditate
quàm te
meritate
periclitari .

te ;

te; quàm temeritate periclitari. Et fortassis non secus mori sapientem oportuit, vt sit quod scriptum est. Da occasionem sapienti, & sapientior erit. *Prou. 9.*

CAPVT V.

AVdi tamen Apostolum, quid de huiusmodi sentiat. Sic nō est inter vos sapiēs, *1. Cor. 6.* ait ille, qui iudicet inter fratrem, & fratrem? Et infert: Ad ignominiam vobis dico; contemptibiliores qui sunt in ecclesia, illos constituite ad iudicandum. Itaque secundum Apostolum, indignè tibi vsurpās tu apostolicus officium vile, gradum contemptibilem. Vnde & dicebat Apostolus, episcopum instruens: Nemo militans. *2. Tim. 1.* Deo, implicat se negotijs secularibus. Ego autem parco tibi.

bi. Non enim fortia loquor,
 sedabilia. Putasne hæc
 tempora sustinerent, si homi-
 nibus litigantibus pro terrena
 hæreditate, & flagitantibus
 abs te iudicium, voce Domini
 tui responderes; O homines,
 quis me constituit iudicem su-
 per vos? In quale mox iudi-
 cium tu venires? Quid dicit
 homo rusticanus, & imperitus;
 ignorans primatum tuum, in-
 honorans summam, & præex-
 celsam sedem, derogans Apo-
 stolicæ dignitati? Et tamen,
 non monstrabunt, puto, qui
 hoc dicent; ubi aliquando quis-
 piam Apostolorum iudex fe-
 derit hominum; aut diuisor
 terminorum; aut distributor
 terrarum. Stetisse denique
 lego apostolos iudicandos: se-
 disse iudicantes non lego. Erit
 illud; non fuit. Itane imminu-
 tor est dignitatis seruus, si non

Inc.
12.

*Apostoli
 à rebus
 terrenis
 alieni.*

Acto. 5.

vult

vult esse maior domino suo :
 aut discipulus , si non vult esse
 maior eo , qui se misit : aut fi-
 lius , si non transgreditur ter-
 minos, quos posuerunt patres
 sui ? Quis me constituit iudi- *Luc.*
 cem, ait ille magister, & domi- *12.*
 nus : & erit iniuria seruo, disci-
 puloque , nisi iudicet vniuer-
 sos ? Mihi tamen non videtur
 bonus æstimator rerum , qui
 indignum putat apostolis, seu
 apostolicis viris , non iudicare
 de talibus , quibus datum est
 iudicium in maiora . Quidni
 contemnant iudicare de terre-
 nis possessoriunculis hominum ;
 qui in cælestibus & angelos iu-
 dicabunt ? Ergo in crimini-
 bus , non in possessionibus po-
 testas vestra : quoniam prop-
 ter illa, & non propter has, ac-
 cepistis claues regni cælorum, *Matt.*
 præuaricatores utique exclu- *16.*
 suri, non possessores . Vt scia- *Matt.*
 tis, *6.*

tis, ait, quia filius hominis habet potestatem in terra dimittendi peccata, &c. Quænam tibi maior videtur dignitas, & potestas: dimittendi peccata, an prædia diuidendi? Sed non est comparatio. Habent hæc infima, & terrena iudices suos; reges, & principes terræ. Quid fines alienos inuaditis? Quid falcem vestram in alienam messem extenditis? Non quia indigni vos: sed quia indignum vobis, talibus insistere; quippe potioribus occupatis. Denique ubi necessitas exigit, audi quid censeat, nō ego, sed Apostolus: Si enim in vobis iudicabitur hic mundus, indigni estis qui de minimis iudicetis? Sed aliud est, incidenter excurrere in ista, causa quidem virgente: aliud, vltro incumbere istis, tamquam magnis, dignisque tali, & talium intentione.

*Prou.**1. Cor.
6.*

Incidē-
ter vt ex-
curren-
dum sit
in nego-
tia secu-
laria, &
non in-
cumbē-
dum.

tio-

tionē rebus . Itaque hæc, & innumera talia dicerem, si fortia dicerem, si recta, si sincera .

CAPVT VI.

N Vnc autem quoniam *Ephes.*
 dies mali sunt, sufficit *5.*
 interim admonitum esse, non
 totum te, nec semper dare
 actioni : sed considerationi,
 aliquid tui, & cordis, & tem-
 poris sequestrare . Hoc autem
 dico, necessitatem intuens,
 non æquitatem : quanquam
 non sit præter æquum credere
 necessitati . Nam si liceret
 quod deceret, absolutè per
 omnia, & in omnibus præfe-
 rendam, & vel solam, vel maxi- *1. Tim.*
 me colendam eam, quæ ad om- *4.*
 nia valet, id est, pietatem;
 prorsus irrefragabilis ratio
 monstrat . Quid sit pietas, *Pietas*
 quæris ? Vacare considera- *quid.*
 B tio-

Psal.
45.

tioni. Dicas forsitan, in hoc dissentire me ab illo, qui pietatem definiuit, cultum Dei. Non est ita. Si benè consideras; illius sensum meis expressi verbis, etsi tamen ex parte. Quid tam pertinens ad cultum Dei, quàm quod ipse hortatur in psalmo: Vacate, & videte, quoniam ego sum Deus? Quod sane in partibus considerationis præcipuum est. Quid denique tam ad omnia valens, quàm quæ ipsius quoque actionis partes, benigna quadam præsumptione suas facit, præagendo quodammodo, & præordinando quæ agenda sunt? Necessariò sane; ne forte, quæ & præuisa, & præmeditata poterant esse proficuo, præcipitata magis periculo fiant. Quod tibi met; si recordaris, in ipsis actionibus causarum, & in magnis quibus-

busque negotijs, magnarumve consilij rerum frequenter tibi accidisse non ambigo. Et primum quidem, ipsum fontem suum, id est, mentem, de qua oritur, purificat consideratio. Deinde regit affectus, dirigit actus, corrigit excessus, componit mores, vitam honestat, & ordinat. Postremò diuinarum pariter, & humanarum, rerum scientiam confert. Hæc est, quæ confusa determinat, hiantia cogit, sparsa colligit, secreta rimatur, vera vestigat; verisimilia examinat, ficta & fucata explorat. Hæc est quæ agenda præordinat, acta recogitat: ut nihil in mente resideat, aut incorruptum, aut correptione regens. Hæc est quæ in prosperis aduersa præsentit, in aduersis quasi non sentit: quorum alterum fortitudinis, alterum prudentiæ est.

*Effectus
considerationis.*

Ibi etiam aduertere tibi est
 suauissimum quendam concen-
 tum, complexumque virtu-
 tum; atque alteram pendere ex
 altera, sicut hoc loco vides,
 fortitudinis matrem esse pru-
 dentiam: nec fortitudinem,
 sed temeritatem esse, quemli-
 bet ausum, quem non parturi-
 uit prudentia. Hæc item est,
 quæ inter voluptates, & ne-
 cessitates media, quasi quæ-
 dam arbitra sedens, vtrinque
 certis limitibus determinat
 fines, istis assignans, & præ-
 bens quod satis est; illis quod
 nimis est, demens: & sic ex al-
 terutro tertiam formans vir-
 tutem, quam dicunt tempe-
 rantiam. Nempe intempe-
 rantem ipsa consideratio cen-
 set tam eum, qui pertinaciter
 necessarijs demit, quàm qui
 indulget superfluis. Non est
 ergo temperantia in solis rese-

candis superfluis, est & in admittendis necessarijs. Huius sententiæ Apostolus non fautor tantum, sed auctor esse videtur, qui curam carnis nostræ docet non perfici in desiderio. Dicens siquidem curam carnis non perfici, superflua cohibet: addens, in desiderio, necessaria non excludit. Vnde mihi videtur non omnino absurdè definire temperantiam, qui hanc nec præcidere necessitatem, nec excedere dicat, iuxta illud Philosophi: Ne quid nimis. Iam de iustitia, quæ vna ex quatuor est, nonne constat consideratione mentem præueniri, vt se formet in ea? Se enim necesse est prius cogitet, vt ex se normam ducat iustitiæ: nec factura utique alteri, quod sibi fieri, nolit; nec quod sibi velit fieri, negatura. In his nempe duobus,

Rom.

43.

Galat.

6.

Ibidē.

Tob. 4.

liquet integrum esse iustitiæ
statum . Sed nec ipsa solita-
ria est .

CAPVT VII.

INtuere etenim nunc mecum
etiam huius pulchram con-
nexionem, & cohærentiam iu-
stitiæ cum temperantia ; &
item ambarum cum duabus
superioribus, id est, prudentia,
Tob. 4. & fortitudine . Nam cum iu-
Matth. stitiæ dicatur portio, quod sibi
7. non vult fieri quis, alij non
facere : porro perfectio, quod
ait Dominus : Quæcunque
vultis, vt faciant vobis homi-
nes, & vos facite illis, neutrum
horum erit, nisi ipsa voluntas,
de qua tota ducitur forma, si
ordinata fuerit, vt nec velit
aliquid superfluum ; nec neces-
sarium quid superstitiosè no-
lit, quod quidem temperantiæ
est .

est. Denique & ipsi iustitiæ
 vt iusta sit, temperantia mo-
 dum imponit. Noli nimium
 esse iustus, ait Sapiens: osten- *Eccles.*
 dens per hoc minime, appro- 7.
 bandam iustitiam, quæ tempe-
 rantia moderamine non fræ-
 netur. Quid quòd & ipsa sa-
 pientia hoc temperantiæ fræ-
 num non respuit, dicente Pau- *Rom.*
 lo, secundum sapientiam sibi à 12.
 Deo datam: Non plus sapere
 quàm oportet sapere, sed sa-
 pere ad sobrietatem? Sed & e
 conuerso, quòd temperantiæ
 necessaria iustitia sit, ostendit
 Dominus arguens in Euange-
 lio illorum temperantiam, qui
 abstinebant, vt viderentur ho-
 minibus ieiunantes. Erat in *Matt.*
 cibo temperantia, sed non iu- 6.
 stitia in animo: quia non Deo
 placere, sed hominibus inten-
 debant. Quomodo rursus
 vel illa, vel ista sine fortitudi-
 ne?

ne? cum constet fortitudinis
 esse non mediocris, cohibere
 velle, & nolle suum inter angu-
 stias, parum, & nimis: vt sit
 contenta voluntas, modo illo
 medio, nudo, puro, solo, con-
 stante sibi, æquali vndique sui,
 vtpote ex omni parte pariter
 circunciso, quem solum con-
 stat esse virtutis. Dicitō mihi
 quæso, si potes; cuinam potis-
 mum trium harum virtutum
 meditullium hoc dandum cen-
 seas, quod ita cunctis conter-
 minum est, vt videatur esse
 proprium singularum? An
 ipsum virtus est, & nihil aliud?
 Sed sic virtus non esset multi-
 plex, sed essent omnes vna.
 An potius quia sine eo virtus
 non est; omnium quodammo-
 do intima vis vna est, & me-
 dulla virtutum? in qua sic
 vniuntur, vt perinde vna vi-
 deantur omnes, præsertim
 quod

quòd non illud participando
communicant, sed totum à sin-
gulis, atque integrum possi-
detur . Verbi causa . Quid
tam iustitiæ, quàm modus?
Alioquin si quid extra mo-
dum relinquit; non plane cui-
que tribuit quod suum est:
quod tamen suum ipsius est
facere . Quid tam rursum tem-
perantiæ; quæ non aliunde
profectò temperantia est, nisi
quòd nil immoderatum ad-
mittit? Sed puto fatebere
etiam non minus esse fortitu-
dinis, cum vel maximè ipsa
sit, quæ ab irruentibus vitijs,
& quasi hinc inde suffocare
conantibus, purum illud po-
tenter eruit, & vindicat in
quodam stabile fundamentum
boni, sedemque virtutis . Ergo
modum tenere, iustitia est,
temperantia est, fortitudo est .
Sed vide ne in hoc differant, ut

iustitiæ quidem in affectu res sit, a fortitudine autem efficacia eius: porrò possessio eius, atque vsus, apud temperantiam est. Restat iam vt doceamus, ab hac communione prudentiam non excludi. Nonne ipsa est, quæ modum diu animi neglectu posthabitu, & vitiorum inuidia quasi in abditis reclusum, & cooperatum, quadam vetustatis caligine, prior reperit & aduertit? Propterea dico tibi, a paucis aduertitur; quia paucorum prudentia est. Itaque iustitia quærit, prudentia inuenit, vindicat fortitudo; temperantia possidet. Non mihi hoc loco propositum est de virtutibus disputare: sed hæc dixerim, hortans ad vacandum considerationi, cuius beneficio hæc, & his similia aduertuntur. Cui tam pio, tamque vtili otio, nul-

Pio cō-
sidera-
tionis
otio nul-
lam ope-
ram da-
re, vi-
am est
re.

nullam in vita operam dare,
nonne vitam est perdere?

CAPITULUM VIII.

Quid tamen? Si te philo-
sophiæ chalcitotum,
repente deuoueris;
prædecessores tui non ita con-
sueuerunt: eris molestus quā-
pluribus, quasi qui a patrum
uestigijs deuiaueris. Nempe
id videberis agere in suggilla-
tionem eorum. Sed & nota-
bere vulgari prouerbio: Qui
hoc facit, quod nullus, miran-
tur omnes: veluti qui cupias *Prou.*
admirationi fore. Nec potēs
eorum omnia simul, & subitò
vel errata corrigere, vel exces-
sus redigere in modum. Erit
cum acceperis tempus, vt se-
cundum sapientiam tibi a Deo
datam, paulatim, & opportune
id studeas. Interim sane malo

Ab exē-
plis Ro-
manorū
Pontifi-
cum .

alterius vtere in bonum, quod
potes . Quanquam si de bo-
nis , & non de nouis sumamus
exempla : non defuere Roma-
ni Pontifices , qui sibi otia in-
ter maxima negotia inueni-
rent . Obsidio vrbi ; & barba-
ricus ensis ciuium cernicibus
imminebat : nunquid tamen
istud terruit Beatum Papam
Gregorium , quo minus sa-
pientiam scriberet in otio ?
Eo nempe tempore (quod ex
eius præfatione liquet) obscu-
rissimam , & extremam par-
tem Ezechielis tam diligenter,
quàm eleganter exposuit .

S. Grego-
rij exem-
plum ,

CAPVT IX.

Mutat
mores
& tem-
pora .

SED esto : Alius inoleuit
mos , dies alij sunt , & alij
hominum mores , & tempora
periculosa non instant iam, sed
extant . Fraus , & circumuen-
tio,

tio, & violentia, inualuere su-
 per terrā calumniatores mul-
 ti, defensor rarus. Vbique
 potentiores opprimunt pay-
 periores. Non possumus de-
 esse oppressis; non negare iu-
 diciū iniuriā patientibus.
 Nisi agitentur causæ, audian-
 tur partes; inter partes iudica-
 ri quid potest? Agitentur
 causæ, sed sicut oportet. Nam
 is modus, quī frequentatur,
 execrabilis plane; & qui non
 dico Ecclesiam, sed nec forum
 deceret. Miror namque quem-
 admodum religiosæ aures tuæ
 audire sustinent huiusmodi
 disputationes aduocatorum,
 & pugnas verborum: quæ ma-
 gis ad subuersionem, quàm ad
 inuentionem proficiunt veri-
 tatis. Corrige prauum mo-
 rem; & præcide linguas vāni-
 loquas, & labia dolosa claude.
 Hi sunt, qui docuerunt linguas
 suas

suas loqui mendacium ; disertum
aduersus iustitiam, eruditi pro
falsitate . Sapientes sunt, vt
Hier. 4. faciant malum ; eloquentes, vt
impugnent verum . Hi sunt,
qui instruunt a quibus fuerant
instruendi ; austruunt non com-
perta, sed sua . Instruunt de pro-
prio calumnias innocentiae ;
destruunt simplicitatem veri-
tatis, obstruunt iudicii vias .
Nihil ita absque labore mani-
festam facit veritatem, vt bre-
uis, & pura narratio . Ergo
illas quas ad te necesse erit in-
trare causas (neque enim om-
nes necesse erit) diligenter
velim, sed breuiter, decidere
assuescas ; frustratoriasque, &
venatorias praecidere dilatio-
nes . Causa viduae intret ad
te ; causa pauperis ; & eius qui
non habet quod det . Alijs
alias multas poteris commit-
tere terminandas : quamplu-
res

Causae
vt breui-
ter deci-
denda,
& dila-
tiones
amputan-
da .

res, nec dignas audientia, iudicare. Quid enim opus est admittere illos, quorum peccata manifesta sunt præcedentia ad iudicium? 1. Tim. 5.

CAPUT X.

Tanta est impudentia nonnullorum; ut cum manifestè ambitionis prurigne scaeat, tota facies causæ eorum non erubescant audientiam flagitare, publicantes semetipsos ad multorum conscientias: in quo vel suo solius satis poterant confundi iudicio. Non fuit qui retunderet attritas frontes, & ideo plures facti sunt; & induruerunt magis. Sed & nescio quomodo vitiosus conscientias vitiosorum non refugit: & ubi omnes forident, vnius minimè foetor sentitur. Quis enim vnquam,

verbi

verbi causa, auarus auarum,
immundus immundum, luxu-
riosus luxuriosum erubuit?

Contra
ambitio-
fos.

Plena est ambitiosis Ecclesia:
non est iam quod exhorreat in
studijs, & molitionibus ambi-
tionis, non plus quam spe-
lunca latronum, in spolijs via-
torum. Si Christi discipulus es;
ignescat zelus tuus, exurgat
auctoritas aduersus impuden-
tiam hanc, & generalem pe-
stem. Intuere magistrum sic fa-
cientem, & audi dicentem:

10. 12. Qui mihi ministrat, me sequa-
tur. Non parat aures vt audiat;
sed flagellum, quo feriat. Verba
nec facit, nec recipit: nec enim
sedet iudicans, sed insequitur

Matth.
21.

puniens. Causam tamen non
tacet, quod videlicet domum
orationis, negotiationis fe-
cissent. Ergo & tu fac similiter.


Contra
negotia-
tores.

Erubescant vultum tuum.
istiusmodi negotiatores, si
fieri

feri potest: si non, timeant.
Et tu flagellum tenes. Timeant
nūmularij, nec fidant in nūmis,
sed diffidant: abscondant æs
suum à te, scientes effundere,
quam accipere paratiorem.
Hoc studiosè, & constanter
agendo, multos lucrifacies
turpium sectatores lucrorum,
honestioribus officijs vendi-
cando: multos, ne vel audeant
huiusmodi attentare, seruabis.
Adijce illud, quod non parum
proficiet, & ad ferias, quas
tibi suadeo. Ita nempe non
pauca tibi momenta tempo-
rum redimes ad vacandum
considerationi; quædam, ut
dixi, negotia nec audiendo,
quædam alijs committendo:
quæ tua digna putaueris au-
dientia, fideli quodam, & ac-
commodo ipsi causæ compen-
dio, terminando. De qua con-
sideratione his addere aliqua

Effundē,
da: po-
tius pe-
cunia,
quàm
accipiē-
da.

cogito ; sed sub alterius sane
 principio libri . Atque hic fit
 finis istius : ne duplo te oneret
 minus suavis oratio , si &
 longa fuerit .



43

S. BERNARDI

A B B A T I S

CLARÆVALLIS

LIBER II.

De Consideratione , ad
Eugenium Papam III.

CAPVT I.



Emor promissi mei,
quo eccè iam ali-
quãdiu teneor apud
te , vir optime Papa
Eugeni : volo ab ipso absol-
uere me vel serò . Puderet di-
lationis , si mihi conscius
forem incuriæ , vel cõtemptus.
Non ita est ; sed incidimus (vt
ipse nosti) in tempus graue ,
quod & ipsi pene viuendi vsui
videbatur indicere cessatio-
nem ,

nem, nedum studijs : cum sci-
 licet Dominus prouocatus
 peccatis nostris, ante tempus
 quodammodo visus sit iudi-
 casse orbem terræ, in æquitate
 quidem, sed misericordiæ suæ
 oblitus. Nonne dicunt in gen-
 tibus : Vbi est Deus eorum ?
 Nec mirum. Ecclesiæ filij, &
 qui Christiano censentur no-
 mine, prostrati sunt in de-
 serto; aut interfecti gladio, aut
 consumpti fame. Effusa est
 contentio super principes, &
 Dominus errare fecit eos in
 inuio, & non in via : Contri-
 tio, & infelicitas in vijs eorum.
 Pauor, & mœror, & confusio in
 penetralibus regum ipsorum.
 Quam confusi pedes annun-
 ciantium pacem; annuncian-
 tium Bona! Diximus pax, &
 non est pax: promissimus bona,
 & eccè turbatio. Quasi verò
 temeritate in opere isto, aut
 le-

lenitate vfi fimus. Cucurrimus Deus ve
 planè in eo, non quafi in incer- iubet
 tum; fed iubente te, imò per per Rō.
 te Deo. Quare ergo ieiunavi- Pontif.
 mus, & non aspexit? humi-
 liauimus animas noſtras, &
 nesciuit? Nam in his omnibus
 non eſt auerſus furor eius, fed
 adhuc manus eius extenta.
 Quam patienter interim
 adhuc audit voces ſacrilegas, &
 Aegyptios blaſphemantes; *Exod.*
 quia callidè eduxit eos, vt oc- 32.
 cideret in deſerto! Et quidem *Pſal.*
 iudicia Dei vera, quis nesciat? 118.
 At iudicium hoc abyſſus mul- *Pſ. 18.*
 ta; & tanta, vt videar mihi *Pſ. 35.*
 non immeritò pronunciare
 beatum, qui non fuerit ſcanda-
 lizatus in eo. Et quomodo
 tamen humana temeritas ar-
 det reprehendere, quod mi-
 nimè comprehendere valet?
 Recordemur, ſupernorum iu-
 diciorum quæ à ſæculo ſunt, ſi
 forte

Psal.
118.

forte sit consolatio. Nam quidam ita dixit: Memor fui iudiciorum tuorum à seculo, Domine, & consolatus sum. Rem dico ignotam nemini; & nunc nemini notam. Nempe sic se habent mortalium corda: quod scimus cum necesse non est, in necessitate nescimus.

Exo. 3, Moyse educturus populum de terra Aegypti meliorem illis pollicitus est terram. Nam quando ipsum aliter sequeretur populus, solam sapiens terrā? Eduxit; eductos tamen in terram, quam promiserat, non introduxit. Nec est quod ducis temeritati, imputari queat tristis, & in opinatus euentus. Omnia faciebat Domino imperante, & opus confirmante, sequentibus signis, Sed populus ille, inquis, duræ ceruicis fuit, semper contentiosè agens contra Dominum,

&

& Moysen seruum eius. Bene illi increduli, & rebelles. hi autem quid? Ipsos interroga. Quid me dicere opus est, quod fatentur ipsi? Dico autem ego vnum. Quid poterant proficere, qui semper reuertebantur cum ambularent? Quando, & isti per totam viam non redierunt corde in Aegyptum? Quod si illi ceciderunt, & perierunt propter iniquitatem suam: miramur istos eadem facientes, eadem passos? Sed nunquid illorum casus aduersus promissa Dei? Non. Ergo nec istorum. Neque enim aliquando promissiones Dei, iustitiæ Dei præiudicant. Et audi aliud: Peccauit Benjamin, *Iudic.* accinguntur reliquæ tribus ad *20.* vltionem, nec sine nutu Dei: Designauit deniq; ipse ducem præliaturis. Itaque præliantur freti & manu validiori, & causa

causa potiori, & quod his
 maius est, favore diuino. At
 ps. 65. quam terribilis Deus in confi-
 lijs, super filios hominum!
 Terga dedere sceleratis ultores
 sceleris, & paucioribus plures.
 Sed recurrunt ad Dominum, &
 Dominus ad eos: Ascendite ad
 eos, inquit. Ascendunt denuò,
 denuòque fusi, & confusi sunt.
 Ita Deo primum quidem fa-
 uente, secundò & iubente, iusti
 iustum certamen ineunt, &
 succumbunt. Sed quo inferio-
 res certamine, eo fide supe-
 riores inuenti sunt. Quid putas
 de me facerent isti; si meo
 hortatu iterato ascenderent,
 iterato succumberent? Quan-
 do me audirent monentem,
 tertiò repetere iter, repetere
 opus, in quo semel, & iam se-
 cundò frustrati forent? Et
 tamen Israelitæ vnā, & alteram
 non reputantes frustrationem,
 tertiò

tertio parent, & superant. Sed dicunt forsitan isti : Vnde scimus quod à Domino sermo egressus sit ? Quæ signa tu facis, vt credamus tibi ? Non est quod ad ista ipse respondeam : parcendum verecundiæ meæ. Responde tu pro me, & pro te ipso; secundum ea, quæ audisti, & vidisti : aut certe secundum quod tibi inspirauerit Deus.

CAPVT II.

SEd forte miraris me prosequi ista, qui aliud proposueram. Facio non oblitus propositi; sed quod à proposito non iudicem aliena. Nempe de consideratione (vt memini) sermo mihi ad tuam dignationem. Et sane magnæ res ista; & egens consideratione non minima. Quod si res

Papam
non ha-
bet pa-
rem su-
per ter-
ram.

magnas à magnis considerari
oportet, cui æque vt tibi, id
studij competit; qui parem
super terram non habes? Sed
tu secundum sapientiam, & po-
testatem datam tibi desuper,
facies de hoc. Non est meæ hu-
militatis dictare tibi, sic vel sic
fieri quicquam. Sufficit inti-
masse, oportere aliquid fieri,
vnde & Ecclesia consoletur, &
obstruatur os loquentium
iniqua. Hæc pauca vice apolo-
giæ dicta sint, vt ipsa qualia-
cunq; habeat conscientia tua,
ex me, vnde me habeat excu-
satum, & te pariter: etsi non
apud eos qui facta ex euenti-
bus æstimant, certe apud te
ipsum. Perfecta & absoluta
cuique excusatio, testimonium
conscientiæ suæ. Mihi pro mi-
nimo est, vt ab illis iudicer, qui
dicunt bonū malum, & malum
bonum; ponentes lucem te-

Esai. 5.

ne-

nebras, & tenebras lucem. Et
si necesse sit vnum fieri ex
duobus; malo in nos murmur
hominum, quam in Deum esse.
Bonum mihi, si dignetur me
vti pro clypeo. Libens excipio
in me detrahentium linguas
maledicas, & venenata spicula
blasphemorum, vt non ad
ipsum preueniant. Non recuso
inglorius fieri, vt non irruatur
in gloriam Dei. Quis mihi det
gloriarī in voce illa; Quoniam *Ps. 68.*
propter te sustinui oppro-
brium, operuit confusio faciem
meam? Gloria mihi est con- *Ps. 68.*
sortem fieri Christi, cuius illa *Et Ro.*
vox est; Opprobria expro- *15.*
brantium tibi ceciderunt super
me. Nunc iam recurrat stylus
ad suam materiam, & in ea
quæ proposueramus, suo tra-
mite gradiatur oratio.

CAPVT III.

Consi-
deratio.

ET primo quidem ipsam
considerationē quid dicā,
confidera. Non enim idem per
omnia quod contemplationem
intelligi volo: quod hæc ad re-
rum certitudinem, illa ad in-
quisitionem magis sic habeat.

Quid sit
contem-
platio.

Iuxta quem sensum potest
contemplatio quidem definiri;
verus, certusque intuitus animi
de quacunque re, siue appre-
hensio veri non dubia. Consi-

Quid
confide-
ratio.

deratio autem, intensa ad in-
uestigandum cogitatio: vel
intētio animi vestigantis verū,
quanquam soleant ambæ pro
inuicem indifferenter vsurpari.

Consi-
deratio in
quatuor
consi-
dit.

Iam quod ad considerationis
attinet fructum, quatuor vt
occurrant tibi considerata
reor: te, quæ sub te, quæ
circa te, & quæ supra te sunt.

A te

A te tua consideratio inchoet: ne frustra extendaris in alia, te neglecto. Quid tibi prodest, si vniuersum mundum lucreris, te vnum perdens? Et si sapiens sis; deest tibi ad sapientiam, si tibi non fueris. Quantū vero? Vt quidem ego senserim, totū. Noueris licet omnia mysteria; noueris lata terræ, alta cæli, profunda maris: si te nescieris, eris similis ædificanti sine fundamento: ruinam, non structuram faciens. Quidquid extruxeris extra te; erit instar congesti pulueris, ventis obnoxium. Non ergo sapiens, qui sibi non est. Sapiens, sibi sapiens erit, & bibet de fonte putei sui primus ipse. A te proinde incipiat tua consideratio; non solum autem, sed & in te finiatur. Quocunque euagetur, ad te reuocaueris eam cum salutis fructu. Tu

primus tibi, tu vltimus. Sume exemplum, de summo omnium patre, verbum suum, & emitte, & renitente. Verbum tuum, consideratio tua. Quæ si procedit, non recedat. Sic progrediatur, vt non egrediatur. Sic exeat, vt non deserat. In acquisitione salutis, nemo tibi germanior vnico matris tuæ. Contra salutem propriam, cogites nihil. Minus dixi contra: præter dixisse debueram. Quicquid se considerationi offerat, quod non quoquo modo ad tuam ipsius salutem pertineat, respuendū. Et hæc tui consideratio, in tria quædam diuiditur; si consideres quid, quis, & qualis sis. Quid in natura, quis in persona, qualis in moribus. Quid, verbi gratia, homo. Quis, papa; vel summus pontifex. Qualis; benignus, mansuetus,
vel

vel quidquid tale . Quanquam
illud primum , philosophicum
sit magis , quam apostolicum
vestigare . attamen est in deffi-
nitione hominis , quem dicunt
animal rationale mortale :
quod diligentius intueri si
libet , licet . Non est quod tuæ
in eo aut professioni obuiet ,
aut dignitati : est vero quod
saluti adferre queat . Nam con-
sideranti duo hæc simul , ratio-
nale mortaleque : is tibi exinde
occurrit fructus , vt & mortale
quod in te est , rationale humi-
liet : & rursum rationale ,
mortale confortet , quod neu-
trum neglectui erit homini
circumspectio . Si qua adhuc
consideranda præsens requirit
locus , tractabuntur infra , &
forte vtilius ex partium colla-
tione .

CAPVT IV.

Consi-
deratio
quis .

NVnc quis sis , & de quo
sis factus, aduertendum .
Quamquam quod dixi de quo,
id mihi prætereundum putem,
tuæ potius relinquendū agni-
tioni. Illud dico indignum tibi
citra perfectum agere, de tanta
assumpto perfectione. Quidni
erubescas minimus inueniri in
magnis ; qui te recordaris ma-
gnum in minimis extitisse ?
Non es oblitus tuę primę pro-
fessionis : non excidit menti ,
quæ subducta est manui, sed ne
affectui quidem . Ipsam ad sin-
gula tua imperia, iudicia, insti-
tuta, habere præ oculis non
erit inutile . Hæc te considera-
tio facit honoris contempto-
rem , in honore etiam ipso .
Atque id magnum . Non rece-
dat à pectore : clypeus est tibi,
vel

vel à sagitta illa: Homo cum *Ps. 48.*
 in honore esset, non intellexit.
 Loquere ergo tibi: Abiectus
 eram in domo Dei mei. Quale
 est hoc; de paupere, & abiecto,
 leuari super gentes, & regna?
 Quis ego, aut quæ domus
 patris mei, vt sedeam excelsis
 sublimior? Sane qui dixit mi-
 hi: Amice, ascende superius: *Luc.*
 amicum fore fudit. Si minus *14.*
 inueniar: non expedit quidem.
 Qui eleuauit, & deicere
 potest: Sera querela: quoniam
 eleuans allifisti me. Non est *Psal.*
 quod blandiatur celsitudo, vbi *101.*
 sollicitudo maior. Illa discrimen
 intendit: hæc amicum
 probat. Huic accingamur, si
 nolumus tandem cum rubore
 nouissimum locum tenere.
 Factum superiorem dissimula-
 re nequimus, sed enim ad quid,
 omnimodis attenendum. Non
 enim ad dominandum opinor.

Ad quid
 factus
 sit supe-
 rior.

Hier. 1.

Nam, & Propheta cum similiter leuaretur, audiuit: Ut euellas & destruas; & disperdas & dissipēs, & ædifices & plantes. Quid horum, fastum sonat? Rusticani magis sudoris schemate quodam, labor spiritalis expressus est.

CAPUT V.

ET nos igitur ut multum sentiamus de nobis, vel nobis impositum senserimus ministerium, non dominium datum. Non sum ego maior propheta; & si forte par potestate, sed meritorum non est comparatio. Hæc loquere tibi, & doce teipsum, qui alios doces. Puta te, velut vnum aliquem de prophetis. An non satis ad te? Et nimium. Sed gratia Dei es, id quod es. Quid? Esto quod propheta, nun-

nunquid plus quam propheta?
 Si fapis; eris contentus men-
 fura quā tibi mensus est Deus. *Matt.*
 Nam quod amplius est, à malo
 est. Disce exemplo prophe-
 tico, præfidere non tam ad
 imperitandum, quam ad facti-
 tandum quod tempus requi-
 rit. Disce sarculo tibi opus
 esse; non sceptro; vt opus fa-
 cias prophete. Et quidem ille
 non regnaturus ascendit, sed
 extirpaturus. Putasne, & tu
 inuenias aliquid elaborandum
 in agro Domini tui? Et plu-
 rimum. Non plane totum
 quiuere emundare propheta:
 aliquid filiis suis apostolis
 quod agerent, reliquerunt;
 aliquid ipsi parentes tui, tibi.
 Sed nec tu ad omnes sufficies.
 Aliquid profecto tuo relictu-
 rus es successori; & ille alijs, &
 alij alijs vsque in finem. Circa *Luc.*
 vndecimam denique horam, 10.

Matt.
 9. 20. operarij otij arguuntur , &
 mittuntur in vineam. Anteces-
 sores tui Apostoli audierunt ;
 quia messis quidem multa ,
 operarij autem pauci. Paternā
 tibi vendicato hæreditatem .
Gal. 4. Nam si filius ; & hæres . Ut
 probes te hæredem , euigila ad
 curam : & non otio torpeas , ne
 & tibi dicatur : Quid hic stas
 tota die otiosus ? Multo minus
Matt.
 20. inueniri oportet aut delicijs
 resolutum , aut resupinum
 pompis : Nihil horum tibi
 tabulæ testatoris adsignant .
 Sed quid ? Si illarum tenore
 contentus sis ; curam potius
 hæreditabis , & operam , quam
 gloriam , & diuitias . Blanditur
 cathedra ? Specula est . Inde
 denique superintendis , sonans
 tibi episcopi nomine non do-
 minium , sed officium . Quid ni
 loceris in eminenti , vnde
 omnia prospectes , qui specu-
 lator

lator super omnia constitue-
ris? Enimuerò prospectus iste
procinctum parit, non otium.

Quando libet gloriari, vbi
otari non licet? Nec locus est
otio; vbi sedula vrget sollici-
tudo omnium ecclesiarum.

Nam quid tibi aliud dimisit
sanctus Apostolus? Quod ha-

beo, inquit, hoc tibi do. Quid

illud? Vnum scio, non est

aurum, neque argentum; cum

ipse dicat: Argentum, & aurū

non est mihi. Si habere con-

tingat; vtere non pro libitu,

sed pro tempore. Sic eris

vtens illis, quasi non vtens.

Ipsa quidem, quod ad animi

bonum spectat, nec bona sunt

nec mala: vsus tamen horum

bonus; abusus mala, sollici-

tudo peior, quæstus turpior.

Esto, vt alia quacunque ra-

tione, hæc tibi vendices; sed

non apostolico iure. Nec enim

tibi

Act. 3.

Auri, &
argenti
vsus
bonus,
abusio
mala,
sollici-
tudo
peior,
quæstus
turpior.

tibi ille dare, quod non habuit,
potuit. Quod habuit, hoc
dedit, sollicitudinem, vt dixi,

a. Pet. super ecclesias. Nunquid do-
6. minationem? Audi ipsum:
 Non dominantes, ait, in clero,
 sed forma facti gregis. Et ne
 dictum sola humilitate putes,
a. 11. non etiam veritate; vox Do-
 mini est in Euangelio: Reges
 gentium dominantur eorum;
 & qui potestatem habent super
 eos, benefici vocantur. Et
Luc. infert: Vos autem non sic.
22. Planum est: apostolis interdi-
 citur dominatus. I ergo tu, &
 tibi vsurpare aude, aut domi-
 nans apostolatam; aut aposto-
 licus dominatum. Plane ab
 alterutro prohiberis. Si vtrun-
 que simul habere voles, perdes
 vtrunque. Alioquin non te
 exceptum illorum numero
 putes, de quibus queritur
 Deus sic: Ipsi regnauerunt, &
 non

non ex me: principes extiterunt, & ego non cognoui eos. Iam si regnare sine Deo iuuat, habes gloriam, sed non apud Deum. At si interdictum tenemus; audiamus edictum: Qui maior est vestrum, ait, fiat sicut iunior: & qui præcessor est, sicut qui ministrat. Forma apostolica hæc est: dominatio interdicitur: indicitur ministratio: Quæ & commendatur ipsius exemplo legislatoris; qui secutus adiungit: Ego autem in medio vestrum sum, sicut qui ministrat. Quis se iam titulo hoc inglorium putet; quo se prior dominus gloriæ præsigniuit? Merito Paulus gloriatur in eo dicens: Ministri Christi sunt, & ego: Et addit: Vt minus sapiens dico, plus ego. In laboribus plurimis, in carceribus abundantius, in plagis supra modum,

Osea 8.
Luc. 22.
Luc. 22.
Ibid.
2. Cor. 11.

in

in mortibus frequenter. O præclarum ministerium. Quo non id gloriosius principatu? Si gloriari oportet; forma tibi sanctorum præfinitur, apostolorum proponitur gloria: Paruane tibi illa videtur? Quis mihi tribuat similem fieri in gloria sanctorum? Clamat Propheta: Mihi autem nimis honorificati sunt amici tui Deus: nimis confortatus est principatus eorum. Clamat

Gal. 6. Apostolus: Mihi autem absit gloriari, nisi in cruce Domini nostri Iesu Christi. Hoc glorieris opto semper optimo genere gloriæ: quod apostoli, quod propheta delegere sibi, reliquere tibi. Agnosce hæreditatem tuam in Christi cruce, in laboribus plurimis. Felix qui dicere potuit: plus omnibus laboravi. Gloria est, sed nihil in ea inane, nil molle, nil resu-

Psal.

138.

*Gal. 6.**1 Cor.*

15.

resu-

resupinum . Si labor terret , 1. Cor.
merces inuitet . Vnusquisque 3.
enim secundū suum laborem,
mercedem accipiet . Etsi ille,
plus omnibus laborauit , non
tamen totum elaborauit ; &
adhuc locus est .

CAPVT VI.

EXi in agrum domini tui :
& considera diligenter ,
quantis hodieque de veteri
maledicto siluescat spinis , ac
tribulis . Exi , inquam , in
mundum : Ager est enim mun- Ager est
dus , isque creditus tibi . Exi in mun-
illum , non tanquam dominus : dus .
sed tanquam villicus , videre , &
procurare vnde exigendus es
rationem . Exi dixerim , qui-
busdam tuæ passibus intentæ
sollicitudinis , & sollicitæ intē-
tionis . Neque enim ipsi qui Marc.
iussi sunt ire in orbem vni- 16.
uer-

uersum, orbem circuierunt
 præsentia corporis, sed mentis
 prouidentia. Et tu leua oculos
 quosdam considerationi tuæ :
 & vide regiones, si non sunt
 magis siccæ ad ignem, quam
 albæ ad messem. Quam multe ;
 quas putaueras fruges ; dili-
 genter inspectæ, vepres potius
 apparebunt ? Imò nec vepres
 quidem : annosæ, & veternosæ
 arbores sunt ; sed non profecto
 fructiferæ, nisi forte glandium
 aut filiquarum, quas porci
 manducant. Quousque occu-
 pant terram ? Nonne si exis &
 cernis ista, pudebit otiosam
 iacere securim ? pudebit sine
 causa falcem apostolicam ac-
 cepisse ? In hunc quondam
 agrum Isaac patriarcha exierat,
 cum primo Rebecca occurrit
 ei : & vt Scriptura habet,
 exierat ad meditandum. Ille ad
 meditandum : tu ad extirpan-
 dum

dum egrediari necesse est:
Tibi iam præcessisse meditatio
debet: tempus faciendi præ
manibus: Si nunc hæsitare
incipias, id quidem sero. Ante,
iuxta consilium Saluatoris, se- *Luca*
disse debueras, ante æstimasse *14.*
opus, metiri vires, ponderasse
sapientiam, merita compa-
rasse, sumptus computasse,
virtutum. Age ergo; puta tem- *Cant.*
pusputationis adesse, si tamen *2.*
meditationis præiuit. Si cor
mouisti, mouenda iam lingua,
mouenda est & manus. Accin- *Psal.*
gere gladio tuo, gladio spi- *44.*
ritus, quod est verbum Dei. *Ephes.*
Glorifica, & manum, & bra- *6.*
chium dextrum, in faciendo
vindictam in nationibus, incre- *Psal.*
pationes & in populis, in alli- *149.*
gando reges eorum in compe-
dibus, & nobiles eorum in
manicis ferreis. Si hæc facis:
honorificas ministerium tuum,
&

& ministerium te. Non medio-
cris iste principatus. Exturbare
est hoc malas bestias à termi-
nis tuis, quò greges tui securi
in pascua educantur. Domabis
lupos: sed ouibus non domi-
naberis. Pascendas vtique, non
perimendas suscepisti.

CAPVT VII.

SI benè considerasti quis sis:
hæc te oportere facere nō
Iaco. 4. ignoras. Porrò scienti & non
facienti, peccatum est tibi.
Non es oblitus, vbi legeris:
Luc. 12. Seruus sciens voluntatem do-
mini sui, & non faciens digna,
plagis vapulabit multis. Sic
prophetæ, sic apostoli facti-
tabant. Fortes fuere in bello,
Heb. 11. non molles in sericis. Si filius
es apostolorum, & prophetarū;
& tu fac similiter. Vendica tibi
nobile genus similibus mori-
bus

bus : quod non aliunde nobile,
quam morum ingenuitate, &
fidei fortitudine fuit. Per hanc *Heb.*
vicerunt regna, operati sunt *11.*
iustitiam, adepti sunt repro-
missiones. Hoc chirographum
paternæ tuæ hæreditatis, quod
tibi euoluimus; vbi inspicias
portionem substantiæ, quæ te
contingit. Induere fortitudinē,
& hæreditasti. Posside fidem,
posside pietatem, posside sa-
pientiam: sed sapientia sancto-
rum, ipsa est timor domini; &
habes quod tuum est. Habes
sine defraudatione integrum
paternum fundum. Pretiosissi-
mus fundus virtus est. Bonus
fundus, humilitas: in qua
omne ædificium spirituale,
cōstructum consistit, & crescit
in templum sanctum in domi-
no. Per hanc nonnulli posse- *Ephes.*
dere etiam portas inimicorū, *2.*
Quæ enim virtutum æque
po-

potest dæmonum omnem debellare superbiam; tyrannidem hominum? Cæterum cum omni indifferenter personæ; hæc sit quædam turris fortitudinis à facie inimici: nescio quo pacto tamen vis eius maior in maioribus, & in clarioribus clarior comprobatur. Nulla splendidior gemma, in omni præcipue ornatu Summi Pontificis. Quo enim celsior cæteris: eo humilitate apparet illustrior, & seipso.

Humili-
tatis cō-
menda-
tio.

CAPVT VIII.

ARguar forsitan quod non satis primis partibus explicitis, in secundas nescio quomodo stylus excurrerit: describere inchoans qualem te oporteat esse, cum necdum quis sis, plenius expressisset. Credo erubescens in summo

positum apice videri hominem
nudum, festinauit induere insi-
gnibus suis. Absque his, eo
nempe deformior, quo illu-
strior pares. Nunquid potest *Matt.*
abscondi ciuitatis supra montē *5.*
positæ desolatio? aut latere
fumus lucernæ extinctæ super
candelabrum? Simia in tecto; *Prou.*
rex fatuus in folio sedens. Et
nunc audi canticum meum &
quidem minus suaue, sed salu-
tare. Monstruosa res, gradus
summus, & animus infimus:
sedes prima, & vita ima: lingua
magniloqua, & manus otiosa:
sermo multus, & fructus nul-
lus; vultus grauis, & actus
leuis: ingens auctoritas, &
nutans stabilitas, Admoui spe-
culum; fœdus se in eo vultus
agnoscat: tu tuum gaude dissi-
mitem inueniri. Inspice tamen
& tu: ne forte, & si sit vnde
merito placeas tibi: etiam in
quo

quo debeas displicere, non desit. Volo glorieris testimonio conscientiae: sed non minus ut eodem ipso humilieris. Rara vox: Nihil mihi conscius sum.

I. Cor.

4.

Cautior in bonis ambulas, si & mala non lateant. Quamobrem ut dixi, noueris te, ut inter angustias, quæ non desunt, fruaris conscientie bono: magis autem ut scias quid desit tibi.

Quid de
sit tibi
conside-
randum.

Nam cui non desit? Omnia illi desunt, qui nil sibi deesse putat. Quid si summus pontifex sis? Nunquid, quia summus Pontifex, ideo summus? Infimum noueris esse, si summum putas. Quis summus? Cui addi non possit. Grauius erras, si te illum existimes. Absit. Non tu de illis es, qui dignitates virtutes putant. Tibi ante experta virtus, quam dignitas fuit. Augustis relinquito illam sententiam, alijsque, qui diuinis

coli

Coli honoribus nō timuerunt :
 verbi gratia, Nabuchodonō-
 for, Alexandro, Antiocho,
 Herodi. Tu verò considera, non
 consummatione summum te
 dici; sed comparatione. Nec
 me putes comparationem di-
 cere meritorum, sed ministe-
 riorum. Sic te existimet homo,
 vt ministrum Christi: & quod
 absque præiudicio sanctitatis
 cuiuspiam dixerim, summum
 planè inter ministros. Alias,
 niti te ad summum velim, non
 putare summum; aut velle
 putari, antequam sis. Nam
 quomodo proficis, si iam suffi-
 cis tibi? Non sit proinde tibi
 aut pigrum vestigare quod
 desit, aut fateri quod desit
 verècundum. Loquere & tu
 voce antecessoris tui: Non
 quod iam acceperim, aut iam
 perfectus sim. Et rursum: Ego
 me non arbitror comprehen-

Ab exē-
 plis.

Summus
 quomo-
 do dica-
 tur.

Philip.
 3.
 Ibid.

disse. Hæc scientia sanctorum : hæc longe ab illa, quæ inflat. Hanc qui apponit, apponit & dolorem : sed dolorem hunc nemo sapiens vnquam subterfugit. Est quippe medicinalis dolor, per quem stupor ille, lethalis animi duri, & impœnitentis excluditur. Et ideò sapiens, qui dicere potuit : Et dolor meus in conspectu meo est semper.

Ps. 37.

CAPVT IX.

NVnc iam repetendæ reliquæ, si quæ sunt, loci illius, à quo paulo ante diuertimus. Age indagemus adhuc diligentius, quis sis : quam, geras videlicet pro tempore personam in ecclesia Dei. Quis es? Sacerdos magnus : Summus Pontifex. Tu princeps episcoporum, tu hæres Apo-
sto-

stolorum. tu primatu Abel, gubernatu Noe, patriarchatu Abraham, ordine Melchisedech, dignitate Aaron, auctoritate Moyse, iudicatu Samuel, potestate Petrus, vntione Christus. Tu es, cui clau-
 ues traditæ, cui oues creditæ
 sunt. Sunt quidem & alij cæli
 ianitores, & gregum pastores:
 sed tu tanto gloriosius, quanto
 & differentius vtrunque præ
 cæteris nomen hæreditasti.
 Habent illi sibi adsignatos gre-
 ges, singuli singulos: Tibi
 vniuersi crediti, vni vnus. Nec
 modò ouium, sed & pastorum;
 tu vnus omnium pastor. Vnde
 id probem quæris? Ex verbo
 Domini, Cui enim non dico
 episcoporum, sed etiam Apo-
 stolorum; sic absolutè, & indi-
 scretè, totæ commissæ sunt
 oues? Si me amas, Petre, pasce
 oues meas. Quas? Illius, vel

Matt.

16.

10. 21.

Ibid.

illius populos ciuitatis, aut regionis, aut certi regni? Oues meas, inquit. Cui non planum, non designasse aliquas, sed adsignasse omnes? Nihil excipitur, vbi distinguitur nihil. Et forte præsentes cæteri cōdiscipuli erant, cum committens vni, vnitatem omnibus commendaret in vno grege, & vno

Cant. 6

pastore, secundum illud: Vna est columba mea, formosa mea, perfecta mea. Vbi vnitas, ibi perfectio. Reliqui numeri perfectionem non habent: sed diuisionem, recedentes ab vnitatem. Inde est, quod alij singuli singulas fortiti sunt plebes,

Gal. 2.

scientes sacramentum. Denique Iacobus, qui videbatur columna ecclesiæ; vna contentus est Hierosolyma, Petro vniuersitatem cedens. Pulchrè verò ibi positus est suscitare semen defuncti fratris, vbi oc-

cifus est ille. Nam ille dictus *Gal. 1.*
 est frater Domini. Porro ce-
 dente Domini fratre, quis se
 alter ingerat Petri præro-
 gatiuæ? Ergo iuxta canones tuos
 alij in partem sollicitudinis: tu
 in plenitudinem potestatis vo-
 catus es. Aliorum potestas
 certis arctatur limitibus: tua
 extenditur & in illos qui po-
 testatem super alios accepe-
 runt. Nonne si causa extiterit:
 tu episcopo cælum claudere, tu
 ipsum ab episcopatu deponere
 etiam, & satanę tradere potes?
 Stat ergo inconcussum priui-
 legium tuum tibi, tam in datis
 clauibus, quam in ouibus com-
 mendatis. Accipe aliud, quod
 nihilominus minus præroga-
 tiuam confirmat tibi. Disci- *10. 21.*
 puli nauigabant, & Dominus
 apparebat in littore: quodque
 iucundius erat, in corpore re-
 diuino. Sciens Petrus, quia

Præro-
gatiuæ
Petri ne-
mo se
ingeri.

Potestas
Papæ.

Ibid.

Mare di-
citur se-
culum;
& naues
Eccle-
siaz.

Aquæ,
populi
dicuntur.

Dominus est, in mare se misit :
& sic venit ad ipsum, alijs nauigio peruenientibus . Quid istud? Nempè signum singularis pontificij Petri, per quod non nauem vnā, vt cæteri quisque suam, sed sæculum ipsum suscepit gubernandum . Mare enim sæculum est . naues Ecclesiæ . Inde est quod altera vice instar Domini gradiens super aquas, vnicum se Christi vicarium designauit : qui non vni populo, sed cunctis præesse deberet . Siquidem aquæ multæ populi multi . Ita cum quisque cæterorum habeat suam, tibi vna commissa est grandissima nauis, facta ex omnibus, ipsa vniuersalis Ecclesia, toto orbe diffusa .

CAPUT X.

EN quis est? Sed noli obli-
uisci etiam quid. Nam
& ego non sum oblitus id me
promississe repetiturum in op-
portunitate. Quam opportu-
nè cum eo quis es, & quod ante
eras, consideras. Quid dico
eras? & nunc es. Quid desi-
nas intueri, quod non desisti
esse? Vna sanè consideratio
est, quid fueris, & quid sis.
Nam quis sis factus; altera.
Non oportet vt ista extundat
illam, in scrutinio tui. Es
enim, vt dixi, adhuc quod eras:
& non minus hoc es, quam
quod factus es post; forte &
magis. Denique illud natus
es; inutatus hoc, non in hoc
mutatus; non reiectum illud,
sed istud adiectum. Tracte-
mus vtrunque simul. Nam vt

præfatum me memini, collatæ
ex inuicem ambæ res vtiliores
fient. Dixi supra, confieranti
quid sis; naturam occurrere,
qua es homo: nam homo na-
tus es. Porro percunctanti
quis; personæ respondebitur
nomen, quod est Episcopus:
quod quidem factus: non na-
tus es. Quid tibi horum vi-
detur ad purum esse tui, & ad
te principalius pertinere? quod
factus, an quod natus? Non-
ne quod natus? Hoc ergo con-
sulo consideres maximè, quod
maximè es: hominem videli-
cet, quod & natus es. Nec
modò quid natus, sed etiam
qualis natus, oportet attendas:
si non vis tuæ considerationis
fructu, & vtilitate fraudari.
Tolle proinde nunc hæredita-
ria hæc perizomata ab initio
maledicta. Dirumpe velamen
foliorum celantium ignomi-
niam,

uiam, non plagam curantium,
 Dele fucum fugacis honoris Fucus honoris delendus,
 huius, & malè coloratæ nitor-
 rem gloriæ; vt nudè nudum Job. 1.
 consideres: quia nudus egres-
 sus es de vtero matris tuæ.
 Nunquid infulatus? nunquid
 micans geminis, aut floridus
 sericis, aut coronatus pennis,
 aut suffarcinatus metallis? Si
 cuncta hæc veluti nubes quas-
 dam matutinales velociter trā-
 seunt, & citò pertransituras,
 dissipēs, & exsules à faciē con-
 siderationis tuæ: occurrēt tibi
 homo nudus, & pauper, & mi-
 ser, & miserabilis. homo do-
 lens quòd homo sit; erubescens
 quòd nudus sit; plorans quòd
 natus sit; murmurans quòd sit. Job. 5.
 Homo natus ad laborem, non
 ad honorem. Homo natus de Job. 14.
 muliere, & ob hoc cum reatu;
 breui viuens tempore, ideoque
 cum metu; repletus multis mi-

serijs , & propterea cum fletu .
 Et verè multis : quia corporis ,
 & animæ simul . Quid enim
 calamitate vacat , nascenti in
 peccato , fragili corpore , &
 mente sterili ? Verè ergo re-
 pletus , cui infirmitas corporis ,
 & fatuitas cordis cumulatur ,
 traduce fordis , mortis addi-
 ctione . Salubris copula , vt
 cogitans te summum Pontifi-
 cem , attendas pariter vilissi-
 mum cinerem non fuisse , sed
 esse . Imitetur cogitatio na-
 turam ; imitetur & quod di-
 gnus est , auctorem naturæ ,
 summa , imaque consocians .
 Nonne natura in persona ho-
 minis , vili limo vitæ spiracu-
 lum colligauit ? Nonne auctor
 naturæ in sui persona verbum
 limumque contemperauit ? Ita
 tibi sume formam , tam de no-
 stræ concrétione originis ,
 quàm de sacramento redemp-
 tio-

sa'ubris
 cogita-
 tio .

tionis : vt altus sedens , non
alta sapiens sis ; sed humilia de
te sentiens sis , humilibusque
consentiens .

CAPUT XI.

PRoinde si consideras quan-
tus es , cogita etiam qua-
lis , & maximè . Hæc te sane
consideratio tenet in te ; nec a
te auolare finit ; nec ambulare
in magnis , neque in mirabili-
bus super te . (In te consisti- *Psal.*
to) . Non infra deijci , non *130.*
attolli supra , non euadere in
longius , non extendi in latius .
Tene medium , si non vis per-
dere modum . Locus medius
tutus est . Medium sedes mo- *Medij*
di , & modus virtus . Omnem *ratio .*
extra modum habitationem ,
sapiens exilium reputat . Prop-
terea non est illi habitare in
longo , quod vltra modum sit :

sed nec in lato quidem, quod extra sit: porro nec in alto, nec imo, quod alterum supra, alterum infra sit. Denique & longitudo exterminium habere solet, & dilatatio scissuram, & altitudo ruinam, & profundum absorptionem. Dico hæc planius, ne me putes ea loqui, quæ

Eph. 3. Apostolus comprehendere hortatur cum omnibus sanctis, longitudinem, latitudinem, sublimitatem, & profundum: quod alterius erit & disputationis, & temporis. Nunc autem longum dico, cum sibi homo longiorem promittit vitam. Latum, cum in superfluas animus distenditur curas. Altum, cum de se plus præsumit. Profundum, cum se plus deijcit. Qui igitur longa sibi metitur tempora, nonne verè ingreditur iter exterminij, transiens vitæ terminos

Quid.
hic longum, latum, altum, & profundum.

productiori sollicitudine? Inde est quod homines in præsenti, à sese exules per obliuionem, in alia per inanem sollicitudinem migrant sæcula, non profutura; imò nec futura. Similiter animus distentus in multa, multis laceretur curis necesse est. Nempe immoderata extensio extenuationem, & extenuatio nimia scissionem facit. Iam verò alta præsumptio, quid nisi ruinosa præcipitatio est? Legisti namque: Ante ruinam exaltatur cor. *Pro. 16.* Quid e regione nimix pusillanimitatis deiectio; nisi desperata quædam absorptio est? In hanc fortis non deiicietur. Prudens longioris vitæ non abducetur incerto. Modestus moderabitur curas, temperabit a superfluis, non deerit necessarijs. Porro iustus altiora se non præsumet: sed loque-

quetur cum iusto: Si iustus
 fuero, non leuabo caput. Tu
 ergo in hac consideratione tui
 cantè ambules, & tota æquita-
 te verferis: vt nec plus vero
 tibi tribuas, nec plus iusto par-
 cas. Porrò plus vero tribuis,
 non modo arrogando tibi
 quod habes bonum: sed &
 quod habes, tibi adscribendo.
 Vigilanter discerne qualis ex
 te, & qualis sis dono Dei; &
 non sit in spiritu tuo dolus.
 Erit autem vbi partiens fide-
 liter, tua tibi, & quæ sunt Dei,
 Deo sine fraude resignes. Ex
 te mala, bona autem a Domino
 esse, persuasum tibi non am-
 bigo.

Ex no-
 bis ma-
 la, bona
 autem à
 Domi-
 no.

CAPIT. XII.

SAne inter considerandum
 qualis sis, etiam qualis
 fueris, ad memoriam reuo-
 can-

candum. Conferenda posteriora prioribus : profecerisne in virtute , in sapientia , in intellectu , in suauitate morum : an ab his forte (quod absit) defeceris . Patientior sis , an impatientior solito ; iracundior , leniorue ; insolentior , an humilior ; affabilior , an austerior ; exorabilior , an difficilior ; pusillior animo , an magnanimior ; serius magis , an plusculum dissolutus ; timoratio-
rior , an forte fidentior quam oportet . Quam latus tibi patet campus in hoc genere considerandi . Memoro ego pauca , veluti quædam seminaria proferens : non tamen ipse ferens , sed dans semen ferenti . Oportet innotescat tibi zelus tuus , clemencia tua , discretio quoque moderatrix earundem virtutum : qualis videlicet in donandis iniurijs ; qualis sis in

Zelus
Clemē-
tia. Dis-
cretio.

De tri-
plici ea-
rundem
virtutū
confide-
ratione.

Caligi-
nis duæ
causæ.

vlciscendis ; quam in vtroque
prouidus, modi, loci, tempo-
ris, obseruator. Prorsus confi-
deranda tria hæc, in vsu virtu-
tum harum : ne non sint virtu-
tes, si præter hæc reperiantur.
Nempè eiusmodi, non natura
virtutes, sed vsus facit. Nam
ex se indifferentes esse noscun-
tur. Tuum est aut abutendo, &
confundendo, facere vitia : aut
benè, ordinatèque vtendo, vir-
tutes. Solent discretionis o cu-
lo caligante, alterutrum sibi
præripere loca, terminos oc-
cupare. Porro caliginis duæ
sunt causæ : ira, & mollior af-
fectus. Is iudicij censurā ener-
uat, illa præcipitat. Quomodo
enim ab altero non periclite-
tur, aut pietas clementiæ, aut
zeli rectitudo ? Turbatus præ
ira oculus nil clementer in-
tuetur : suffusus fluxa quadam,
& muliebri mollitie animus,

rectum non videt. Non eris innocens, si aut punias eum, cui forte parcendum esset: aut parcas ei, qui fuerat puniendus. In tribulationibus quoque qualem te inuenieris, nolo dissimules. Si constantem in tuis, condolentem in alienis; gaude. Recti cordis hoc. E regione, peruersissimi: si cum in proprijs deprehendaris fortasse impatiens, minimè tamen in alienis cõpatiens sentiaris.

Quid in prosperis? nihilne est quod considerationem sollicitet? Est vtique, si diligenter attendas, quam rarus semper extiterit, qui non vel modicè in prosperitate animum relaxauerit à sua custodia, & disciplina. Quando hoc incautis nō fuit ad disciplinam, quod ignis ad ceram; quod solis radius ad niuem, vel glaciem? Sapiens David, sapientior Salomon fuit

In ad-
uersis vt
se habe-
re de-
beat.

In pro-
speris
qualem
se gere-
re oportet.

fuit : sed blandientibus nimis
 secundis rebus ; alter ex parte,
 alter ex toto desipuit. Magnus
 qui incidens in aduersa non
 excidit vel parum à sapientia .
 Nec miror , cui præsens fæli-
 citas si arrisit , non irrisit .
 Quamquam facilius inueneris ,
 qui sapientiam sibi retinue-
 runt , contraria sibi fortuna :
 quam qui propitia , non perdi-
 derunt . Præferendus ille , &
 magnus est , cui inter prospera
 saltem risus indecentior , aut
 immoderatio cura vestis , vel
 corporis , non irrepfit .

CAPVT XIII.

Eccl.

38.

Otij dā.
na.

ET si rectè Sapiens hortatur
 sapientiam scribi in otio :
 cauendū & in otio , otium est .
 Fugienda proinde otiositas ,
 mater nugarum , nouerca vir-
 tutum . Inter sæculares nugæ ,
 nugæ

nugæ sunt : in ore sacerdotis , Nugæ in ore sacerdot. blasphemix .
blasphemix . Interdum tamen
si incidant , ferendæ fortassis ,
referendæ nunquam . Magis
interueniendum caute , & pruden-
ter nugacitati . Prorumpendum
sane in serium quid ,
quod non modò vtiliter , sed
libenter audiant ; & superse-
deant otiosis . Consecrasti os
tuum Euangelio : talibus iam
aperire illicitum , assuescere
sacrilegum est . Labia sacerdo-
tis , ait , custodiunt scientiam ,
& legē requirunt de ore eius ,
non nugas profectò , vel fabu-
las . Verbū scurrile , quod faceti , Mal. 2.
urbaniue nomine colorant ,
non sufficit peregrinari ab ore :
procul & ab aure relegandum .
Fœdè ad cachinnos moueris :
fœdius moues . Porrò detra-
here , aut detrahentem audire :
quid horum damnabilius sit , De Aua-
non facile dixerim . ritia .

non est quod tuum fatigem intuitum, cum pecuniam tanquam paleam dicaris habere. Non prorsus, non est quod pro illa timeatur à iudicijs tuis, Sed est quod non minus sæpè, nec noxiè minus insidiari iudicantibus solet: de quo maximè quid in tua lateat conscientia, latere te nolim. Quid illud sit, quæris? *Acceptio personarum*.

De acceptance
personarum.

Non parui te reum peccati existimes, si facies peccatorum sumis: & non potius causas iudicas meritorum. Est item vitium, cuius si te immunem sentis, inter omnes, quos novi ex his, qui cathedras ascenderunt, sedebis me iudice solitarius: quia veraciter, singulariterque leuasti te supra te, iuxta Prophetam. Facilitas credulitatis hæc est: cuius callidissimæ vulpeculæ, magnorū neminem comperi satis cauisse

Thren.

3.
De facilitate
credulitatis.

ver-

versutias . Inde eis ipsis pro
nihilō iræ multæ ; inde inno-
centium frequens addictio ,
inde præiudicia in absentes .
Gratulor autē tibi (nec enim
assentationis apud te notam
incurrere vereor) gratulor ,
inquam , præsidere te vsque
adhuc absque horum omnium
querela multa : an , & sine
culpa , tu videris . Nunc ad ea
quæ sub te sunt , consideratio
intendenda . At alterius prin-
cipij hoc : siquidem tuis oc-
cupationibus sermo breuior
competentior est .



⁹⁴
S. BERNARDI

A B B A T I S

CLARAEVALLIS

LIBER III.

De Consideratione, ad
Eugenium Papam III.

CAPVT I.



Inis superioris libri,
huic principium po-
nit. Itaque iuxta pro-
missum illius; consi-
deranda quæ sub te sunt. Quæ-
nam sint ista; non est quod à
me quærendum putes, sacer-
dotum optime Eugeni: rectius
fortasse quæ non sint, quæras.
Orbe exeundum ei, qui fortè
volet explorare, quæ non ad
tuam pertinent curam. Paren-
tes

De po-
restate
Papæ.

tes tui destinati sunt, non
 aliquas regiones, sed totum
 debellaturi orbem. Ite in orbē *Marc.*
 vniuersum, dictum est illis. 16.
 Ipsi verò vendentes tunicas,
 emere gladios, ignitum elo-
 quium, & spiritum vehemen-
 tem, arma potentia Deo. Quo *Psal.*
 non peruenerunt victores in- 119.
 clyti, filij excussorum? Quo
 non sagittæ potentium acutæ,
 cum carbonibus desolatorijs?
 Et quidem in omnem terram *Pf.* 18.
 exiuit sonus eorum; & in fines *Rom.*
 orbis terræ verba eorum. Pe- 10.
 netrabant, & incendebant ver-
 ba illa incensa igni, quem Do- *Luc. 12*
 minus misit in terram. Oc-
 cumbebant strenuissimi bella-
 tores, sed non succumbebant;
 triumphabant & mortui. Ni- *Psal.*
 mis confortatus est principa- 138.
 tus eorum: constituti sunt *Pf.* 44.
 principes super omnem terrā.
 Eis tu successisti in hæredita-
 tem

tem. Ita tu hæres, & orbis hæreditas. At quatenus hæc te portio contingit, aut contingerit illos, id sobria consideratione pensandum. Non enim per omnem reor modum, sed sanè quod antenus (vt mihi videtur) dispensatio tibi super illum credita est; non data possessio. Si pergis vsurpare etiam hanc, contradicit tibi qui dicit:

Pf. 49. Meus est enim orbis terræ, & plenitudo eius. Non tu ille, de quo Propheta ait: Et erit omnis terra possessio eius.

Psal. 103. Christus hic est, qui possessionem sibi vindicat, & iure creationis, & merito redemptionis, & dono patris. Cui enim

Pf. 2. alteri dictum est: Postula à me, & dabo tibi gentes hæreditatem tuam, & possessionem tuam terminos terræ? Possessionem, & dominium cede huic: tu curam illius habere,

Pars tua hæc: ultra ne extendas manum. Quid inquis? Non negas præesse, & dominari vetas? Planè sic. Quasi non benè præsit, qui præest in sollicitudine. Nunquid non, & villa villico; & parvus dominus subiectus est pædago-go? Nec tamen ille villæ, nec is sui domini dominus est. Ita & tu præsis vt prouideas, vt consulas, vt procures, vt serues. Præsis, vt profis. præsis vt fidelis seruus & prudens, quem constituit dominus super familiam suam. Ad quid? Vt des escam illis in tempore: hoc est, vt dispenses, non vt imperes. Hoc fac, & dominari ne affectes hominum homo: vt non dominetur tui omnis iniustitia. At satis, superque id intimatum supra; cum quis sis, disputaretur. Addo tamen & hoc: nam nul-

Præesse
quomo-
do oportet.

Matt.
24.

Psal.
118.

Libido
dominā
di magis
timenda
quam
quiuis
gladius.

lum tibi venenum; nullum
gladium plus tibi formido,
quàm libidinem dominandi.
Certè vt multum tibi tribuas,
si multum deceptus non es;
nil te existimes plus accepisse
à magnis apostolis.

CAPUT II.

Rom. I.

RECORDARE nūc vocis illius:
Sapientibus, & insipien-
tibus debitor sum. Et si non

Luc.

16.

indebitam tibi ipsam censes:
hoc quoque simul memento,
debitoris molestum nomen;
seruienti potius, quàm domi-
nanti congruere. Seruus in
euangelio audit: Quantum
debes domino meo? Ergo si
te agnoscis sapientibus, & in-
sipientibus non dominato-
rem, sed debitorem: curan-
dum summoperè tibi, & tota
vigilantia considerandum,
quo-

quomodo & qui non sapiunt,
sapiant: & qui sapiunt non
desipiant: & qui desipere
resipiscant. At nullum genus
insipientiæ infidelitate (vt sic
loquar) insipientius est. Er-
go & infidelibus debitor es,
Iudæis, Græcis, & Gentibus.
Interest proinde tua, dare ope- *Rom. 1.*
ram, quam possis, vt increduli
conuertantur ad fidem, & con-
uersi non auertantur, auersi
reuertantur. Porro peruersi
ordinentur ad rectitudinem,
subuersi ad veritatem reuo-
centur: subuersores inuictis
rationibus conuincantur: vt
vel emendentur ipsi, si fieri
potest: vel si non, perdant au-
toritatē, facultatemque alios
subuertendi. Non omninò &
ab hoc insipientium genere
pessimo tibi dissimulandum.
Dico autem hæreticos, schis-
maticosque: nam hi sunt sub-

Hæretici
aut cor-
rigendi
ne, pe-
reant aut
coercen-
di ne pe-
rimant.

Rom.
11.

Psal.
147.

uersi, & subuersores; canes ad
scissionem, vulpes ad frau-
dem. Erunt, inquam, huius-
modi maximè tuo studio aut
corrigendi; ne pereant: aut ne
perimant coercendi. Esto;
de Iudæis excusat te tempus:
habent terminum suum, qui
præueniri non poterit. Ple-
nitudinem gentium præire
oportet. Sed de ipsis genti-
bus, quid respondes? Imo
quid tua consideratio respon-
det tibi percunctanti sic: Quid
visum est patribus ponere
metam Euangelio; verbum
suspendere fidei, donec infi-
delitas durat? Qua ratione
putamus, subsistit velociter
currens sermo? Quis primus
inhibuit hunc salutarem cur-
sum? Et illis causa forte, quam
nescimus, aut necessitas potuit
obstitisse. Nobis quæ dissi-
mulandi est ratio? Qua fidu-
cia,

cia, qua conscientia Christum, non vel offerimus eis, qui non habent? An veritatem Dei in iniustitia detinemus? *Rom. 1.*
 Et quidem quandoque perueniat gentium plenitudo necesse est. Expectamus, ut in eas incidat fides? Cui credere casu contigit? Quomodo *Rom. 11.*
 credent sine prædicante? Petrus ad Cornelium; Philippus *Rom. 10.*
 ad Eunuchum missi sunt. Et *Act. 8.*
 si exemplum recentius quærimus: Augustinus à beato Gregorio destinatus est formam fidei tradere Anglis. Et de his tu ita tecum. Ego addo, & de pertinacia Græcorum, qui nobiscum sunt, & *Græcorum per tinacia,*
 nobiscum non sunt, iuncti fide, pace diuisi. quanquam & infide ipsa claudicauerint a semitis rectis. Et item de hæresi, quæ clam penè vbique serpit: apud aliquos sæuit palam.

Nā paruulos Ecclesiæ passim,
& publice deglutire festinat.
Quæris vbi sit hoc? Vestri,
qui terram Austri tam sæpe
visitant, eccè hi sciunt, & pos-
sunt dicere tibi. Eunt, & re-
dunt per medium illorum, aut
transeunt secus: sed quid boni
adhuc cum illis egerint, nec-
dum audiuius. Et forsitan
audiuissemus, nisi præ auro
Hispaniæ, salus populi viluif-
set. Tuum est & plagæ huic
remedium providere.

CAPVT III.

Sed est insipientia, quæ ip-
sam quoq; iam propemo-
dum stultam fecit sapientiam
fidei. Quomodo & ecclesiam
catholicam pene totam hoc vi-
rus infecit? Namdum & in ipsa
quiq; quæ nostra sūt querimus;
fit, vt inuicem inuidentes, in-
uicem

uicem prouocantes promoueamur, & exerceamur ad odia, animemur ad iniurias, armemur ad lites, cauilemus ad dolos, feramur ad detractiones, prorumpamus ad maledicta, opprimamur à fortioribus, opprimamus infirmiores. Quàm dignè & laudabiliter occupatur meditatio cordis tui, aduersus tam pestilens insipientiæ genus, quod corpus ipsum Christi (quæ est multitudo credentium) occupasse consideras. O ambitio ambientium crux: quomodo omnes torquens, omnibus places! Nil acerbius cruciat, nil molestius inquietat: nil tamen apud miseros mortales celebrius negotijs eius. An non limina apostolorum plus iam ambitio, quàm deuotio terit? An non vocibus eius, vestrum tota die resultat palatium?

Ambitio, quæ magnū sit malum.

tium? An non quæstibus eius,
tota legum, canonumque disci-
plina insudat? An non spolijs
eius, omnis Italica inhiat in-
explebili auiditate rapacitas?
Quid ita tua ipsius spiritualia
studia non saltem intercudit,
sed abscidit? Quotiens sancta,
ac foecunda tua abortiri fecit
otia, inquietum, & inquietans
malum?

CAPVT IV.

Aliud est, quòd ab oppres-
sis appellatur ad te:
aliud autem quòd ambitio in
Ecclesia per te regnare moli-
tur. Nec deesse illis, nec huic
aliquatenus adsentire oportet.
Quàm verò inique fouetur
illa, spernuntur illi! Vtri-
usque tamen debitor es; illis,
vt erigas; istis, vt reprimas.
Et quoniam incidit de appel-
la-

De ap-
pellatio-
nibus.

lationibus, prosequi aliquatenus non erit abs re. Magno in his & pro opus est intuitu: ne quod magna fuit necessitate prouisum, malè vtendo reddatur inutile. Mihi videtur, & in multam eas posse deuenire perniciem; si non summo moderamine actitentur.

Appellatur de toto mūdo ad Rom. Pont.

Appellatur de toto mundo ad te, id quidem in testimonium singularis primatus tui. Attamen si sapias, non primatu gaudebis, sed fructu. Apostolis dictum est: In hoc nolite gaudere, quòd spiritus subiiciuntur vobis. Appellatur ad te, vt dixi: & vtinam tam fructuosè, quàm necessariè. Vtinam cum oppressus clamat, sentiat oppressor: & non superbiat impius, vnde incenditur pauper. Quid tam decorum, vt ad inuocationem tui nominis oppressi effu-

Luc. 10.

giant, versuti non refugiant?
 Quid e regione tam peruer-
 sum, tam recti alienum; vt læ-
 tetur qui malum fecit; & qui
 tulit inaniter fatigetur? In-
 humanissimè non moueris er-
 ga hominem, cui illatæ iniuriæ
 cumulauere dolorem, & labor
 itineris, & damna expensa-
 rum: sed nihilo minus igna-
 uissimè in illum non moueris,
 qui huic tot calamitatum
 partim auctor, partim extitit
 causa. Euigila homo Dei,
 cum hæc contingunt; mouea-
 tur miseratio, moueatur & in-
 dignatio tua. Alteram læso,
 alteram lædenti debes. Con-
 soletur ille damnorum resar-
 citu suorum: satisfactione in-
 iuriarum, siue calumniarum.
 Cum isto ita agatur, vt pœni-
 teat fecisse, quod non timuit
 facere; & non de pœnis inno-
 centis rideat. Arbitror idem
 de-

debere pati illum, qui sine causa forte appellauit. Formulam hanc iustitiæ præfigit tibi & diuinæ incommutabilis ratio æquitatis: &, nisi fallor, ipsa appellationum lex, vt illicitè vsurpata appellatio nec profit appellanti, nec appellato obfit. Vt quid enim frustra fatigatus sit homo? Quàm plenum iustitiæ, vt sese potius læserit, qui lædere voluit proximum. Appellasse iniquè, iniquum est: iniquè appellan- tem impunè transire, iniquarum appellationum fomes. Iniqua autem omnis appellatio, ad quam iustitiæ inopia non coegit. Appellare, non vt graues; sed si graueris, licet. Appellandum à sententia. Ante sententiam, impro- Appellandum a sententia, non ante sententiam. bè omninò, nisi ob manifestum grauamen, præsumitur appellatio. Qui igitur non grauatus

tus appellat : liquet , quia aut
grauare intendit , aut tempus
redimere . Non est autem suf-
fugium appellatio , sed refu-
gium . Quantos nouimus ap-
pellasse pulsatos, quo interim
liceret , quod nunquam licet ?
Nonnullis etiam quoad vixe-
runt, licuisse appellationis suf-
fragio nefaria scimus : verbi
gratia, incestum , adulterium .
Quale est hoc , turpitudini pa-
trocinari ; quod vel maximè
formidari à turpibus oportebat ?
Quousque murmur vni-
uersæ terræ aut dissimulas , aut
non aduertis ? Quousque
dormitas ? quousque non cui-
gilat consideratio tua , ad tan-
tam appellationum confusio-
nem, atque abusum ? Præ-
ter ius, & fas, præter morem, &
ordinem fiunt . Non locus ,
non modus, non tempus , non
causa discernitur, aut persona .

Præ-

Præsumuntur leuiter, passim, plerunque, & nequiter. Volentes malignari, nonne his potissimum terreri solebant? Nunc terrori, ipsi ex his magis fiunt, atque in bonis. Antidotum verum in venenum: non mutatio dexteræ Excelsi hæc. Appellantur boni a malis, vt non faciant bona: & superfedent à voce tonitruui tui formidantes. Denique appellantur Episcopi, ne illicita audcant matrimonia soluere, vel prohibere. Appellantur, ne rapinas, ne furta, ne sacrilegia, & quæ eiusmodi sunt, punire vllatenus, vel cohibere præsumant. Appellantur, ne indignas, & infames personas à sacris officijs, beneficijsve repellere, seu amouere queant. Quod tu inuenis remedium morbo huic: ne quod reperi tum ad remedium fuit, repe-

Appella-
tionum
abusio-
nes.

Matt.
21.

riatur ad mortem? Zelatus est Dominus, domum orationis factam speluncam latronum: Tu eius minister, dissimulas miserorum refugium, datum arma iniquitati. Videas præripi passim partes oppressorum, & prorumpere ad appellandum non tam grauatos, quam grauare volentes. Quid hoc mysterij? Tuum est considerare; non meum commentari istud.

CAPVT V.

ET cur, inquis, malè appellati non veniunt ostensuri suam innocentiam, malitiam coniuncturi? Dico, quod dicere ad hoc solent: Nolumus vexari frustra. In curia esse scimus, qui procliuius faueant appellanti- bus, foueant appellationes. Cessuris Ro-
mæ,

mæ, domi cedere fatius. Fateor me non omnino decredere his. Quem das mihi in tam crebris appellationibus, quæ hodie fiunt, qui pro expensis itineris, vel nummum restituerit illi, quem forte appellarit? Mirum verò, si ita omnes & appellantes iusti, & appellati rei, vestro examine inuenti sunt. Diligite, inquit, iusti- *Sap. 7.* tiam, qui iudicatis terram. Parum est iustitiam tenere, nisi & diligas. Qui timent, tenent: & qui diligunt, zelantur. Amator iustitiæ inquit iustitiam, & prosequitur eam: porrò omnem iniustitiam persequitur. Nihil tibi, & illis, qui appellationes venationes putant. Pudet elogij, quod apud ethnicos iam vertitur in parabolam: Duos nouimus ceruos pingues, vt mitius loquar, plus facetiæ quam

quam iustitiæ hic . Tu si
amas iustitiam , appellationes
non affectas ; sed sustines. Ve-
runtamen , quid emolumenti
adfert ecclesijs Dei , tua vnus
hominis iustitia ? vbi sententia
præualet aliter affectorum ?
At istud , loci illius erit ; cum
cœperint versari , quæ circa te
sunt . Nunc verò non te existi-
mes otiosè vacare considera-
tioni huic ; qua appellationes
ad legitimum , si fieri potest ,
reuoces usum. Et si hinc mea
quærat , vel potius curetur
sententia : dico appellationes ,
vt non contemnendas ; sic nec
vsurpandas omninò . Porro
horum quid insolentius cen-
seam , haud facile dixerim : nisi
quod vsurpatio quandam vi-
detur inducere cōtemptus ne-
cessitatem ; ac per hoc , forte
acrius insectanda , quæ amplius
nocet. Aut non verè nocentior
est

De ap-
pellatio-
num ab
usu .

est, mala in se, in partu peior?
Nonne ipsa est, quæ ipsum ius
quoque naturæ aut extenuat,
aut exterminat? Nam sæpè
rebus etiam preciosissimis,
precij gratiã non modo demit,
sed adimit. Quid sacramentis
acceptius? Usurpata tamen
ab indignis, indigneve tracta-
ta, minimè acceptantur. Magis
habent damnationem, quia de-
bitam venerationem non ha-
bent. Fateor grande, & gene-
rale mundo bonum esse, appel-
lationes: idque tam necessa-
rium, quam solem ipsum mor-
talibus. Reuera quidam sol
iustitiæ est, prodens ac redar-
guens opera tenebrarum.
Prorsus fouendæ, & manute-
nendæ sunt: sed quas extorsit
necessitas, non calliditas adin-
uenit. Usurpatoriæ eiusmodi
sunt omnes, non subuenientes
in necessitate, sed opitulantes

iniquitati. Quid ni veniant in contemptum? Quanti, vt talibus quoque deferrent, etiam de proprio cessere iure: ne longo, & casso itinere fatigaretur? Plures tamen sua amittere non ferentes, appellationes minus opportunas, & celsa nomina importunius contempserunt.

CAPVT VI.

Dico aliquid, quod ad rem pertinet, exempli causa: Quidam sibi publicè desponsauerat vxorem: adest dies celebris nuptiarum. parata omnia, inuitati multi. Et ecce homo concupiscens vxorem proximi sui, in vocem appellationis inopinatæ prorumpit: affirmans sibi traditam prius, suam potius esse debere. Quid plura? Stupet sponsus, hærent omnes

omnes, sacerdos non audet
progredi, frustratur omnis ille
apparatus; descendit quisque
in suam domum, suam coenam
manducaturus: Sponsa à men-
sa, & thalamo sponsi suspen-
ditur, quousq; Roma reditum
est. Parisijs contigit hoc, no-
bili Galliarum ciuitate, sede
Regia. Rursum in ciuitate
eadem, quidam sibi desponsata
vxore, diem constituit nuptia-
rum. Interim emergit calum-
nia, dicentibus quibusdam nō
debere coniungi. Ad iudiciū
ecclesiæ causa delata est: sed
non expectata sententia. ap-
pellatum est sine causa, sine
grauamine, solo frustratoriæ
dilationis intuitu. At ille siue
perdere quæ pararat: siue di-
lectæ tam diu frustrari confor-
tio nolens, nihilo minus quod
proposuerat, contempta siue
dissimulata appellatione, pe-
regit.

regit. Quid istud, quod in
 Altissiodorensi Ecclesia nuper
 à quodam adulescente præ-
 sumptum est? Nempe nuper
 defuncto sancto Episcopo, vo-
 lentibus clericis alium (vt mo-
 ris est) eligere sibi: interuenit
 ille appellans, & vetans ne fie-
 ret, quousque isset, & redisset
 ab Vrbe. Cui tamen appella-
 tioni nec ipse detulit. Nam
 cum videret se contemni, tan-
 quam qui irrationabiliter ap-
 pellasset, accitis quos potuit
 sibi, tertia die post factam ab
 alijs electionem, fecit suam.

Non ex
 contem-
 ptu gi-
 gnitur
 usurpa-
 tio: sed
 ex usur-
 patione
 contem-
 ptus.

Cum itaque ex his & innume-
 ris talibus liqueat, non ex con-
 temptu gigni usurpationem,
 sed ex usurpatione contemp-
 tum: videris tu quid sibi velit
 quòd zelus vester assiduè pene
 vindicat illum, istam dissimu-
 lat. Vis perfectius coercere
 contemptum? Cura in ipso

ut.

vtero pessimæ matris præfocari germen nequam: quod ita fiet, si usurpatio digna animadversione mulctetur. Tolle usurpationem; & contemptus excusationem non habet: porro excusabilitas ausum explo-
det. Non sit proinde usurpator: & contemptor nullus erit, aut admodum rarus. Bene facis tu quod appellationum negato suffragio, imò suffugio, multa remittis negotia ad cognoscentes, vel qui noscere citius possint. Vbi enim certior, aut facilior notio, ibi decisio tutior, expeditiorque esse potest. Quàm plenum gratiæ, quòd multorum quoque per hoc, & laboribus parcis, & sumptibus. At quibus sic credas, id tibi omnimodis attendendum.

CAPUT VII.

POteram multa de eodem
utiliter addere his, sed me-
mor propositi mei, contentus
interim occasionem dedisse, ad
alia transeo. Et primum quod
occurrit, minimè transeundum
reor. Præes, & singulariter.
Ad quid? Eget, tibi dico, con-
sideratione. Nunquid vt de
subditis crescas? Nequaquam:
sed vt ipsi de te. Principem te
constituerunt: sed sibi, non ti-
bi. Alioquin quo pacto te re-
putas superiorem his, à quibus
beneficium mendicas? Audi
Dominum: Qui potestatem
habent super eos, benefici vo-
cantur. At istud, de his qui
foris sunt. Quid ad nos? Tu
id mendaciter diceris; si non
tam beneficus esse, quam bene-
ficis præesse intendis. Parui,
de-

Luc.

22.

Benefi-
ci.

deie&que animi est, de subdi-
tis non profectum quærere,
subditorum, sed quæstum pro-
prium. In summo præsertim
omnium pontifice, nihil tur-
pius. Quàm pulchrè Magister *2. Cor.*
gentium, parentes filijs; non *12.*
filios debere censuit thesauri-
zare parentibus. Non medio-
cris gloriæ vox illa, identidem
ipsius: Non requiro datum, *Philip.*
sed fructum. At iam transea- *4.*
mus & hinc: ne quis moram
in his meam, auaritiæ in te no-
tam interpretetur: quæ quàm
longe à te sit, in libro secundo
testatus sum; sciens quanta, &
in quanta tua necessitate res-
pueris. Ad te proinde scrip-
serim ista, non propter te.
Nempe quod tibi scribitur, so-
li tibi prodesse non decet. Hic
locus auaritiam carpit, à quo
vitio immunis satis tua opinio
est: an & opus, tu videris. Vi-
dimus

dimus tamen (vt oblata à pauperioribus taceam, quæ tangere non acquiescis) Germanicos detumuisse saccos; sed precio, non massa. Argentum reputatum est fœnum: summarij non leuati sarcinis, onusti nihilo minus repatriant vel inuiti. Noua res. Quando hætenus aurum Roma refudit? Et nunc Romanorum consilio id vsurpatum non credimus. Duo venerunt, ambo locupletes, & ambo rei. Siquidem vnus Maguntinus, Coloniensis alter: alteri gratia gratis reddita est. alter indignus credo cui gratia redderetur, audiuit; Cum quali veste intraisti, cum tali egredieris. O vocem magnificam: vocem prorsus apostolicæ libertatis. Quid minus

48. 8. ab illa hæc habuit: Pecunia tua tecum sit in perditionem? nisi quòd in illa plus zeli, in ista

istā plus modestiæ sonuit :
Quid ille de transmarinis par-
tibus, pene à finibus terræ,
terra, & mari currens pro
Episcopatu; suis, & alienis fa-
cultatibus rursus emendo?
Tam enim emerat prius. Tu-
lit multa; sed retulit, non om-
nia tamen. Incidit miser in
manus alias, accipere quàm
dare potentiores: Benè feci-
sti, tuas in utroque seruans in-
noxias; nec imponere scilicet
ambitioso, nec supponere ini-
quo mammonæ acquiescens.
Non sic a paupere Episcopo
continuisti; dans quod daret,
ne immunificus notaretur.
Accepit clam, quod palam
dedit. Sic de tuo sacculo,
consultum est verecundiæ viri.
Sic nunc quoque curiæ morem
gerens, tuo beneficio inuidiam
declinavit eorum, qui diligunt
munera. Non potes abscon-
dere;

dere; & factum nouimus, & personam. Audire grauat? Et ego eo libentius prædico, quo tu id molestius audis. Si tibi sic expedit: & mihi sic. Tam non oportet Christi gloriam me filere; quàm nunc te quærere tuam. Et si pergis murmurare, adhuc respondebitur tibi ex Euangelio: Quanto eis plus præcipiebat, tanto magis plus prædicabant, dicentes: Benè omnia fecit.

Marc.
7.

CAPVT VIII.

AVdi aliud, si tamen aliud. Ad idem enim fortassis pertinere, quis dicat. Tua consideratio viderit hoc. Mihi videtur non longè à verò dissentire, qui id forte inter auaritiæ species locandum putauerit: Ego verò illius
aut

aut speciem esse, aut speciem
habere non negauerim. Sanè
interest tuæ perfectionis, &
malas res, & malas pariter
species deuitare. In altero Consci-
conscientiæ, in altero famæ tia, &
famæ, vt
consuli-
consulis. Puta tibi non lice-
re, & si alias fortasse liceat,
quicquid malè fuerit colora-
tum. Denique interroga ma- Dent.
iores tuos; & dicent tibi. Ab 32.
omni specie mala abstinete
vos. Sane minister domini, 1. Thes.
dominum imitetur; quia ipse 5.
ait: Qui mihi ministrat, me 10. 12.
sequatur. Et habes de illo: Psf. 92.
Dominus regnauit, decorem
induit: induit Dominus for-
titudinem. Tu quoque esto
fortis in fide, decorus in glo-
ria: & probasti te imitatore
Dei. Fortitudo tua, fiducia
fidelis conscientiæ: decor
tuus, splendor bonæ opinio-
nis. Ita, quæso, induere for-

titudinem : etenim gaudium
 domini tui , fortitudo tua .
 Porrò specie tua , & pulchritu-
 dine tua , nihilo minus tan-
 quam propria similitudine de-
 lectatur . Induere vestimentis
 gloriæ tuæ ; vestire duplicibus ,
 quibus domesticos suos , for-
 tis illa mulier induere consue-
 uit . Non sit in conscientia
 nutans infirmitas modicæ fi-
 dei : non sit in fama nævus
 malæ speciei ; & vestieris du-
 plicibus : & gaudebit sponsus
 super sponsam animam tuam ;
 & gaudebit super te Deus
 tuus . Miraris quorsum hæc :
 ignarus vsque adhuc , quid di-
 cere velim . Non te tollo diu-
 tius . Murmur loquor , & que-
 rimoniam Ecclesiarum . Trun-
 cari se clamitant , ac demem-
 brari . Vel nullæ , vel paucæ
 admodum sunt ; quæ plagam
 istam aut non doleant , aut non

timeant . Quæris , quam ?
 Subtrahuntur Abbates Epif-
 copis , Episcopi Archiepisco-
 pis , Archiepiscopi Patriar-
 chis , siue Primatibus . Bona-
 nè species hæc ? Mirum si ex-
 cusari queat vel opus . Sic fa-
 ctitando , probatis vos habere
 plenitudinem potestatis ; sed
 iustitiæ forte non ita . Facitis
 hoc , quia potestis : sed vtrum
 & debeatis , quæstio est . Ho-
 norum , ac dignitatum gradus ,
 & ordines , quibusque suos
 seruare positi estis non inui-
 dere : vt quidam vestrorum
 ait : Cui honorem , honorem . *Rom.*
 Spiritualis homo ille , qui omnia *13.*
 dijudicat , vt ipse à nemine
 dijudicetur , omne opus suum *1. Cor.*
 trina quadam consideratione *2.*
 præueniet . Primum quidem
 an liceat , deinde an deceat , po-
 stremò an expediat . Nam
 etsi constet in Christiana vti-

Trina
 confide-
 ratio .

que philosophia, non decere nisi quod licet; non expedire, nisi quod decet, & licet: non continuò tamen omne quod licet, decere, aut expedire consequens erit. Age, aptemur, si possumus, tria hæc operi huic. At quomodo non indecens tibi, voluntate pro lege uti: & quia non est ad quem appelleris, potestatem exercere, negligere rationem? Tu nè maior domino tuo, qui ait: *Non veni facere voluntatem meam: & non veni legem soluere, sed implere?* Quanquam non minus deiecti, quam elati animi est, veluti rationis expertem non pro ratione, sed pro libitu agere; nec iudicio agi, sed apperitu. Quid tam bestiale? Et si indignū cuius utēti ratione, vivere ut pecus: quis in te rectore omnium, tantam contumeliam naturæ, iniuriam

*Io.**Matt.**5.*

riam honoris ferat? Sic degenerando (quod absit) generale opprobrium fecisti proprium tibi: Homo cum in honore esset, non intellexit, comparatus est iumentis insipientibus, & similis factus est illis. Quid item tam indignum tibi, quàm vt totum tenens, non sis contentus toto: nisi minutias quasdam, atque exiguas portiones ipsius tibi creditæ vniuersitatis, tanquam non sint tuæ, fatagas nescio quomodo adhuc facere tuas? Vbi etiam meminisse te volo parabolæ Nathan, de homine qui multas oves habens; vnā, quæ erat pauperis, concupuit. Huc quoq; veniat factum, imò facinus regis Achab: qui rerum summam tenebat, & vnā vineam affectauit. Avertat Deus à te, quod ille audiuit: Occidisti, & possedisti.

Pf. 48.

2. Reg.

12.

3. Reg.

21.

ibid.

CAPVT IX.

NOli autem prætendas mihi fructum emancipationis illius : nullus est enim ; nisi quòd inde Episcopi insolentiores , monachi etiam dissolutiores fiunt . Quid quòd & pauperiores ? Inspice diligentius , talium vbique libertorum & facultates & vitas ; si non pudenda admodum & tenuitas in his , & in illis secularitas inuenitur . Matrìs noxiæ libertatis , gemina soboles hæc . Quidni peccet licentius , vagum , & male liberum vulgus ; cum non sit qui arguat ? Quidni licentius quoque spoliatur , ac deprædetur inermis religio ; cum non sit qui defendat ? Quò enim refugium illis ? Nunquid ad Episcopos iniuriam dolentes ? Ridentibus

bus profectò aspiciunt oculis,
 siue quæ faciunt mala, siue
 quæ patiuntur. Quæ demum
 vtilitas in sanguine isto? Ve-
 reor ne illa, quam in Propheta
 comminatus est Deus: Ille, *Eze. 7.*
 inquit, in iniquitate sua mo-
 rietur; sanguinem autem eius
 de manu tua requiram. Si
 enim & extollitur qui subtra-
 hitur; & cui subtrahitur, vri-
 tur: qui subtrahit quomodo
 innocens? Parum est, inuo-
 luimus ignem. Audi aper-
 tius. Si is, qui murmurat, se-
 cundum animam mortuus est:
 qui instigat, quomodo viuit?
 Quomodo verò non reus mor-
 tis amborum, & suæ pariter;
 qui gladium dedit, vnde ambo
 morerentur? Hoc est, quod *3. Reg.*
 dixeram: Occidisti, & posse-^{21.}
 disti. Adde quòd qui audiunt,
 scandalizantur, indignantur,
 detrahunt, & blasphemant:

hoc est, vulnerantur ad mortem. Non est bona arbor faciens fructus tales, insolentias, dissolutiones, dilapidationes, simultates, scandala, odia: quodque magis dolendum, inter Ecclesias etiam inimicitias graues, perpetesque discordias. Vides quàm verus sit sermo iste: Omnia mihi licent, sed non omnia expediunt? Quid si forte nec licet? Ignosce mihi: non facile adducor licitum consentire, quod tot illicita parturit.

2. Cor.
10.

CAPVT X.

TVnè denique tibi licitum censeas, suis Ecclesias mutilare membris; confundere ordinem; perturbare terminos, quos posuerunt patres tui? Si iustitiæ est ius cuique seruare suum: auferre cuiquam

quàm propria iusto quomodo
poterit conuenire? Erras, si
vt summam, ita & solam insti-
tutam à Deo vestram Aposto-
licam potestatem existimas.
Si hoc sentis; dissentis ab eo *Ro. 13.*
qui ait: Non est potestas, nisi
à Deo. Proinde quod sequi-
tur: Qui potestati resistit,
Dei ordinationi resistit; etsi *ibid.*
principaliter pro te facit, non
tamen singulariter. Denique
idem ait: Omnis anima po- *ibid.*
testatibus sublimioribus sub-
dita sit. Non ait, sublimiori,
tanquam in vno: sed subli-
mioribus, tanquam in multis.
Non ergo tua sola potestas à
Domino: sunt & mediocres,
sunt & inferiores. Et quo *Matt.*
modo quos Deus coniunxit, *19.*
non sunt separandi: sic nec
quos subiunxit, comparandi.
Monstrum facis, si manui sub-
mouens digitum, facis pende-

re de capite, superiorem manu
brachio collateralem. Tale

1. Cor.

12.

est si in Christi corpore mem-
bra aliter locas, quàm dispo-
suit ipse. Nisi tu putas alium
esse, qui posuit in Ecclesia,
quosdam quidem Apostolos,
quosdam autem prophetas:
alios verò euangelistas, alios

Ephes.

4.

doctores, & pastores, ad con-
summationem sanctorum, in
opus ministerij, in ædificatio-
nem corporis Christi. Atque
hoc corpus, quod tibi Paulus,
suo verè apostolico figurans
eloquio, & capiti conuenien-
tissimè aptans; totum ex eo
compactum perhibet, & con-
nexum per omnem iuncturam
subministrationis, secundum
operationem in mensuram,
vniuscuiusque membri, aug-
mentum corporis faciens in
ædificationem suis, in chari-
tate. Nec vilem reputes for-

3. id.

man

mān hanc, quia in terra est ;
exemplar habet è cælo. Ne-
que enim filius potest facere,
quicquam, nisi quod vide-
rit patrem facientem ; præ-
fertim cum ei sub Moyfi no-
mine dictum sit : Vide omnia
facias secundum exemplar, *Exod.*
quod tibi in monte monstra-
tum est. Viderat hoc, qui di-
cebat : Vidi ciuitatem san-
ctam Hierusalem, nouam de-
scendentem de cælo, à Deo pa-
ratam. Ego enim propter si-
militudinem dictum reor ;
quòd sicut illic seraphim &
cherubim, ac cæteri quinque
vsque ad angelos, & archan-
gelos, ordinantur sub vno ca-
pite Deo : Ita hic quoque sub
vno summo pontifice, prima-
tes, vel patriarchæ, archiepif-
copi, episcopi, presbyteri, vel
abbates, & reliqui in hunc mo-
dum. Non est paruipenden-
dum,

Contra
illos
qui no-
lunt sub
esse.

Nō pro-
hibetur
dispen-
sare, sed
dissipa-
re.

2. Cor.
10.
1. Cor.
4.

dum, quod & Deum habet au-
ctorem, & de cælo ducit ori-
ginem. Quòd si dicat Episco-
pus: Nolo esse sub archiepif-
copo; aut abbas, Nolo obedi-
re episcopo: hoc de cælo non
est. Nisi tu forte angelorum
quempiam dicentem audisti:
Nolo sub archangelis esse; aut
ex alio quolibet inferiorum
ordinum aliquem non feren-
tem cuiquam subesse, nisi Deo.
Quid, inquis? Prohibes dis-
pensare? Non: sed dissipare.
Non sum tam rudis, vt igno-
rem positos vos dispensato-
res: sed in ædificationem, non
in destructionem. Denique
quæritur inter dispensatores,
vt fidelis quis inueniatur. Vbi
necessitas vrget, excusabilis
dispensatio est. Vbi utilitas
prouocat, dispensatio lauda-
bilis est: utilitas dico commu-
nis, non propria. Nam cum
nihil

nihil horum est; non plane fidelis dispensatio; sed crudelis dissipatio est. Nonnulla tamen monasteria sita in diuersis episcopatibus, quòd specialius Monasteria specialiter pertinentia ad sedem Apostolicam. pertinuerint ab ipsa sui fundatione ad Sedem Apostolicam pro voluntate fundatorum, quis nesciat? Sed aliud est quod largitur deuotio: aliud quod molitur ambitio impatiens subiectionis. Et hæc dicta de his.

CAPVT XI.

Superest, vt generaliter super vniuersum Ecclesiæ statum intendat consideratio tua: si plebes clericis, si clerici sacerdotibus: si sacerdotes Deo, in ea qua oportet humilitate, subiecti sint. Si in monasterijs, & religiosis locis seruetur ordo, vigilet disciplina.

Si

Si super praua opera, & dogmata, censura Ecclesiastica vigeat. Si floreat vineæ honestate, & sanctimonia sacerdotum. Si flores fructus parturiant, obedientia fidelium populorum. Si demum vestra ipsorum Apostolica mandata, & instituta, ea qua dignum est sollicitudine, obseruentur: ne quid in agro domini tui, aut neglectu incultum, aut fraude subreptum inueniatur. Posse inueniri, ne dubites. Mihi in promptu est, (vt multa, & innumera prætermittam, quæ passim neglecta iacent), nonnulla etiam ex his, quæ plantauit dextera tua, conuulsa monstrare. Nonne os tuum, in

Remensi Concilio, subiecta capitula promulgauit? Quis ea tenet? Quis tenuit? Falleris, si teneri putas. Si non putas, ipse peccasti; aut statuens quæ

non

Capitula
Remen-
sis Con-
ciliij.

non tenerentur; aut quòd non
tenentur, dissimulans. Præ-
cipimus, aisti, vt tam Episco-
pi, quàm clerici, neque in su-
perfluitate, seu inhonesta va-
rietate colorum, aut fissura
vestium: neque in tonsura, in-
tuentium (quorum forma, &
exemplum esse debent) offen-
dant aspectum: sed potius ita
in suis actibus errata condem-
nent, & amorem innocentiae
conuersatione demonstrent;
sicut dignitas exigit ordinis
clericorum. Quòd si moniti
ab episcopis suis, intra qua-
draginta dies non obtempe-
rauerint: ecclesiasticis benefi-
cijs, eorundem pontificum au-
thoritate priuentur. Episco-
pi verò si præfixam pœnam
irrogare neglexerint: quia in-
feriorum culpæ ad nullos ma-
gis referendæ sunt, quam ad
desides, negligentisque recto-
res;

res ; tamdiu ab officio pontifi-
 cali abstineant , donec pœnam
 à nobis constitutam , clericis
 sibi subiectis imponant . Illud
 etiam duximus adnectendum :
 vt nullus in archidiaconum ,
 vel decanum ; nisi diaconus ,
 vel presbyter ordinetur . Ar-
 chidiaconi verò , decani , &
 præpositi , qui infra ordines
 prænominatos sunt ; si inobe-
 dientes ordinari contempse-
 rint , honore suscepto priuen-
 tur . Prohibemus autem ne
 adolescentibus , vel infra sa-
 cros ordines constitutis : sed
 qui prudentia , & vitæ merito
 clarescunt , prædicti concedan-
 tur honores . Verba tua hæc ,
 tu sanxisti : quid effectui man-
 cipatum ? Adhuc adolescen-
 tes , adhuc qui infra sacros or-
 dines sunt , in Ecclesia promo-
 uentur . Quod ad primum
 capitulum pertinet , luxus ve-
 stium



Luxus
 vestium
 interdi-
 ctus .

stium interdictus, sed non restrictus: poena dictata, sed minimè secuta est. Iam quartus annus est, ex quo datum mandatum audiuius; & neminem adhuc clericorum priuatum beneficio, neminem Episcoporum suspensum ab officio luximus. At luctu amarissimo dignum, quod secutum est. Quid hoc? Impunitas, incuriæ soboles, insolentiæ mater: radix impudentiæ, transgressionum nutrix. Et beatus, si omni satagas cura, malorum omnium primam parentem cauere incuriam. Sed ad hoc, tu operam dabis. Et nunc leua oculos tuos, & vide, si non æque vt prius, pellicula discolor sacrum ordinem decolorat: si non æque vt prius, fissura enormis penè inguina nudat. Solent dicere: Num de vestibus cura est
Deo;

Contra
clericos
male se
geren-
tes .

Deo ; & non magis de mori-
bus ? At forma hæc vestium ,
deformitatis mentium , & mo-
rum indicium est . Quid sibi
vult quòd Clerici aliud esse ,
aliud videri volunt ? Id qui-
dem minus castum , minusque
sincerum . Nempe habitu mi-
lites , quæstu clericos , actu neu-
trum exhibent . Nam neque
pugnant , vt milites : neque vt
clerici enangelizant . Cuius
ordinis sunt ? Cum , vtriusque
esse cupiunt : vtrumque dese-
runt , vtrumque confundunt .
Vnusquisque , inquit , in suo
ordine resurget . Isti in quo ?
An qui sine ordine peccave-
runt , sine ordine peribunt ?
Aut si summè sapiens Deus ,
veraciter creditur a summo
vsque deorsum nihil inordina-
tum relinquere : vereor istos
non alibi ordinandos , quam
vbi nullus ordo ; sed sempiter-
nus

nus horror inhabitat. O miserandam sponsam, talibus creditam paranymphis: qui adsignata cultui eius proprio retinere quæstui non verentur. Non amici profectò sponsi, sed æmuli sunt. Et de his satis quæ sub te sunt; etsi non ad materiæ copiam, quæ est multa nimis: certè ad id quod proposui ego. Visenda iam quæ circa te sunt: sed ad ea ostium nobis Liber quartus aperiet.



S. BERNARDI

ABBATIS

CLARAEVALLIS

LIBER IV.

De Consideratione, ad
Eugenium Papam III.

CAPUT I.



SI mihi plenius innotuisset, amantissime Eugeni, priora qualiter acceptaris: secundum hoc, vel fidentius in reliquum processissem, vel cautius: aut certè substitissem omninò. Nunc verò quia ob locorum distantiam, id minime datur; non mireris si prodit exilior sermo anceps, vere-

recundè, fateor, ad medium
veniens. Primis itaque con-
siderationis partibus, libris
prioribus pertractatis; in ma-
nibus est de his addere, quæ
circa te sunt. Et ipsa quidem
sub te: sed quo propiora, eo
importuniora tibi. Nempe
coram posita incuriam non
admittunt; non dissimulatio-
nem, non obliuionem. Vehe-
mentius vrgent, turbulentius
irruunt, verendum ne obruant.
Circa eiusmodi, quàm sobria,
& intenta consideratione opus
sit: proprio te experimento
edoctum satis non ambigo.
Alioquin si non cauta, oppor-
tunaque interueniat confide-
ratio: occupatio continuabi-
tur, & vexationis non erit mo-
dus, & sollicitudinis non erit
finis. Non tempus vacuum,
non liberum cor: plus laboris,
& minus vtilitatis. Dico au-
tem

tem instantia illa tua quotidiana, ab vrbe, a curia, a domestica Ecclesia tua. Hæc, inquam, circa te sunt: Clerus, & populus tuus, cui specialiter episcoparis; ac per hoc specialis curæ teneris debitor. Hi quoque tibi quotidie assistunt, seniores populi, orbis iudices: & qui item de domo, & mensa tua sunt cāpellani, cubicularij, ministri quoque diuersis deputati officijs, in obsequium tui. Hi te familiarius vsitant, frequentius pulsant, molestiusque sollicitant. Hi sunt, qui non verentur suscitare dilectam, & antequam ipsa velit. Et primò quidem, Clerum illum ordinatissimum esse decet: ex quo præcipuè in omnem Ecclesiam cleri forma processit. Deinc omne quod perperam agitur te præsentem, id tibi turpius. Interest gloria

De Cleri, & Populi Romani moribus.

riæ sanctitatis tuæ: vt quos præ oculis habes, ita ordinati, ita sint informati: quatenus totius honestatis, & ordinis, ipsi speculum, ipsi sint forma. Inueniantur præ cæteris oportet expediti ad officia; idonei ad sacramenta; ad plebes erudiendas solliciti; circumspecti ad sese custodiendos in omni castitate. Quid de populo loquar? Populus Romanus est. Nec breuius potui, nec expressius tamen aperire de tuis parochianis quod sentio. Quid tam notum seculis, quam proteruia, & fastus Romanorum? Gens insueta paci, tumultui assueta. Gens immitis, & intractabilis, & vsque adhuc subdi nescia, nisi cum non valet resistere. En plaga; tibi incumbit cura hæc: dissimulare nõ licet. Rides me forsitan, fore rem incurabilem persuas-

Quales
esse de-
ceat Ro-
mani.
Pontif.
familia-
res.

De Po-
pulo Ro-
mano.

sus. Noli diffidere : curam exi-
Eccli. geris, non curationem. Deniq;
 32. audisti : Curam illius habe , &
 non , Cura , vel sana illum .
Ouid. Verum quidam dixit : Non est
de Pon- in medico , semper releuetur
 20, in vt æger. At melius de tuis pro-
Eleg. pono tibi. Paulus loquitur :
 10. 1. Cor. Plus omnibus laboravi. Non
 15. ait : plus omnibus profui , aut
 plus omnibus fructificaui : ver-
 bum insolens religiosissimè
 vitans . Alias autem nouerat
 homo , quem docuit Deus :
 quia vnusquisque secundum
 suum laborem accipiet , non
 secundum prouentum . Et ob
 hoc in laboribus potius , quam
 in profectibus gloriandum pu-
 tauit ; sicut alibi quoque habes
 2. Cor. ipsum dicentem : In laboribus
 11. plurimis . Ita quæso , fac tu
 quod tuū est : nam Deus quod
 suum est , satis absque tua solli-
 citudine , & anxietate , curabit ,

Plan-

Planta, riga, fer curam, & 1. Cor.
 tuas explicuisti partes. Sane 3.
 incrementum, vbi voluerit,
 dabit Deus, non tu. Vbi forte
 noluerit, tibi deperit nihil,
 dicente scriptura: Reddet *Sapien.*
 Deus mercedem laborum san- ^{10.}
 ctorum suorum. Securus labor,
 quem nullus valet euacuare
 defectus. Et hoc dixerim, absq;
 præiudicio diuinæ potentia, &
 bonitatis. Scio induratum esse
 cor populi huius: sed potens
 est Deus de lapidibus istis su-
 scitare filios Abrahæ. Quis scit *Joel. 2.*
 si reuertatur, & cognoscat:
 conuertat, & sanet eos? Sed
 non est propositi mei dictare
 Deo quid facere debeat: tibi
 vtinam possim, quæ oportet;
 & prout oportet, suadere.

CAPUT II.

AT. locus dubius, & scrupulosa incidit disputa-
tio. Nam ubi adoriar dicere
quod sentio? Video satis quid
imminet. Clamabitur insuetū:
nam iustum negari non pote-
rit. Ego verò, ne insuetum qui-
dem assenserim. Nempe assue-
tum fuisse scio: ac per hoc in
dissuetum potuisse venire; sed
non redire in insuetum. An
verò assuetū quis neget: quod
constat, non modo aliquando
factum, sed aliquandiu factita-
tum? Quid illud sit dicam, &
non proderit. Cur? Quia non
placebit satrapis, plus maie-
stati, quam veritati fauentibus.
Fuerunt ante te, qui se totos
ouibus pascendis exponerent,
pastoris opere, & nomine glo-
riantes; nil sibi reputantes in-
di-

dignum, nisi quod saluti ouium
 obuiare putarent: non quæ-
 rentes quæ sua sunt, sed impen-
 dentes. Impêdere curam, im-
 pendere substantiam, impen-
 dere & seipsos. Vnde vnus
 illorum: Et ego, ait, superim- ^{2 Cor. 12.}
 pendar pro animabus vestris. ^{Matt. 20.}
 Et tanquam dicerent: Non,
 venimus ministrari, sed mini-
 strare: ponebant quotiens
 oportuisset sine sumptu Euan- ^{1. Cor. 9.}
 gelium. Vnus erat de subditis
 quæstus, vna pompa, vnaque
 voluptas, si quomodo eos pos-
 sent parare Domino plebem
 perfectam. Id omnimodis sata- ^{Luc. 1.}
 gebant, etiam in multa contri-
 tione cordis, & corporis: in
 labore, & ærumna, in fame, & ^{2. Cor. 11.}
 siti, in frigore, & nuditate.
 Vbi nunc, quæso, consuetudo
 hæc? Subijt dissimilis valdè:
 longè in aliud mutata sunt
 studia; & vtinam non in peius.

Auari-
 & cupi-
 ditatis
 nullus
 est mo-
 dus,

Cura tamen, & anxietas, &
 æmulatio, & sollicitudo, fateor,
 perseverant. Translata hæc,
 non imminuta. Testimonium
 vobis perhibeo, quod nec sub-
 stantiæ parcitis, non magis
 quam ante. Diuersa autem lo-
 catio dissimilitudinem facit.
 Magna abusio: pauci ad os
 legislatoris, ad manus omnes
 respiciunt: Non immerito
 tamen omne papale negotium
 illæ agunt. Quem dabis mihi,
 vel de tota maxima Vrbe, qui
 te in Papam receperit, precio,
 seu spe precij non interuenien-
 te? Et tunc potissimū volunt
 dominari: cum professi fuerint
 seruitutem. Fideles se spon-
 dent: vt opportunius fidētibz
 noceant. Ex hoc non erit con-
 siliū tibi, à quo se arcendos
 putent: non secretum, quō se
 non ingerant. Si stante præ-
 foribus quoquā illorū, moram
 vel

NOT.

vel modicam fecerit ostiarius :
ego tunc pro illo esse nolue-
rim . Et nunc experire vel *Hier. 4.*
paucis ; nouerimne & ego vel
aliquatenus mores gentis .
Ante omnia sapientes sunt , vt
faciant mala : bona autē facere
nesciunt . Hi inuisi terræ , &
cœlo , vtrique iniecere manus :
impij in Deum , temerarij in
sancta , seditiosi in inuicem ,
æmuli in vicinos , inhumani in
extraneos : quos neminem
amantes amat nemo : & cum
timeri affectant ab omnibus ,
omnes timeant necesse est . Hi
sunt , qui subesse non sustinent ,
præesse non norunt ; superio-
ribus infideles , inferioribus
importabiles . Hi inuerecundi
ad petendum , ad negandum
frontosi . Hi importuni vt ac-
cipiant , inquieti donec acci-
piant , ingrati vbi acceperint .
Docuerunt linguā suam gran-

dia loqui, cum operentur
 exigua. Largissimi promisso-
 res, & parcissimi exhibitores.
 Blandissimi adultores, &
 mordacissimi detractores. Sim-
 plicissimi dissimulatores, &
 malignissimi proditores. Ex-
 currimus vsque huc: plenius
 te, atque expressius admonen-
 dum putantes horū, quæ circa
 te sunt, in hac parte. Iam ad
 ordinem recurramus.

CAPVT III.

Q Vale est, quod de spolijs
 Ecclesiarum emuntur,
 qui dicunt tibi, Euge
 euge? Pauperum vita in pla-
 teis diuitū seminatur. Argen-
 tum micat in luto, accurritur
 vndique: tollit illud non pau-
 perior; sed fortior; aut qui
 forte citius præcucurrit. A te
 tamen mos iste, vel potius
 mors

mors ista non cœpit: in te
utinam desinat. Sed reliqua
prosequamur. Inter hæc, tu
pastor procedis deauratus; tã
multa circumdatus varietate.
Oves quid capiunt? Si aude-
rem dicere: dæmonum magis,
quam ouium pascua hæc. Sci-
licet sic factitabat Petrus, sic
Paulus ludebat? Vides omnem
ecclesiasticum zelum feruere,
sola pro dignitate tuenda.
Honori totum datur: sancti-
tati nihil, aut parum. Si causa
requirente, paullo submissius
agere, aut socialius te habere
tentaueris: Absit, inquiunt,
non decet: temporis non con-
gruit, maiestati non conuenit.
quam geras personam atten-
dito. De placito Dei vltima
mentio est: pro iactura salutis
nulla cunctatio, nisi quod su-
blime est, hoc salutare dica-
mus; & quod gloriam redolet,

id iustum . Ita omne humile
 probro ducitur inter palati-
 nos : vt facilius, qui esse, quam
 qui apparere humilis velit, in-
 uenias. Timor Domini simpli-
 citas reputatur : ne dicam fa-
 tuitas. Virum circumspectum,
 & amicum propriæ conscien-
 tiæ, calumniantur hypocritæ .
 Porro amatorem quietis, &
 sibi interdum vacantem, inuti-
 lem dicunt . Quid ergo tu ?
 Euigilasne adhuc ad istos, qui
 circumdederunt te laquei mor-
 tis ? Quæso, sustine paulisper;
 & supporta me. Inò da veniã,
 non tam temerè, quam timidè
 hæc loquenti . Aemulor enim
 te æmulatione bona : & vtinã
 quam vehementi, tam utilĩ .
 Scio vbi habitas : Increduli, &
 subuersores sunt tecum. Lupi,
 non oues sunt : talium tamen
 tu pastor. Vtilis consideratio :
 qua forte inueneris quomodo

si fieri possit, conuertas eos;
 ne ipsi subuertant te. Quid dif-
 fidimus posse reuerti in oues, è
 quibus verti in lupos potue-
 runt? Hic hic non parco tibi,
 vt parcat Deus. Pastorem te
 populo huic, certe aut nega,
 aut exhibe. Non negabis: ne
 cuius sedem tenes, te neget
 hæredem. Petrus hic est, qui
 nescitur processisse aliquando,
 vel gemmis ornatus, vel feri-
 cis; non tectus auro, non ve-
 ctus equo albo; nec stipatus
 milite, nec circumstrepentibus
 septus ministris. Absque his
 tamen credidit satis impleri
 posse salutare mandatum: Si
 amas me, pascue oues meas. In
 his successisti non Petro, sed
 Constantino. Consulo tole-
 randa pro tempore, non affe-
 ctanda pro debito. Ad ea te
 potius incito, quorum te scio
 debitorem. Et si purpuratus,

Ioan.
 21.

Constan-
 tino vt
 successit
 Rom.
 Pont.

et si deauratus incedens : non
 est tamen quod horreas operā,
 curamue pastorem pastoris
 hares : non est quod erubescas
 Euangelium . Quamquam si
 volens euangelizes ; inter Apo-
 stolos quidem etiam gloria est
 tibi . Euangelizare pascere est .
 Fac opus euangelistæ , & pa-
 storis opus implesti .

CAPIT. IV.

DRACONES, inquis , me-
 mones pascere , & scor-
 piones , non oues . Propter hoc ,
 inquam , magis aggredere eos :
 sed verbo , non ferro . Quid tu
 dennò usurpare gladium ten-
 res , quem semel iussus es po-
 nere in vaginam ? Quæ tamen
 qui tuum negat , non satis
 mihi videtur attendere verbū
 Domini , dicentis sic : Con-
 uerte gladium tuum in vagi-
 nam

nam. Tuus ergo & ipse: tuo
 forsitan nutu, etsi non tua
 manu euaginandus. Alioquin
 si nullo modo ad te pertineret
 & is, dicentibus Apostolis:
 Ecce gladij duo hic, non res- *Luc.*
 spondisset Dominus: Satis est; *22.*
 sed, nimis est. Vterque ergo *Duplex*
 Ecclesiæ, & spiritalis scilicet *gladius*
 gladius, & materialis. sed is *Pont.*
 quidem pro ecclesia: ille verò *Rom.*
 & ab ecclesia exerendus est.
 Ille sacerdotis: is militis
 manu, sed sane ad nutum sa-
 cerdotis, & iussu imperato-
 ris. Et de hoc alias. Nunc verò
 arripe illum, qui tibi ad fe-
 riendum creditus est: & vul-
 nera ad salutem, si non omnes,
 si non vel multos; certe quos
 possis. Non sum, inquis,
 melior, quam patres mei. Sed
 quem illorum domus exaspe-
 rans, non dico audiuit, sed non
 irrisit? Ideo tu insiste magis, si
 forte

forte audiant, & quiescant :
 infiste & resistentibus. Di-
 cendo hæc, forte nimius dicar.
 Num nostra illa vox: Insta op-
 portunè, importunè? Hunc, si
 audes, nimium appellato.
 Prophete præcipitur: Clama,
 neccesses. Ad quos: nisi ad sce-
 leratos, & peccatores? An-
 nuncia, inquit, populo meo
 scelera eorum, & domui Iacob
 peccata eorum. Prudenter ad-
 uerte, & sceleratos perhiberi,
 & populū Domini. Puta idem
 de his. Et si scelerati, & si ini-
 qui; vide ne audias: Quod vni
 ex his meis non fecisti, nec
 mihi fecisti. Fateor populum
 istum extitisse vsq; adhuc dura
 fronte, & indomito corde: sed
 vtrum ne etiam indomabili,
 nescio vnde liquidò scire pos-
 sis. Potest fore, quod necdum
 fuit. Si diffidis tu: sed apud
 Deum non erit impossibile
 omne

omne verbum. Si dura fronte
sunt: durato & tu è contra,
tuam. Nil iam durum, quod
duriori non cedat. Dominus
ad Prophetam: Dedi frontem *Exec. 3*
tuā duriores frontibus eorū.
Vnum est, quod te absoluit: si
egisti cum populo illo, vt
possis dicere: Popule meus,
quid tibi debui facere, & non
feci? Si sic fecisti, nec profeci-
sti: est demum, quod facias, &
quod dicas: Exi de Hur Chal- *Luc. 4.*
dæorum: & dicito, quia oportet
me & alijs ciuitatibus
euangelizare. Puto quod nec
pœnitebit exilij, orbe pro
vrbe commutato.

CAPVT V.

VEniamus ad collaterales,
& coadiutores tuos: Hi
seduli tibi, hi intimi sunt.
Quamobrem si boni sunt, tibi

potissimum sunt : si mali, æque plus tibi. Ne te dixeris sanum, dolentem latera : hoc est, ne te dixeris bonum, malis innitentem. Aut si bonus sis : bonitas tua solius quem fructum afferre potest? Sicut in superiore libro dixisse me memini: Quid, inquam, emolumentum affert ecclesijs Dei, tua vnus hominis iustitia; vbi sententia præualet aliter affectorum? Sed nec tuta tibi tua bonitas obfessa malis; non magis quam sanitas vicino serpente. Non est quod te subducas malo intestino. Et è regione bonum domesticum eo amplius, quo sæpius iuuat. Sed siue leuent, siue grauent: cui rectius imputandum, quam tibi; qui tales aut elegisti, aut admisisti? Non de omnibus dico: nam sunt quos non elegisti, sed ipsi te. At potestatem non habent,

nisi

nisi quam tu eis aut tribueris,
aut permiseris. Ad idem ergo
reuertimur. Tibi imputa quic-
quid pateris ab eo, qui sine te
potest facere nihil. His excep-
tis, de cætero non inconside-
ratè, vt vides, eligendi quique,
seu colligendi sunt in opus mi-
nisterij huius. Tuum est vnde-
cunque euocare, & asciscere
tibi, exemplo Moyfi, senes,
non iuuenes: sed senes nō tam
ætate, quam moribus; quos tu
nostis, quia senes populi sunt.

An non eligendi de toto orbe,
orbem iudicaturi? Sane huic
negotio nō se ingerat rogans.

Cardina-
les vt ex
omni na-
tione as-
sumen-
di.

Consilio, non prece agendum
est. Sunt quæ necessariò à nobis
rogantium aut extorquet im-
portunitas, aut necessitas me-
retur. At istud in his, quæ no-
stra sunt. Vbi autem non licet
quod volo facere, quis locus
roganti? Nisi forte qui me

rogat; hoc rogat, vt quod
 vult, hoc liceat mihi, & non
 magis vt velim. Alius pro alio;
 alius forte & pro se rogat.
 Pro quod rogaris, fit suspectus.
 Qui ipse rogat pro se, iam iu-
 dicatus est. Nec interest, per
 se, an per alium quis roget.
 Clericum curiam frequentan-
 tem; qui non fit de curia; ad
 idem noris pertinere ambien-
 tium genus. Adulantem, & ad
 placitum cuiusque loquentem;
 vnum de rogantibus puta,
 etiam si nihil rogauerit. Scor-
 pioni non est in facie, quod
 formides: sed pungit cauda.
 Si ad talium blanditias, cor
 tuum (vt affolet) molliri sen-
 feris, memineris scriptum:
 Omnis homo, primum, bonū
 vinum ponit: cum autem ine-
 briati fuerint, tunc id quod
 deterius est. Pari pondere esti-
 mauis humilitatem eius, qui

Contra
 aTenta-
 rores &
 adula-
 tores.

10.2.

timet ; & eius , qui sperat .
Viri callidi , & dolosi propriū
esse solet , tunc prætendere hu-
militatem , cum aliquid obti-
nere voluerit . de qualibus dicit
scriptura : Est qui nequiter se *Eccl.*
humiliat , & interiora eius *19.*
plena sunt dolo . De vobis ipsis
fume sententiæ huius euidentis ,
ac familiare exemplum . Quan-
tos quos supplices admisistis ;
postmodum sustinuistis gra-
ues , insolentes , contumaces ,
rebelles ? Quod quidem inte-
rius malum tegunt principia ,
posteriora produnt . Verbosum
adolescentem , & studen-
tem eloquentiæ , cum sapien-
tiæ sit inanis , non aliud quam
iustitiæ hostem reputes . Pro
huiusmodi falsis fratribus di-
cit tibi Magister : Manus citò *1. Tim.*
nemini imposueris . Excluso *5.*
itaque vniuerso hoc pestilenti
genere hominum : curæ tibi

Ecclesi.
32.

maximè sit introducere tales,
quos postmodum introduxisse
non pœniteat. Turpe tibi est
sæpius retractare, quod feceris,
& iudicium tuum frequenter
periclitari non decet. Dili-
genter proinde omne quod fa-
ciendum erit, tracta apud te, &
cum his, qui te diligunt. Tracta
ante factum: quia post factum,
sera retractatio est. Sapientis
consilium est: Omnia fac cum
consilio, & post factum non
pœnitebit. Et hoc tibi persua-
de, qui admittendi sunt, diffi-
cile est in curia posse probari:
& ideo si fieri potest, viros
probatos oportere deligi, non
probandos. Nos in monaste-
rijs omnes recipimus spe me-
liorandi: at curia bonos faci-
lius recipere, quam facere
consuevit. Quod si plures in ea
defecisse bonos, quam malos
profecisse probauimus: quæ-
ren-

rendi sane, quibus nec defectus timeatur, nec profectus optetur; ut pote iam perfectis. Itaque non volentes, neque eurrentes assumito: sed cunctantes, sed renuentes. Etiam coge illos, & compelle intrare.

Quales collatorales Summo Pontifici adhibendi sint.

Luco. 14.

CAPUT VI.

IN talibus, ut opinor, requiescet spiritus tuus: qui non sint attritæ frontis, sed verecundi, sed timorati: qui præter Dominum timeant nihil, nihil sperent, nisi à Deo. Qui aduentantium non manus attendant, sed necessitates. Qui stent viriliter pro afflictis, & iudicent in aequitate pro mansuetis terræ. Qui sint compositi ad mores, probati ad sanctimoniam: parati ad obedientiam, mansueti ad patientiam:

Huc faciunt quæ sūt in epist. eiusd. 188. ad Episcopos, & Cardines

les cu-
rix: vbi
quodnā
ipforum
officium
fit, habe-
tur.

subiecti ad disciplinam, rigidi
ad censuram: catholici ad fidē,
fideles ad dispensationem: cō-
cordes ad pacem, conformes
ad vnitatem. Qui sint in iudi-
cio recti, in consilio prouidi,
in iubendo discreti, in dispo-
nendo industrij, in agendo
strenui, in loquendo modesti,
in aduersitate securi, in pro-
speritate deuoti, in zelo so-
brii, in misericordia non re-
missi, in otio non otiosi, in
hospitio non dissoluti, in con-
uiuio non effusi, in cura rei
familiaris non anxij, alienæ
non cupidi, suæ non prodigi,
vbique, & in omnibus circum-
specti. Qui legatione pro
Christo fungi, quotiens opus
erit, nec iussi renuant, nec non
iussi affectent. Qui quod vere-
cundè excusant, obstinatus
non recusent, Qui missi, post
aurum non eant: sed Christum

sequantur. Qui quæstum, legationem non æstiment: nec requirant datum, sed fructum.

Qui regibus Ioannem exhibeant, Ægyptijs Moysen, for- Philip. 4.

nicantibus Phinees, Heliam idololatriis, Helisæum auaris: Petrum mentientibus, Paulum blasphemantibus, negotiantibus Christum. Qui vulgus non spernant, sed doceant: diuites non palpent, sed terreant: pauperes non grauent, sed foueant: minas principum non paueant, sed contemnant.

Qui nō cum turba intrent, nec cum ira exeant. Qui ecclesias non spolient, sed emendent.

Qui marsupia non exhauriant; sed corda reficiant, & crimina corrigant: famæ prouideant suæ, nec inuideant alienæ. Qui orandi studium gerant, & vsum habeant: ac de omni re, orationi plus fidant, quam suæ

industriæ, vel labori. Quorum ingressus pacificus, non molestus exitus sit. Quorū sermo ædificatio; quorum vita iustitia; quorum præsentia grata; quorum memoria in benedictione. Qui se amabiles præbeant, non verbo, sed opere: reuerēdos exhibeant, sed actu, non fastu. Qui humiles cum humilibus, & cum innocentibus innocentes: duos durè redarguant; malignantes coerceant, reddant retributionem superbis. Qui non de dote viduę, & patrimonio crucifixi, se, vel suos ditare festinent gratis dantes, quod gratis acceperunt; gratis facientes iudicium iniuriam patientibus, vindictā in nationibus, increpationes in populis. Qui de tuo denique spiritu, instar illorum septuaginta Moyse, accepisse cernantur; per quem siue

præ-

Confor-
mia his
sunt in
Concil.
Trid.
sess. 25.
c. 1. de
Refor.

Psal.

145.

149.

Num.

21.

præſentes, ſiue abſentes con-
 tendant placere tibi, placere
 Deo. Qui ad te redeant fatiga- Legati
Apoſto-
lici qua-
les eſſe
debeāt.
 ti quidem, ſed non ſuffarci-
 nati: ſimul, & gloriantes, non
 quod curioſa, ſeu precioſa quæ-
 que terrarum attulerint: ſed
 quod reliquerint pacē regnis,
 legem barbaris, quietem mo-
 naſterijs, eccleſijs ordinem,
 clericis diſciplinam, Deo po- Tit. 2.
 pulum acceptabilem, ſectato-
 rem bonorum operum.

CAPVT VII.

Dignum nunc ad medium Memo-
rabile
 venire factum dulcis me- Legati
Martini,
Cardi-
nalis
presby-
teri fa-
ctum.
 moriæ Martini noſtri. Noſti
 hoc: ſed an memineris, igno-
 ro. Is Cardinalis presbyter,
 functus aliquando legatione
 in Dacia, tam pauper remea-
 uit, vt pene expenſis, & equis
 deficientibus, vix perueniret

Florentiam. Ibi Episcopus loci donauit ei equum, quo Pisas usque, vbi eramus tunc, peruectus est. Postridie credo secutus Episcopus (erat enim illi causa cum aduersario, & agendi aderat dies) cœpit requirere suffragia amicorum. Cumque per singulos sollicitaretur, ventū est ad Martinum. Fiducia erat maior in illo, qui non posset immemor esse recentis beneficii. Tum Martinus: Decepisti me, inquit; nesciebam tibi imminere negotium. Tolle equum tuum: ecce in stabulo est. Et hora eadem, resignauit illi. Quid dicis mi Eugeni? Nonne alterius seculi res est, redisse Legatum de terra auri sine auro? transisse per terram argenti, & nescisse argentum? donum insuper quod poterat esse suspectum, illico reiecisse? Sed, ò mihi

locum suauem, vbi incidit occasio memorandi, & nominandi, suauissimi odoris virū, Episcopum loquar Gaufridum Carnotensem: qui legationem in partibus Aquitaniæ proprijs sumptibus strenuè administravit; idque annos plures. Rem loquor, quam vidi ipse. Eram cum eo in terra illa, cum à quodam presbytero præsentatus est illi piscis, quē vulgo vocant Sturgionem. Percussus Legatus, quanti venierit: non accipio, inquit, nisi receperis precium: & resignauit solidos quinque inuito, & verecundo. Item cum essemus in quodam oppido, domina illius oppidi obtulit ei pro deuotione cum manutergio duas vel tres paropsides pulchras, ligneas tamen: Quas aliquandiu intuens homo scrupulosæ conscientiæ, laudauit eas, sed

Genes.
13.

1. Reg.
12.

non acquieuit accipere. Quando argenteas recepisset, qui ligneas refutauit? Nō fuerunt, qui possent Legato dicere: Dicitauimus Abraham. Ipse verò cum Samuele liberè concionabatur ad omnes: Loquimini de me coram Domino, & coram Christo eius: vtrum bouem cuiusquā tulerim, aut asinum, si quempiam calumniatus sum; si oppressi aliquē, si de manu cuiusquam munus accepi: & contemnā illud hodiē, vobisque restituum. O si talium daretur virorum copia, quales perstrinximus nunc, Quid te felicius, quid illo iucundius seculo? Nonne secunda ab æternitate illorum tibi temporum beatitudo videretur: cū te quaqua uersum procedens stipatum videres tam inclyto agmine beatorū? Si te noui, hares, & altum

trahens suspirium tecum lo-
queris : Putas fore posse, quod
dicitur ? Putas hic sumus,
quosque hæc fiant ? Quis det
viuere, vt videre contingat ?
O si viderẽ oculis meis in vita
mea ecclesiam Dei talibus in-
nixam columnis. O si Domini
mei sponsam cernerem, tantæ
commissam fidei, tantæ cre-
ditam puritati. Quid me bea-
tius, quidue securius ; cum
eiusmodi circa me, vitæ meæ,
& custodes simul spectarem, &
testes ? Quibus omnia mea se-
curè secreta committerem, &
communicarem consilia : qui-
bus me totum refunderem,
tanquam alteri mihi. Qui si
vellem aliquatenus deuiare,
non sinerent : frenarent præci-
pitem, dormitantem excita-
rent. Quorum me reuerentia,
& libertas extollentem repri-
meret, excedentem corrigeret.

Quorum me constantia, & fortitudo nutantem firmaret, erigeret diffidentem. Quorum me fides, & sanctitas, ad quæque sancta, ad quæque honesta, ad quæque pudica, ad quæque amabilia, & bonæ famæ prouocaret. Et nunc reducito oculos, mi Eugeni, ad eum, qui nunc curiæ est siue Ecclesiæ statum; & studia prælatorum, eorum præsertim, qui sunt in circuitu tuo. Sed de his haftenus ego. Palpaui, non fodi parietem. Tibi licet fodere, & videre: utpote prophetæ filio. Mihi progredi non est fas. Vnum dico, quod in facie est. Ridicule ministri vestri, vestris se compresbyteris anteferre conantur. Nō hoc ratio habet, non antiquitas habuit, non consentit auctoritas. Et si de sua consuetudine calumnia struitur: melius profecto illa, quam

quam summus ordo contem-
nitur. Friuolum tamen satis,
vnde maxime obtinere id vo-
lunt. Nos sumus, inquiunt,
qui in omni celebritate Do-
mino Papæ, coniunctiores
assistimus: sedenti propiores
assidemus: procedentem po-
steriores præcedimus. Hoc
totum non dignitatis priuile-
gium, sed sedulitatis debitum
est, diaconi nomen solemni
ipsa administratione interpre-
tans. Denique presbyteris or-
dinata cōfessione ambientibus
maiestatem, vos ad pedes se-
detis. propiores assistitis, vt
habeant paratiores. In Euan-
gelijs legimus, quia facta est
contentio inter discipulos,
quis eorum videretur esse
maior. Beatus esses, si sic cæ-
tera circa te tenerentur.

CAPIT. VIII.

TAedet iam curia: exeun-
 dum palatio, domi expe-
 ctant nos. Hi non modo circa:
 sed quodammodo intra te
 sunt. Non est supernacua con-
 sideratio, qua intendis dispo-
 nere domui tuę: prouidere his,
 qui in sinu tuo, & in gremio
 tuo sunt. Ego dico, & neces-
 saria. Paulum audi: Si quis do-
 mui suę præesse nescit: quo-
 modo ecclesię Dei diligentiam
 habebit? Item: Si quis suorum,
 & maximè domesticorum curā
 non habet: fidem negauit, &
 est infideli deterior. Et hæc
 dicens: non te moneo summis
 occupatum intendere infimis;
 & quasi minutum fieri, in
 minimis impendere quod ma-
 ximis debes. Quid te intrices,
 vnde te eripuit Deus? Hæc
 (in-

(inquit) omnia adijcientur *Matt.*
vobis . Veruntamen & hac 6.

Oportet facere, & illa non
omittere. At illa per te agens,
per te etiam oportet proui-
deas, qui pro de his proui-
deant. Nam si vnus è seruis per
se non sufficit simul & custo-
diæ iumentorum, & curæ men-
sarum: tu per te quomodo in-
tendere valeas & tuæ domui,
& Domini pariter. de qua
scriptum est: O Israel, quam
magna est domus Domini?

Baruc.
3.

Vacuum prorsus à sollicitudine
rerum minorum, & vilium,
oportet esse animum, tam ma-
gnis, & tam multis intentum
rebus. Oportet liberum esse:
quem nulla sibi vendicet vio-
lenta occupatio. Oportet in-
genuum: quem nulla deorsum
trahat indigna affectio. Opor-
tet rectum: quem nulla seor-
sum auertat sinistra intentio.

Animū
quomo-
do, & li-
berum,
& bene
compo-
sitū
habe-
re
opor-
teat.

Oportet cautum : quem nulla subeat furtiva suspicio. Oportet vigilem : quem nulla à se se abducatur peregrina, & curiosa cogitatio. Oportet firmum : quem nulla concutiat repentina turbatio. Oportet innitum : quem nulla fatiget vel continua tribulatio. Oportet amplum : quem nulla coarctet rei temporalis amissio. His te non dubites, & bonis priuandum, & ferendum malis : si animum diuidens & Dei rebus, & tuis pariter reculis volueris impartiri.

CAPVT IX.

PROcurandus quem implicet, qui pro te moratur : pro te dico, non tecum. Quædam per te facies : quædam per te, & alios simul : quædam per alios, & absque te. Quis sapiens

piens, & intelliget hæc? Non
est quod inter ista dormiter
consideratio tua. Ego verò De Oe-
cono-
mo.
agenda domus tuæ, sub eo ge-
nere, quod nouissimum posui,
locanda censuerim. Per alium,
vt dixi, illa facies. At is si fide-
lis non fuerit, fraudabit: si
non fuerit prudens, fraudabi-
tur. Quærendus proinde fide-
lis, & prudens, quem consti-
tuas supra familiam tuam.
Adhuc inutilis est, si tertium Matth.
desit. Quæris quid est hoc? 2 4
Auctoritas. Quid enim prodest
ei velle, & scire quæque dispo-
nere, prout necesse est, si quod
scit, & vult, non potest? Dan-
da ergo facultas agendi pro-
libitu. Si in præiudicium ra-
tionis putas hoc fieri: memen-
to fidelem, qui agere nihilo
minus pro ratione volet: at-
tende prudentem, qui agere
nihilominus pro ratione sciet.

Sed fidelis, solersque voluntas
 tunc proderit, cum ei affatim
 suppetet, vnde tota facilitate
 mancipetur effectui, cunctis
 sine cunctatione parentibus.
 Subdendi igitur omnes. Nul-
 lum patiatur contradictorem.
 Nemo qui dicat; cur fecisti sic?

Auſto- Potestatem habeat excludere,
ritas & admittere quos voluerit,
fidelis & admittere quos voluerit,
Oecono- mutare ministros, transferre
mi. ministeria, ad quos, & quando
 voluerit. Ita timori sit omni-
 bus, vt sit & vtilitati. Præsit
 omnibus, vt omnibus proſit,
 & de omnibus. Clandestinas,
 & susurratas delationes non
 recipias aduersus eum: magis
 detractiones censueris. Et
 hanc velim generalem tibi cō-
 stituas regulam: vt omnem,
 qui palā veretur dicere, quod
 in aure locutus fuerit, suspe-
 ctum habeas. Quod si te iudi-
 cante dicendum coram, ille

renuerit : delatorem iudices ,
non accusatorem. Itaque vnus
omnibus facienda iniungat, &
vni omnes respondeant. Tu
illi habeas fidem ; vacans tibi ,
& ecclesiæ Dei . Si quo minus
aut fidelis inueniatur , aut
prudens ; fideli potius com-
mittendum. sane e duobus
tutius hoc . Quanquam si ido-
neus non reperitur ; etsi minus
fidelem , sustinere potius con-
sulo , quam te huic immergere
labyrintho . Memento Salua-
torem , Iudam œconomum 10. 12.
habuisse . Quid Episcopo tur-
pius , quam incumbere supel-
lectili , & substantiæ suæ :
scrutari omnia : sciscitari de
singulis : morderi suspicioni-
bus , moueri ad quæque per-
dita , vel neglecta ? Ad vere-
cundiam dico quorundam
eiusmodi , scrutantium quoti-
die omnem substantiam suam ;

numerantium singula, de minutis, & quadrantibus exigentium rationem. Non ita ille Aegyptius, qui Ioseph omnibus traditis, ignorabat quid haberet in domo sua. Erubescat Christianus, Christiano sua non credens. Homo sine fide, fidem tamen habuit seruo; super omnia bona sua constituens eum: & hic erat alienigena. Mira res. Satis, superque Episcopi ad manum habent, quibus animas credant: & cui suas committant facultatulas non inveniunt. Optimi videlicet aestimatores rerum, qui magnam de minimis; parua autem, aut nullam de maximis curam gerant. Sed, ut liquido datur intelligi, patientius ferimus Christi iacturam, quam nostram. Quotidianas expensas quotidiano reciprocamus scrutinio: &

con-

continua dominici gregis de-
 trimenta nescimus. De precio
 escaŕũ, & numero panum, cum
 ministris quotidiana discussio
 est: rara admodum cum pre-
 sbyteris celebratur collatio de
 peccatis populorum. Cadit
 asina, & est qui subleuet eam:
 Perit anima, & nemo est qui
 reputet. Nec mirum: cum nec
 nostros quidem assiduos sen-
 tiamus defectus. Nonne ad sin-
 gulas supputationes istas ira-
 scimur, vrimumur, anxiamur?
 Quam tolerabilius rerũ, quam
 mentiũ sustinemus iacturam?
 Quare, inquit, non magis *1. Cor.*
 fraudem patimini? Quæso, tu *6.*
 qui alios doces, te ipsum doce: *Rom. 2.*
 si tamen iam non docuisti,
 pluris te habere, quam tua.
 Transitoria illa, quæ stare tibi
 nullo pacto queunt; fac vt à te
 transeant, non per te. Riuus
 qua fluit, cauat terram: sic

discursus temporalium, conscientiam rodit. Si potest torrens in agros excurrere sine læsione fatorum: & tu te ista sine vulnere mentis posse tractare confidito. Omnimodis consulo, studeas à te auertere concursus horum. Multa nescias; plurima dissimules; nonnulla obliuiscaris.

CAPUT X.

Vitia
domus
inqui-
renda, &
corri-
genda.

SVnt tamen quæ ignorare te nolim; mores quorumque, & studia. Non oportet vt vitia domus tuæ vltimus scias: quod quamplurimis nouimus contigisse. Quapropter, vt dixi, alius alia dispenses; de disciplina tu provide: illud nemini credas. Si insolentior coram te vel sermo sonuerit; vel habitus apparuerit: manus tua super eiusmodi: tu vlciscere iniuriam tuam

tuam. Impunitas ausum parit,
ausus excessum. Domum Epi-
scopi decet sanctitudo, decet Domum
modestia, decet honestas: ho- Episcopi
rum disciplina custos. Sacer- quæ de-
dotes domestici, aut cæteris ceant.
honestiores, aut fabula omni-
bus sunt. In vultu, in habitu, in
incessu illorum, qui circa te
sunt, nihil residere impudicū,
nil indecens patiaris. Discant
à te coepiscopi tui, comatulos
pueros, & comptos adole-
scentes secum non habere.
Certè inter mitratos, discur-
rere calamistratos non decet.
Et memento quod Sapiens
admonet: Filiæ tibi sunt? *Eccli.*
serua corpus illarum, & noli 7.
faciem tuam hilarem ad eas
ostendere, Nec austeritatem
tamen suadeo tibi, sed graui-
tatem. Illa infirmiores fugat:
hæc reprimit leuiores. Illa si
adsit, odibilem: hæc si desit,
con-

contemptibilem reddit. In omnibus tamen, modus melior. Ego nec seuerius velim, nec dissolutius. Quid hac mediocritate gratius; vt nec de seueritate sis oneri, nec de familiaritate contemptui? In palatio Papam: domi, te patrē familias exhibe. Ament te domestici tui: si non; facito vt timeant. Vtilis semper custodia oris, quæ tamen affabilitatis gratiam non excludat. Ergo vbique frenanda lingua præceps: maxime autem in conuiuio. Ille conuenientior habitus; si tu actu quidem seuerus sis, vultu serenus, verbo serius. Capella, & qui tecum iugiter diuinis interfunt officijs, non sint sine honore. Tuum est tales tibi prouidere, qui digni sint. Seruiatur eis ab omnibus, tanquam sibi. Necessaria de manu tua accipiant

De Capellanis
alijsque
officialibus
Papæ.

piant. His contenti sint; quæ
 tu prouideris illis: tu vide ne
 egeant. Super hoc, quem forte
 ab aduentantibus petere de- 4. Reg.
 prehendes, iudica Gieзитam. 5.
 Id de ostiarijs, id de cæteris
 officialibus decernendum.
 Verum, hoc ex abundantiam
 formam istam iam olim a te
 positam recordamur. Quid tuo
 dignius Apostolatu? Quid sa-
 lubrius ad conscientiam, ho-
 nestius ad famam, vtilius ad
 exemplū? Optimus canon, qui Esa.
 projicit auaritiā ex calumnia, 13.
 & non a conscientia tantum.

CAPVT XI.

Libet iam & hunc claudere
 librum: sed in calce aliqua
 velim vel antedicta quasi epi-
 logando repetere, vel addere
 prætermissa Consideres ante
 omnia sanctam Romanam Ec-
 clesiā, cui Deo auctore præes,

Materna
ecclesia
omnium
ecclesia-
rum
mater.

Norma
virtutū
Summi
Pont.

Similia
sunt in
eius ep.
161. ad
PP. In-
nocen-
tium.

ecclesiarum matrem esse, non
dominam: Te verò non domi-
num Episcoporum, sed unum
ex ipsis: porro fratrem dili-
gentium Deum, & participem
timentium eum. De cætero
oportere te esse considera for-
mam iustitię, sanctimonię spe-
culum, pietatis exemplar, as-
sertorem veritatis, fidei defen-
sorem, doctorem gentium,
Christianorū ducem, amicum
sponsi, sponsę paranympum,
cleri ordinatorem, pastorem
plebium, magistrum insipien-
tium, refugium oppressorum,
pauperum aduocatum, mise-
rorum spem, tutorem pupil-
lorum, iudicem viduarum,
oculum cæcorum, linguam
mutorum, baculum senum,
ultorem scelerum, malorum
metum, bonorum gloriam,
virgam potentium, malleum
tyrannorum, regum patrem,
legum

legum moderatorem, canonū
dispensatorem: sal terre, orbis
lumen, sacerdotem Altissimi,
vicarium Christi, Christum
Domini: postremo Deū Pha-
raonis. Intellige quæ dico:
dabit tibi Dominus intellectū.
Vbi malitiæ iuncta potentia
est: aliquid tibi supra homi-
nem præsumendum. Vultus *Pf. 33.*
tuus super facientes mala.
Timeat spiritum iræ tuæ, qui
hominem nō veretur, gladium
non formidat. Timeat oratio-
nem, qui admonitionem con-
tempnit. Cui irasceris tu: Deū
sibi iratū, non hominē putet.
Qui te non audierit: auditu-
rū Deum, & contra se paueat.
Quod reliquum est: de his, quæ
supra te sunt, incumbit iā dis-
putatio. Quam vno libro, Deo
adiuvante, solvere spero: & me
pariter absolvere promissione
mea.

190
S. BERNARDI
ABBATIS
CLARAEVALLIS
LIBER V.

De Consideratione, ad
Eugenium Papam III.

CAPVT I.



Ibri superiores, et si
de Consideratione
inscribantur, plu-
rimū tamen habent
actionis admixtum: dum res
aliquas non considerandas tā-
tum, sed agendas docent, vel
monent. At qui in manibus
modò est, sola in consideratio-
ne versabitur. Quæ enim supra
sunt (id quidem instat) actu
non

non indigent, sed inspectu. Nō
 est quod in eis actites, quæ vno
 modo semper sunt, & in æter-
 num: porro aliqua, & ab æter-
 no. Et velim hoc solerter ad-
 uertas, vir sagacissime Eugeni:
 quia totiens peregrinatur cō-
 sideratio tua, quotiens ab illis
 rebus ad ista deflectitur infe-
 riora, & visibilia: siue intuenda
 ad notitiam, siue appetenda ad
 vsum, siue pro officio disponē-
 da, vel actitanda. Si tamen ita
 versatur in his, vt per hæc illa
 requirat, haud procul exulat.
 Sic considerare, vel appropriare,
 repatriare est. Sublimior
 iste præsentium, ac dignior
 vsus rerum; cum iuxta sapien-
 tiam Pauli, inuisibilia Dei per *Rom. 1.*
 ea, quæ facta sunt, intellecta
 conspiciuntur. Sane hac scala
 ciues non egent, sed exules.
 Quod vidit ipse huius sentētix
 Auctor, qui cum diceret, inui- *Rom. 1.*
 sibilis

Ibid.

sibilis Dei per visibilia conspi-
 ci; signanter posuit, a creatura
 mundi. Et verè quid opus sca-
 lis, tenenti iam solium? Crea-
 tura cæli est illa, præsto ha-
 bens, per quod potius ista in-
 tueatur. Videt verbum, & in
 verbo facta per verbum: nec
 opus habet ex his, quæ facta
 sunt, factoris notitiâ mendica-
 re. Neq; enim vt vel ipsa no-
 uerit, ad ipsa descendit, quæ ibi
 illa videt, vbi longe melius
 sunt, quàm in seipsis. Vnde nec
 mediũ requirit ad ea corporis
 sensum: sensus ipsa sibi, se ipsa
 sentiens. Optimũ videndi ge-
 nus, si nullius egueris, ad omne
 quod libuerit, te cõtētus. Alio-
 quin iuuari aliunde, obnoxium
 fieri est; minusque à perfecto
 istud, & minus liberum. Quid,
 quòd & inferioribus eges?
 Nonne præposterum hoc, &
 indignum? Plane superiorum
 quæ-

quædam iniuria est, inferiorum operam desiderare : à qua iniuriâ nemo hominum perfecte vindicabitur, nisi cum quisque euaserit in libertatem gloriæ filiorum Dei. Nempe *10.6.* erunt hi omnes docibiles Dei : & nulla interueniente creatura solo beati Deo, Repatriasse erit hoc, exisse de patria corporum, in regionem spirituum. Ipsa est Deus noster, maximus spiritus ; maxima mansio beatorum spirituum. Et ne quid hic sibi vsurpet carnis sensus, seu imaginatio ; veritas est, sapientia est virtus, æternitas, summum bonum. A quo interim absumus, & ubi sumus, vallis est, & vallis lacrymarum ; in qua sensualitas regnat, & consideratio exulat. In qua liberè quidem, & potestatiuè se exerit sensus corporeus : sed intricatus caligat

oculus spiritualis. Quid igitur mirum, si ope indigenæ aduena indiget? Et felix secundum tempus viator, qui ciuium beneficium, sine quo transire non potest, in obsequium conuertere potuit; vtens, non fruens; vrgens, non petens; exactor, non supplex. Magnus ille qui vsum sensuum, quasdam veluti ciuium opes expendere satagit, dispensando in suam, & multorum salutem. Nec ille minor, qui hunc sibi gradum ad illa inuisibilia philosophando constituit: nisi quod hoc dulcius, illud vtilius; hoc felicius, illud fortius esse cõstat. At omnium maximus, qui spreto ipso vfu rerum, & sensuum, quantum quidem humanæ fragilitati fas est, non ascensorijs gradibus, sed inopinatis excessibus auolare interdum, contemplando ad

illa sublimia consuevit. Ad hoc
 vltimum genus, illos pertinere
 reor excessus Pauli: Excessus, ^{2. Cor. 12.}
 non ascensus. nam raptum
 potius fuisse, quam ascendisse,
 ipse se perhibet. Inde est quod
 dicebat: Siue mente excedi- ^{2. Cor. 5.}
 mus, Deo. Porro hæc tria,
 ita contingunt; cum confide-
 ratio, etsi in loco peregrina-
 tionis suæ, virtutis studio, &
 adiutorio gratiæ, facta supe-
 rior, sensualitatem aut premit
 ne insolescat, aut cogit ne eua-
 getur, aut fugit ne inquinet.
 In primo potentior, in se-
 cundo liberior, in tertio pu-
 rior. Puritatis siquidem, & ala-
 critatis pariter alis fit ille
 volatus. Vis tibi has confide-
 rationis species proprijs di-
 stingui nominibus? Dicamus
 si placet, primam dispensa-
 tiuam, secundam estimatiuam,
 tertiam speculatiuam. Horum

Confide-
 rationis
 tres spe-
 cies.

Dispen-
satiua.Æstima-
tiua.Specula-
tiua.

nominum rationes, definitio-
nes declarabunt. Dispensatiua
est consideratio sensibus, sen-
sibilibusque rebus ordinate, &
socialiter vtens, ad prome-
rendum Deum. Æstimatiua est
consideratio prudenter ac di-
ligenter quæque scrutans, &
ponderans, ad vestigandum
Deum. Speculatiua est confi-
deratio se in se colligens, &
quantum diuinitus adiuuatur,
rebus humanis eximens ad
contemplandum Deum. Pu-
to vigilanter aduertis aliarum
hanc esse fructum; cæteras, si
non referantur ad istam, quod
dicuntur videri posse, sed non
esse. Et prior quidem absque
intuitu huius multa ferit, &
nihil metit; Sequens verò, nisi
ad istam se dirigat: vadit, sed
non euadit. Ergo quod prima
optat, secunda odorat, tertia
gustat; Ad quem tamen gustū

per-

perducunt & cætera; etsi tardius: nisi quod prima laboriosius, secunda quietius peruenitur.

CAPUT II.

Dixisti, inquis, satis quæ ascendatur: etiam quo ascendendum, dicere habes. Falleris, si id speras: Ineffabile est. Tu me existimas loqui, quod oculus non vidit, nec auris audiuit, & in cor hominis nō ascendit? Nobis, inquit, reuelauit Deus per spiritum suum. Ergo quæ supra sunt, non verbo docentur, sed spiritu reuelantur. Verum quod sermo non explicat, consideratio quærat, oratio expetat, mereatur vita, puritas assequatur. Sane eorum admonitus, quæ supra sunt; non te existimes mitti à me suspicere

Esa 64.

1. Cor.

2.

solem, lunam, stellas, non
 ipsum firmamentum, non
 aquas, quæ supra cælos sunt.
 Ista siquidem omnia, etsi supra
 loco; pretio infra sunt, & di-
 gnitate naturæ: sunt enim cor-
 pora. Tui portio spiritus est,
 quo superius quippiam frustra
 quæris, quod non sit spiritus.
 Porro spiritus est Deus, sunt
 & angeli sancti; & hi supra te:
 Sed Deus natura, angeli gratia
 superiores sunt. Vñ siquidem
 tui, & angeli optimum, ratio
 est. Deus verò non sui aliquid
 optimum habet, vñ optimum
 totus. Is, & qui cum eo
 sunt spiritus beati, tribus mo-
 dis, veluti vijs totidem, nostra
 sunt consideratione vestigan-
 di: opinione, fide, & intel-
 lectu. Quorum intellectus ra-
 tioni innititur, fides auctori-
 tati, opinio sola verifimili-
 tudine se tuctur. Habent illa
 duo

duo certam veritatem: sed fides clausam, & inuolutam, intelligentia nudam, & manifestam. Cæterum opinio certi nihil habens, verum per verisimilia querit potius, quam apprehendit. Omnino in his cauenda confusio: ne aut intertū opinionis fides figat; aut quod firmum, fixumque est fidei, opinio reuocet in questionem. Et hoc sciendum, quia opinio si habet assertionem, temeraria est: fides si habet hesitationem, infirma est. Item intellectus, si signata fidei tentet irrumperē, reputatur effractor, scrutator maiestatis. Multi suam opinionem intellectum putauerunt, & errauerunt. Et quidem opinio potest putari intellectus: intellectus autem opinio non potest. Vnde hoc accidit? Profecto quia hæc falli, & fal-

Opinio
Fides.

Intelle-
ctus.

lere potest: ille non potest.
 Aut si falli potuit: intellectus
 non fuit, sed opinio. Verus
 nempe intellectus certā habet
 non modò veritatem, sed no-
 titiam veritatis. Possumus sin-

Fides.

gula hæc ita definire. Fides
 est voluntaria quædam, &
 certa prælibatio necdum pro-

**Intelle-
ctus.**

palatæ veritatis. Intellectus
 est rei cuiuscunque inuisibilis
 certa, & manifesta notitia.

Opinio.

Opinio est quasi pro vero ha-
 bere aliquid, quod falsum esse
 nescias. Ergo, vt dixi, fides
 ambiguum non habet: aut si
 habet, fides non est, sed opi-
 nio. Quid igitur distat ab in-
 tellectu? Nempe quod etsi nō
 habet incertum, non magis
 quam intellectus; habet tamen
 inuolutum, quod non intel-
 lectus. Denique quod intelle-
 xisti, non est de eo quod ultra
 quæras: aut si est, non intel-

le-

Iexisti . Nil autem malumus
scire, quam quæ fide iam
scimus . Nil supererit ad bea-
titudinem, cum quæ iam certa
sunt nobis fide, erunt æque
& nuda .

CAPUT III.

HIs ita expeditis : age iam
dirigatur consideratio
in eam, quæ sursum est Hieru-
salem, mater nostra : ac totis
tribus memoratis vijs, caute, &
vigilanter vestigemus inuesti-
gabilia: quatenus tamen licet,
vel magis quatenus nobis do-
nabitur . Et primò quidem
cives spiritus esse illic, poten-
tes, gloriosos, beatos, distin-
ctos in personas, dispositos in
dignitates: ab initio stantes in
ordine suo, perfectos in gene-
re suo, corpore æthereos, im-
mortalitate perpetuos, im-

passibiles : non creatos , sed factos , id est gratia , non natura : mente puros , affectu benignos , religione pios , castimonia integros , vnanimitate indiuiduos , pace securos : à Deo conditos , diuinis laudibus , & obsequijs deditos. Hæc omnia legendo comperimus , fide tenemus . Quanquam de corporibus horum , non modò vnde sint : sed an aliquatenus sint , hæret sententia aliquorù . Vnde si quis inter opinabilia , id magis ponendum censuerit , nō contendo . Porro intellectu præditos , non fide , non opinione , sed intellectu capimus : quia non possunt huius expertes , & Dei simul participes esse . Sunt & nomina quedam nota nobis similiter ex auditu : per quæ harum beatitudinum (etiam quæ non li- quidò mortalium percepit

auditus.) officia, merita, gradus, ordines, utcumque à nobis conijci, & discerni queunt. Sed enim quod ex auditu non est, iam non ex fide. nam fides ex auditu. Itaque opinando ista dixerimus. Ad quid enim *Rom. 10.* celestium nomina innotuerunt? si ne opinari quidem salua fide aliquid licet de rebus, quarum nomina sunt? Angeli, archangeli, virtutes, potestates, principatus, dominationes, throni, cherubim, & seraphim: hæc nomina. Quæ significata eorum? Nullane inter illos spiritus, qui simpliciter angeli, & eos qui archangeli nuncupantur, distantia est? Quid sibi ergo vult gradualis distinctio hæc? Puteamus angelos dici, (nisi tu conuenientius aliquid considerasti) qui singuli singulis hominibus dati creduntur: missi in mini-

Heb. 1.

Matt.
18.

sterium; secundum Pauli doctrinam: propter eos, qui hæreditatem capiunt salutis. De quibus Saluator: Angeli eorū semper vident faciem patris. Putemus his præesse archangelos, qui conscij mysteriorum diuinorum, non nisi ob præcipuas, & maximas causas mittuntur: E quibus magnus

Luc. 1.

ille archangelus Gabriel missus legitur ad Mariam: ob causam vtique, qua maior esse non potuit. Putemus super istos virtutes esse: quarum nutu, vel opere, signa, & prodigia in elementis, siue ex elementis facta apparent, ad commonitionem mortalium. Inde est fortassis, quod cum in

Luc. 21

euangelijs legas: Erunt signa in sole, & luna, & stellis: paulo post habes: Nam virtutes cælorum mouebuntur. Hi nimirum spiritus, per quos
signa

Signa, & virtutes fiunt. Pute- Potestas
mus potestates superiores istis
quarum virtute potestas tene-
brarum comprimitur, & coer-
cetur malignitas aeris huius :
ne quantum vult, noceat : ne
malignari, nisi vt profit, possit.
Putemus principatus his quo- Princi-
que praelatos: quorum mode- patus.
ramine, & sapientia, omnis in
terrīs principatus constitui-
tur, regitur, limitatur, trans-
fertur, mutilatur, mutatur.
Putemus dominationes adeo Domina-
cunctis supereminere præfatis tiones.
ordinibus, vt respectu horum
cæteri videantur omnes admi-
nistratorijs spiritus, & ad istos
tanquam ad dominos regimi-
na referri principatum, tuta-
mina potestatum, operationes
virtutum, reuelationes archā-
gelorum, curam, & prouiden-
tiam angelorum. Putemus Throni.
thronos alto etiā ab his euo-
lasse

lasse recessu: qui ex eo quod
sedent, throni dicuntur: & ex
eo sedent, quod sedet in eis
Deus. Neque enim sedere in
eis, qui non sederent, posset.

Throno-
rum ses-
sio cuius
modi.

Quæris, quid illam sentiam ses-
sionem? Summam tranquilli-
tatem, placidissimam serenita-
tem, pacemquæ exuperat om-
nem intellectum. Talis est, qui
sedet in thronis Dominus sa-
baoth, iudicans omnia cum
tranquillitate: placidissimus,
serenissimus, pacatissimus, &
tales sibi constituit thronos si-
millimos sibi. Putemus Che-
rubim ex ipso sapientiæ fon-
te, ore Altissimi haurientes, &
refundentes in fluenta scientiæ
vniuersis ciuibus suis. Et vide-
ne is sit, quem Propheta lo-
quebatur: fluminis impetus
lætificans ciuitatem Dei. Pu-
temus Seraphim spiritus tor-
tos diuino igne succensos fuc-
cen-

Cheru-
bim.

Pf. 45.

Sera-
phim.

cendere. vniuersa: vt singuli
ciues, singulae sint lucernae ar-
dentes, & lucentes: ardentes
charitate, & lucentes cogni-
tione.

CAPUT IV.

O Eugeni, quā bonum est
nos hic esse: quam foret
melius, si quando tamen toti
sequamur, quo iam ex parte
precessimus. Præcedimus ani-
mo, & ne ipso quidem toto:
sed ex parte, & parte quidem
modica nimis. Affectu iacent
mole corporea prægrauati, &
luto hærentibus desiderijs:
sola interim arida, & tenuis
consideratio præuolat. Et
tamen ex tantillo, quod iam
datur, libet exclamare: Do- ps. 25.
mine, dilexi decorem domus
tuae, & locum habitationis
gloriae tuae. Quid si totam se-

colligat anima, & reductis affectibus e cunctis locis, quibus captiui tenentur, timendo quæ non oportet, amando quæ non decet: dolendo vane, gaudendo vanius; cum his ineat tota libertate volatum, pulset cum impetu spiritus, & in pinguedine gratiæ illabatur? Nonne cum cœperit circuire lucidas mansiones, & sinum illum lucidum Abrahæ etiam curiosius perscrutari; & sub altari, quodcunque illud est, martyrum reuifere animas in prima stola, secundam patientissimè expectantes; multo magis tunc instabit loquens cum Propheta: Vnam petij à Domino, hanc requiram, vt inhabitatem in domo Domini omnibus diebus vitæ meæ: vt videam voluptatem Domini, ac visitem templum eius? Quidni ibi videatur cor Dei? quid-

Pf. 26.

quidni ibi probetur quæ sit
voluntas Dei bona, & bene-
placens, & perfecta? Bona in
se, placens in effectibus: bene-
placens fruentibus: perfecta
perfectis, & nihil ultra qua-
rentibus. Patent viscera mise-
ricordiæ; patent cogitationes
pacis, diuitiæ salutis, mysteria
bonæ voluntatis, benignitatis
arcana: quæ clausa mortali-
bus, etiam ipsis electis suspecta
sunt. Id quidem salubriter: ne
desinant timere, dum necdum
dignè amare idonei inueniun-
tur. Cernere est in his, qui Se-
raphim appellantur; quomodo
amet, qui vnde amet, non
habet: sed est & qui nihil horū
quæ fecerit, odit: quos sal-
uandos fecit, quomodo foueat,
quomodo prouehat, quomo-
do amplexetur: quomodo de-
lecta electæ iuuentutis, & pa-
leas ignorantiarum eius, ignis
ille

Cheru-
tim.

Ro. 1. 8.

1. 10 1.

Ps. 16.

1. 10 1.

ille consumens, ipsam sibi put-
gatissimam, & suo amore di-
gnissimam reddat. Cernere est
in Cherubim (qui plenitudo
scientiæ dicuntur) Deū scien-
tiarum Dominum esse, qui
solus solam nesciat ignoran-
tiam : qui totus sit lux, & te-
nebræ in eo non sint ullæ; totus
sit oculus, & qui minimè ali-
quando fallitur : quia minimè
clauditur; qui extra se non
quærat lumen, cui admoveatur
ut videat, ipse qui videt, ipse
vnde videt. Cernere est in
trhonis quam non suspectus
omni innocentia iudex fedeat
in his, qui circumvenire nolit,
circumveniri non possit: quip-
pe qui sit amans, & videns.
Nec vacat sessio : tranquilli-
tatis insigne est. De vultu tali
iudicium meum prodeat opto:
cui insit amor, error absit:
absit & perturbatio. Cernere
est

est in Dominationibus quantæ sit Dominus maiestatis, cuius nutu imperium constat; & imperio vniuersitas, atq; eternitas termini sunt. Cernere est in Principatibus principium ex quo omnia: & quomodo à cardine ostium, sic & ab ipso regi vniuersitatem. Cernere est in Potestatibus quam potestatiue idem princeps, quos regit, protegit: contrarias potestates arcens, & propulsans. Cernere est in virtutibus vnā vbiq; æqualiter præsto esse virtutem, per quā omnia, viuificam, efficacem, inuisibilem, immobilemque; omnia tamen mouentem vtiliter, tenentem fortiter: quæ cum in minus vsitata effecta apud mortales eruperit, miracula, siue prodigia vocant. Cernere postremo, & mirari est in Angelis, & Archangelis veritatē, atque

1. *Pet.*
5.

atq; experientiam vocis illius:
Quoniam ipsi cura est de nobis: qui talium nos, & tantorum non desinit iocundare visitationibus, instruere reuelationibus, suggestionibus cōmonere, sedulitate solatiari.

CAPVT V.

HAec omnia contulit illis spiritibus ipse, qui condidit illos, vnus atque idem summus spiritus, diuidens singulis prout vult: hæc operatur in illis, hæc dedit operari & illis: sed aliter. Ardent Sera- phim: sed igne Dei, vel potius igne, Deo. Quod præcipuum est in eis, amant: sed nō quantum Deus, nec quomodo. Lucent Cherubim, & in scientia eminent: sed participio veritatis; ac per hoc non vt veritas, nec quantum. Sedent

supra

Thro-

Throni, sed infidentis benefi-
cio. Iudicant & ipsi cum tran-
quillitate: sed non ad mensu-
ram, modumve pacis pacantis,
pacis, quæ exuperat omnem
sensum. Dominantur Domina-
tiones: sed sub Domino domi-
nantur, & seruiunt pariter.
Quid hoc ad summum, sempi-
ternum, singulareque domi-
nium? Præfunt Principatus, &
regunt: sed reguntur & ipsi:
ita vt regere iam non norint, si
regi desierint. Percellit in Po-
testatibus fortitudo: sed cui
debent quod fortes sunt; &
aliter est fortis, & plus. nec
tam fortis, quam fortitudo est.
Virtutes pro suo ministerio, &
potentatu satagunt excitare,
corda torpentia hominum in-
nouatione signorum: virtus
verò in eis manens ipsa facit
opera. Faciunt & illæ, sed in
comparatione eius nō faciunt.

Denique tantum interest, vt
 quasi singulariter Propheta
Ps. 76. dicat ad eum: Tu es Deus, qui
 facis mirabilia. Et item de eo:
Psal. 135. Qui facit mirabilia magna
 solus. Adsunt Angeli, & Ar-
 changeli: sed ille germanior
 nobis, qui non modo adest, sed
 inest. Quod si dicas posse ines-
 se & angelum; non inficior.
Zac. 1. Memini scriptum: Et angelus
 qui loquebatur in me. Atqui
 differentia & in hoc. Inest an-
 gelus suggerens bona, non in-
 gerens: inest hortans ad bonū,
 non bonum creans. Deus sic
 inest, vt efficiat, vt infundat,
 vel potius vt infundatur, vt
 participetur: ita vt vnum
 perinde cum nostro spiritum
 esse, dicere quis non timuerit:
 etsi nō vnā personam, vnamve
1. Cor. 6. substantiam. Habes enim: Qui
 adhæret Deo, vnus spiritus est.
 Angelus ergo cū anima: Deus

in anima. Ille, vt contubernalis
 animæ inest; Deus, vt vita.
 Itaque sicut anima videt in
 oculis, audit in auribus, odo-
 rat in naribus, in faucibus
 gustat, tangit in toto reliquo
 corpore; sic Deus diuersa in
 diuersis spiritibus operatur.
 Verbi gratia in alijs amantem *1. Cor.*
 se exhibens, in alijs agnoscen- *12.*
 tem, in alijs alia facientem:
 sicut unicuique datur manife-
 statio spiritus, ad vtilitatem,
 Quis est iste tam communis
 in vocibus, tã longe in rebus?
 Quomodo quem nostris loqui-
 mur verbis; in sua reconditus
 maiestate, nostros penitus &
 aspectus effugit, & affectus?
 Audi ipsum, quid loquatur
 hominibus: Sicut exaltantur *Esaï.*
 cali à terra; sic exaltatæ sunt *55.*
 viæ meæ à vijs vestris; & cogi-
 tationes meæ à cogitationibus
 vestris. Dicimur amare, &
 Deus

Isa. 55. Deus : dicimur nosse, & Deus, & multa in hunc modum. Sed Deus amat vt charitas, nouit vt veritas, sedet vt æquitas, dominatur vt maiestas, regit vt principium, tuetur vt salus, operatur vt virtus, reuelat vt lux, assistit vt pietas. Quæ omnia & angeli faciunt, facimus & nos : sed longè inferiori modo ; non vtique bono quod sumus, sed quod participamus.

CAPVT VI.

Confideratio de Deo.

Can. 3.

NVnc iam transi spiritus istos ; si forte cū sponsa dicere possis & tu ; Paululum cum pertransissem eos, inueni quem diligit anima mea. Quis est ? Non sanè occurrit melius, quàm qui est. Hoc ipse de se **Exo. 4.** voluit responderi. Hoc docuit, dicente Moyse ad populum, ipso

ipso tamen iniungente : Qui est, misit me ad vos. Merito quidem. Nil competentius æternitati, quæ Deus est. Si bonum, si magnum, si beatum, si sapientem; vel quicquid tale de Deo dixeris : in hoc verbo instauratur, quod est, Est. Nēpe hoc est, ei esse, quod hæc omnia esse. Si & centum talia addas, non recessisti ab esse. Si ea dixeris, nihil addidisti: si nō dixeris, nihil minuísti. Si videris hoc tam singulare, tam summum esse : nonne in comparatione huius, quicquid hoc non est, iudicas potius non esse, quàm esse? Quid item Deus? Sine quo nihil est. Tam nihil

DEVS
QVIB
SIT.

esse sine ipso; quàm nec ipse sine se potest. Ipse sibi, ipse omnibus est. Ac per hoc quodammodò ipse solus est, qui suum ipsius est, & omnium esse. Quid est Deus? Princi-

K

pium

10. 8.

pium. Et hoc ipse de se respon-
 sum dedit. Multa in rebus di-
 cuntur principia, sed respectu
 posteriorum. Alioquin si ad
 aliquid præcedens respicias,
 ipsum potius principium dabis.
 Quamobrem si quæras verum,
 simplexque principium: inue-
 nias oportet quod principium
 non habuerit. Ex quo vniuer-
 sum cœpit, ipsum profectò
 minimè cœpit. aliundè cœpe-
 rit necesse est. A se enim cœpit
 nihil. Nisi forte quis putauerit,
 quod non erat, dare sibi po-
 tuisse, vt esse inciperet: aut
 fuisse aliquid, antequam esset.
 Quod vtrumque, quia ratio nō
 consentit, constat nihil sibimet
 extitisse principium. Quod
 verò aliud principium habuit,
 primum non fuit. Verum ergo
 principium nequaquam cœpit:
 sed totum ab ipso cœpit. Quid
 est Deus? Cui secula nec ac-
 ces-

cesserunt, nec decesserunt, nec
 coæterna tamen. Quid est *Rom.*
 Deus? Ex quo omnia, per quæ *11.*
 omnia, & in quo omnia. Ex
 quo omnia: credibiliter, non
 feminabiliter. Per quæ omnia:
 ne alium auctorem, atq; alium
 opificem arbitreris. In quo
 omnia: non quasi in loco, sed
 quasi in virtute. Ex quo omnia,
 tanquã vno principio auctore
 omnium. Per quem omnia, ne
 alterũ inducatur principium
 artifex. In quo omnia: ne ter-
 tium inducatur, locus. Ex quo
 omnia, non de quo: quia non
 est materia Deus. Efficiens
 causa est, non materialis. Fru-
 stra philosophi materiam quæ-
 runt: non eguit materia Deus,
 non enim officinam quæsiuit,
 non artificem. Ipse per se, in se
 omnia fecit. Vnde? De nihilo.
 Nam si ex aliquo fecit: illud
 nõ fecit, ac per hoc nec omnia.

Abfit, vt de sua incorrupta,
 incorruptibilique substantia,
 tam multa fecerit; et si bona,
 corruptibilia tamen. Quæris, si
 in ipso omnia, ipse vbi? Nihil
 non minus inuenio. Quis ca-
 piam locus? Quæris vbi non
 fit? Ne hoc quidem dixerim.
 Quis sine Deo, locus? Incom-
 prehensibilis est Deus: sed non
 parum apprehendisti; si hoc
 tibi de eo compertum est, quod
 nusquam sit, qui non clauditur
 loco; & nusquam non sit, qui
 non excluditur loco. Suo autem
 illo sublimi, atque incompre-
 hensibili modo, sicut omnia in
 ipso, sic ipse in omnibus est.
 Denique, sicut ait Euangelista,
 in mundo erat. Alias verò, vbi
 erat antequam mundus fieret,
 ibi est. Non est quod quæras
 ultra, vbi erat: præter ipsum,
 nihil erat. Ergo in seipso
 erat.

10. 1.

CAPVT VII.

Quid est Deus? Quo nihil
melius cogitari potest.
Si approbas: nō oportet
assentiaris esse aliquid,
quod Deus sit, & quod Deus
non sit. Hoc enim sine dubio
melius. Quomodo non melius
Deo, si Deus non est, quod dat
Deo vt sit? At melius illam di-
uinitatem, qua dicunt Deum
esse, non aliud quam Deum
esse fatemur. Non est ergo in
Deo, nisi Deus. Quid? in-
quiunt: Negas Deum habere
diuinitatem? Non: sed quod
habet, hoc est. Negas diuini-
tatem Deum esse? Non: sed
non alia, quam quæ ipse est.
Aut si tu aliam inuenisti;
adiuuert me Trinitas Deus.
aduersus illam vel quaternita-
tem tota me contumacia

erigo. Quaternitas orbem determinat, nō signat deitatem. Deus Trinitas est: Deus trium singula personarum. Si quartam diuinitatem adijcere placeat: interim ego hanc, quæ Deus non est, persuasi mihi minimè adorandā. Puto quod & tu. Nempe, Dominū Deum tuum adorabis, & illi soli seruiēs. Gloriosa verò diuinitas, quæ sibi honorem non audeat arrogare diuinum. At melius quartum hoc omninò respuimus, quam sine honore recipimus. Multa dicuntur esse in Deo, & quidem sanè, catholiceque: sed multa vnum. Alioquin si diuersa putemus: non quaternitatem habueris, sed centenitatem. Verbi gratia: Dicimus magnum, bonum, & iustum, & innumera talia; sed nisi omnia vnum in Deo, & cum Deo consideres, habebis mul-

Matth.

4.

Luc. 4.

Deus.

6.

multiplicem Deum. Mihi verò
non deest, quod cogitem
melius eiusmodi Deo tuo.
Quæris, quid? Mera simpli-
citas. Vero iudicio, natura
simplex multiplici antefertur.
Scio quod ad hæc respondere
solent. Non multa, inquiunt:
sed vnam tantum diuinitatem,
quæ omnia illa sunt, Deo vt sit
conferre, asserimus. Asseritis
ergo, etsi non multiplicem,
duplicem Deum: & non ad
merum simplex peruenistis:
neque ad id, quo melius cogi-
tari non potest. Tam non est
simplex, quod vel vni fuerit
obnoxium formæ, quam nec
virgo vel vni cognita viro. Se-
curus loquor: ne is quidem,
qui vel duplex est, erit meus.
habeo enim meliorem. Esto
quod hunc numerofo, & mul-
tiplici anteponam: sed planè
præ simplici sperno. Meus

Deus ipse catholicè est. Tam non habet hoc, & illud, quam non hæc, & illa. Est qui est, & non quæ est: purus, simplex, integer, perfectus; constans sibi; nihil de temporibus, nihil de locis, nihil de rebus trahens in se; nihil ex se deponens in eis; non habens quod ad numerum diuidat, non quæ colligat ad vnum. Vnum quippe est, sed non vnitum. Non partibus constat, vt corpus: non affectibus distat, vt anima: non formis substat, vt omne, quod factum est: sed neque formæ, vt istis visum est. Magna laus videlicet Deo, vt se ab infirmitate vendicet, forma vna esse contentum. Hoc est dicere, cætera pluribus, Deum non nisi vni debere quod est. Quid? Cuius beneficio sunt quæ sunt: ipse se pro suo esse, alterius beneficio inclinabit? Laus ista

(vt

(vt vulgo dicitur) blasphemiam valet. An non pluris est, nullo indigere, quam vno? Habe reuerentiam Deo, vt quod pluris est, illi tribuas. Si cor tuum vsque huc ascendere potuit: Deum tuum infra, quomodo collocabit? Ipse sibi forma, ipse sibi essentia est. In hoc interim gradu suspicio illum: & si alter potior appareret, illum potius darem. Nunquid verendum, ne cogitatio transuolet illum? Quantumcunque in altum proficiat, ultra est. Infra quod homo cogitare possit, altissimum quærere, ridiculum est: statuere, impium. Ultra, non citra quærendus est. Ascende si potes *Psalm.* adhuc ad cor altius; & exalta- *63.* bitur Deus. Non est formatus Deus, forma est. Non affectus est Deus, affectio est. Non est compositus Deus; merum,

simplex est . Et vt liquido no-
 ueris , quid simplex dicam :
 idem quod vnum . Tam sim-
 plex Deus , quam vnus est . Est
 autem vnus , & quomodo aliud
 nihil . Si dici possit , vnissimus
 est . Vnus est Sol , quod non sit
 alter : vna Luna , quod æque
 altera nō sit . Atque id quidem
 Deus : sed plus . Quid plus ?
 Vnus est etiam sibi . Et hoc vis
 tibi declarari ? Idem semper
 est , & vno modo . Non sic
 vnus Sol , non sic vna Luna .
 Clamat vterque non esse se
 vnum sibi : Ille motibus , illa &
 defectibus suis . Deus autem
 non modò vnus sibi : sed & in
 se vnus est . Nihil in se , nisi se
 habet . Non ex tempore altera-
 tionem habet : non in substan-
 tia alteritatem . Hinc de eo
 Boetius : Hoc verè vnum , in
 quo nullus est numerus : nul-
 lum in eo aliud , præter id
 quod

quod est. Neque enim subiectum fieri potest: forma enim est. Comparata vni huic omne quod vnum dici potest: & vnum non erit.

CAPUT VIII.

TRinitas est, tamen Deus. Quid sit Trinitas.
 Quid ergo? Destruimus quod dictum est de vnitate, quia inducimus Trinitatem? Non: sed statuimus vnitatem. Dicimus Patrem, dicimus Filium, dicimus Spiritum Sanctum: non tamen tres Deos, sed vnum. Quid sibi vult iste, (vt sic loquar) absque numero numerus? Si tria, quomodo non numerus? Si vnum, vbi numerus? Sed habeo, inquis, quid numerem; & quid non numerem. Substantia vna est: personæ tres sunt. Quid mirum; quid vei obscurum in hoc?

Nihil, si personæ seorsum à substantia cogitentur. Nunc verò cum trēs illæ personæ illa substantia sint: & illa vna substantia, trēs illæ personæ; quis numerum neget? Nam verè tres sunt. Quis numeret tamè? Nam verè verum sunt. Aut si tu facile explicatu id putas, dicendo tres; dicitò quid numerasti? Naturas? vna est. Essentias? vna est. Substantias? vna est. Deitates? vna est. Non hæc: sed personas numero, inquis. Quæ non sint illa, vna natura, illa vna essentia, illa vna substantia, illa vna diuinitas? Catholicus es: minimè hoc dabis. Personarum proprietates, non aliud quam personas; ipsasque non aliud quam vnum Deum, vnam diuinam substantiam, vnam diuinam naturam, vnam diuinam, & summam maiestatem fides

Catholica confitetur. Numera ergo, si potes; aut sine substantia personas, quæ ipsa sunt: aut sine personis proprietates, quæ ipsæ sunt. Aut si diuidere quis conetur vel personas à substantia, vel proprietates à personis: nescio quomodo Trinitatis se profiteri possit cultorem, qui in tantam rerum excesserit numerositatem. Dicamus itaque tres: sed non ad præiudicium vnitatis. Dicamus vnum: sed non ad confusionem Trinitatis. Neque enim nomina vacua sunt, nec absq; significantia cassæ voces. Quærit quis: quomodo illud, quod catholicum esse dicimus, possit esse? Sufficiat ei tenere sic esse. Atque hoc rationi perspicuum; nec tamen opinioni ambiguū: sed fidei persuasum. Sacramentum hoc magnum est; & quidem venerandum;

non

non scrutandum. Quomodo pluralitas in vnitate fit, & hac vnitate; aut ipsa in pluralitate? Scrutari hoc temeritas est: credere pietas est: nosse vita, & vita æterna est.

CAPUT IX.

Modi
vnius
nouem.

VNde si operæ precium censes, ò Eugeni, percurrat nunc cōsideratio multa vna, quo eminentia huius singularis vnius fiat euidentior. Est vnitas, quæ collectiua potest dici: cum verbi causa, multi lapides faciunt vnum aceruum. Est & vnitas constitutiua: cum multa membra vnū corpus: vel multæ partes, vnum quodcunq; totum constituunt. Est & coniugatiua: qua fit vt duo iam nō duo sint, sed vna caro. Et est natia, qua anima, & caro vnus nascitur homo.

homo. Est vnitas potestatiua :
qua homo virtutis non insta-
bilis, non dissimilis, sed vnus
sibimet semper nititur inueni-
ri. Est consentanea: cum per
charitatem multorum homi-
num est cor vnum, & anima
vna. Est & votiua: cum anima
votis omnibus adhærens. Deo
vnus spiritus est. Est etiam di-
gnatiua vnitas: qua limus
noster à Dei verbo in vnā
assumptus est personam. Verū
hæc omnia, quid ad illud sum-
mum; atque (vt ita dicam)
vnice vnum, vbi vnitatem con-
substantialitas facit? Huic vni
quoduis illorum si assimiles,
erit quoquo modo vnum: si
compares nullo. Igitur inter
omnia, quæ vnum rectè dicun-
tur, arcem tenet vnitas Trini-
tatis, qua tres personæ vna
substantia sunt. Secundo loco
illa præcellit, qua è conuerso
tres

tres substantiæ vna in Christo
 persona sunt. Porro hæc, &
 quæcunque alia dici vna pos-
 sunt, summæ illius vnitatis
 imitatione: nõ comparatione,
 vna appellari, vera sobriaque
 probat cõsideratio. Nec abdu-
 cimur ab hac vnitatis profes-
 sione, assertionem trium: cum
 in hac Trinitate non recipia-
 mus multiplicitem; sicut nec
 solitudinem in vnitatem. Quam-
 obrem cum dico vnum; non me
 Trinitatis turbat numerus, qui
 essentiam non multiplicat, non
 variat, nec partitur. Rursus
 cum dico tria: non me arguit
 intuitus vnitatis, quæ illa quæ-
 cunque tria, seu illos tres, nec
 in confusionem cogit naturæ,
 nec in singularitatem redi-
 git.

CA.

CAPVT X.

IDem me sentire fateor & de illa vnitate, cui secundum ab ista inter cætera vna honorem dedi. Dico in Christo verbum, animam, & carnem, sine confusione essentiarum, vnā esse personam: & item absque præiudicio personalis vnitatis in sua numerositate manere. Nec negauerim hanc ad illud quoque genus vnitatis pertinere, qua anima, & caro vnus est homo. Decuit quippe familiarius, similiusque cum hominis conuenire constitutione, quod pro homine constitutum est sacramentum. Decuit, & cum summa, quæ in Deo est, & Deus est, vnitatem congruere: vt quomodo ibi tres personæ, vna essentia: ita hic conuenientissima quadam

con-

1. Cor.
6.

contrarietate tres essentia vna
sint persona. Videsne pulchrè
inter vtramque vnitatem hanc
collocari: in eo vtiq; , qui
constitutus est mediator Dei,
hominisq; , homo Christus
Iesus? Pulcherrima, inquam,
conuenientia; vt salutare sa-
cramentum congrua quadam
similitudine ambobus respon-
deat, & saluanti videlicet, &
saluato. Ita hæc vnitas duarum
consistens media vnitatum,
alteri succumbere, alteri præ-
minere cognoscitur; quantum
superiore inferior, tantum in-
feriore superior. Tantam de-
nique, tamque expressam vnio-
nis vim in se præfert ea per-
sona; in qua Deus, & homo
vnus est Christus: vt si duo illa
de se inuicem prædices; non
erraueris; Deum videlicet ho-
minem, & hominem Deum,
verè catholicèq; pronuncians.

Non

Non autē similiter, vel carnem
 de anima, vel animam de carne
 nisi absurdissimè prædicas; et si
 similiter anima, & caro vnus sit
 homo. Nec mirum si non æquè
 potis anima sit sua illa vitali,
 et si nō parum valida intentio- *Rom. 1.*
 ne connectere, atque suis affe-
 ctibus astringere sibi carnem;
 vt sibi diuinitas hominem
 illum, qui prædestinatus est
 filius Dei in virtute. Longa
 catena, & fortis ad stringen-
 dum, diuina prædestinatio: ab
 æterno est enim. Quid longius
 æternitate? Quid diuinitate,
 potentius? Inde est, quod nec
 morte incidente vllatenus in-
 tercedi hæc vnitas potuit; et si
 carne, & anima ab inuicem se-
 paratis. Et fortassis hoc sensit
 ille, qui se indignum professus *Mar. 1.*
 est soluere corrigiam calcea- *Matt.*
 menti huius. Sed & tria illa *Luc.*
 fata de Euangelio, mixta, & *13.*
 fer-

fermentata in panem vnum, si
 quis ad hæc tria dixerit perti-
 nere; non incongruè id mihi
 facere videbitur. Quam benè ea
 mulier fermentauit; vt nec di-
 uisione quidem facta carnis, &
 animæ, à carne, vel anima ver-
 bum diuideretur. Mansit & in
 separatione inseparabilis vni-
 tas. Nec enim quæ ex parte
 contigit separatio, potuit vni-
 tati præscribere, permanenti
 in totis tribus. Siue coniunctis,
 siue disiunctis duobus, nihilo-
 minus perseuerauit in tribus
 vnitatis personalis. Æque vnus
 Christus, vnaque persona, ver-
 bum, anima, & caro; etiam
 mortuo homine perdurauit.
 In vtero virginis (vt sentio
 ego) commixtio hæc, & fer-
 mentatio facta est: & ipsa
 mulier, quæ miscuit, & fermentauit.
 Nam fermentum non
 immeritò fortasse dixerim,
 fidem

fidem Mariæ. Planè beata quæ credidit: quoniam perfecta sunt in ea, quæ dicta sunt ei à Domino. Perfecta autem non essent, si quo minus iuxta verbum Domini esset fermentatum totum, & perpetuo fermentatum; seruans nobis tam in morte, quam in vita pariter vnum, atque integrum mediatorem Dei, & hominum, cum sua Deitate hominem Christum Iesum. Aduertere est in hoc admirabili sacramento, iuxta numerum factorum, miræ, & decentissimæ distinctionis gradus: nouum, antiquum, & æternum. Nouum, animam, quæ de nihilo tunc creata creditur, cum infusa: Antiquum, carnem, quæ à primo vsque homine (id est ex Adam) traducta cognoscitur. Æternum, verbum, quod ab æterno patre coæternum illi gentium indu-

bitata veritate asseritur . Et in
 his triplex (si diligenter
 aduertas) diuinæ potentia
 genus, quod factū sit de nihilo
 aliquid, de vetusto nouum;
 æternum, beatumque de dam-
 nato, & mortuo. Quid hoc ad
 nostram salutem? Multum per
 omnem modum. Primum qui-
 dem, quod peccato redacti in
 nihilum, per hoc iteratò quo-
 dammodo creati sumus, vt
 finis initiū aliquod creaturæ
 eius. Deinde quod ex vetusta
 seruitute in libertatem filiorū
 Dei translati in nouitate spi-
 ritus ambulantes. Postremò,
 quod de potestate tenebrarum
 vocati ad regnum claritatis
 æternæ, in quo iam & confi-
 dere nos fecit in Christo.
 Alieni sint à nobis Nouatiani,
 qui Christi à nobis carnem
 alienare conantur, nouā crea-
 tam in virgine, & non de vir-
 gine

Jac. 1.
Rom. 8.

gine sumptam, impiè asseren-
 tes. Pulchre propheticus spi-
 ritus longè ante occurrit huic
 sententiæ, inò blasphemix
 impiorum: Egredietur, in- *Esa. 11.*
 quiens, virga de radice Iesse, &
 flos de radice eius ascendet.
 Dixisse poterat, & flos de
 virgâ; sed maluit, de radice; vt
 vnde virgam, inde florem du-
 xisse originem demonstraret.
 Inde igitur sumpta caro, vnde
 orta virgo: nec noua in virgi-
 ne, quæ prodijt ex radice.

CAPVT XI.

FOrte subſtomacharis, ſi
 adhuc pergimus quærere
 quid eſt Deus? tū quia totiens
 iam quæſitum eſt, tum quia
 diffidis inuentum iri. Dico tibi
 pater Eugeni: ſolus eſt Deus,
 qui fruſtra nunquam quæri
 poteſt, nec cum inueniri non
 po-

potest. Doceat te de hoc experimentum tuum: aut si non, experto credito, non mihi, sed

Thren. Sancto, qui ait: Bonus es Domine sperantibus in te, animæ quærenti te. Quid ergo est Deus? Quod ad vniuersum spectat, finis: quod ad electionem, salus: quod ad se, ipse nouit. Quid est Deus? Voluntas omnipotens, beneuolentissima virtus, lumen æternum, incommutabilis ratio, summa beatitudo, creans mentes ad se participandum, viuificans ad sentiendum, afficiens ad appetendum, dilatans ad capiendum, iustificans ad promerendū, accendens ad zelum, foecundans ad fructum, dirigens ad æquitatem, formans ad beneuolentiam, moderans ad sapientiam, roborans ad virtutem, visitans ad consolationem, illuminans ad cognitionem.

tio-

tionem, perpetuans ad immortalitatem, implens ad felicitatem, circumdans ad securitatem.

CAPUT XII.

Quid est Deus? Nō minus poena peruersorum, quam humiliū gloria. Est enim rationabilis quædam æquitatis directio, inconuertibilis, atque indeclinabilis, quippe attingens vbiq̃ue: cui illisa omnis prauitas conturbetur necesse est. Quidam in hanc omne tumidum, vel distortum impingat, & conquassetur? Væ vniuerso, quod obuium forte offenderit, cedere nescia rectitudo. Nam & fortitudo est. Quid, iniquis voluntatibus tam contrarium, & aduersum, quam semper conari, impingere semper, &

frustra? Væ oppositis voluntatibus, solam suæ profectò auersionis referentibus poenā. Quid tã pœnale, quam semper velle quod nunquam erit: & semper nolle, quod nunquam non erit? Quid tam damnatum, quam voluntas addicta huic necessitati, volendi, nolendique; vt ad vtrumlibet iam sicut non nisi peruersè, ita non nisi miserè moueatur? In eternum non obtinebit quod vult: & quod non vult, in æternum nihilo minus sustinebit. Dignè omninò, vt qui ad nihil afficitur vnquam, quod deceat, ad nil vnquam quod libeat, eua-dat. Quid hoc facit? Rectus Dominus Deus noster, qui & cum peruerso, peruertitur. Nunquam recto, prauoq; conueniet. Hæc enim inuicem sibi aduersantur, et si non inuicem *Act. 9.* lædant. Læsio alterius est, absit



absit vt Dei. Durum tibi est, *Az. 9.*
 inquit, contra stimulum calci-
 trare; hoc est, non stimulo
 durum, calcitranti. Est & tur-
 pium pena Deus: lux est enim.
 Et quid tam inuisum obsecenis, *Io. 1.*
 flagitiosisque mentibus? Pro- *Io. 3.*
 fectò omnis qui malè agit, odit
 lucem. Sed dico: Nunquid nō
 poterunt declinare? Minimè
 omnino. Lucet vbique, etsi
 non omnibus. Denique in tē- *Io. 1.*
 nebris lucet, & tenebræ eam
 non comprehendunt. Videret- *Io. 1.*
 nebras lux: cui hoc est videre,
 quod lucere: sed non vicissim
 à tenebris ipsa videtur: quia
 tenebræ eam non compreen- *Io. 1.*
 dunt. Et videntur ergo, vt
 confundantur: & non vident,
 ne consolentur. Nec modo à
 luce, sed & in luce videntur.
 A quo, vel à quibus? Ab
 omni vidente: vt pro multi-
 tudine intuentium, sit confusio

multa . At nullus de tanta numerositate spectantium molestior oculus , suo cuiusque . Non est aspectus siue in cœlo , siue in terra , quem tenebrosa conscientia suffugere magis velit , minus possit . Non latent tenebræ vel seipsas . Se vident , quæ aliud non vident . Opera tenebrarum sequuntur illas : non est quo se abscondant ab illis , ne in tenebris quidem .

Esa. Hic est vermis , qui non moritur , memoria præteritorum .
66. Semel iniectus , vel potius innatus per peccatum , hæsit firmiter , nequaquam deinceps auellendus . Nec cessat rodere conscientiam : eaque pastus , esca vtique inconsumptibili , perpetuat vitam . Horreo vermem mordacem , & mortem viuacem . Horreo incidere in manus mortis viuentis , & vite morientis . Hæc est secunda mors

mors, quæ nunquam perocci-
 dit, sed semper occidit. Quis
 det illis semel mori, vt non
 moriantur in æternum? Qui *Luc.*
 dicunt montibus, cadite super
 nos: & collibus, operite nos:
 quid nisi mortem, mortis be-
 neficio aut finire, aut euadere
 volunt? Denique inuocabunt *Apoc.*
 mortem, ait, & non veniet. 9.
 Intuere id clarius. Constat im-
 mortalem animam esse, nec
 aliquando absq; sua memoria
 viuere; ne non animam ali-
 quando esse contingat. Itaque
 durante anima, durat & me-
 moria. Sed qualis? Fœda fla-
 gitijs, horrida facinoribus,
 vanitate tumida, contemptu
 hispida, & neglecta. Quæ prio-
 ra transierunt, & non tran-
 sierunt. Transierunt à manu,
 sed non à mente. Quod factum
 est, factum non esse non po-
 test. Proinde & si facere in

tempore fuit : sed fecisse in
sempiternum manet . Non
transibit cum tempore , quod
tempora transit . In æternum
ergo necesse est cruciet , quod
perperam te egisse in æternum
memineris . Experiri erit hoc
veritatem vocis illius : Arguā

Pf. 49.

te , & statuam illam contra
faciem tuam . Dominus locu-
tus est , cui omne aduersum &
sibi aduersari necesse est , vt sit

Iob. 7.

sera querela : O custos homi-
num , quare posuisti me con-
trarium tibi ; & factus sum
mihimetipsi grauis ? Ita est , o
Eugeni : Non potest esse Deo
contrarium quid , & sibimet
cohærere : sed omnis , qui ar-
guetur à Deo , arguetur & à
seipso . Non est sane iam tunc
quod aut veritatem dissimulet
ratio , aut rationis intuitum
declinet anima mēbris auulsa
corporeis , & in sese collecta .

Quo

Quo enim id valeat sopitis,
 conclusisq; in morte sensibus,
 per quos utiq; curiosius exire,
 & à se ire solebat, in eam quæ
 præterit mundi istius figuram?
 Vides turpibus nihil deesse ad
 confusionem; cum producen-
 tur, spectaculum fieri Deo,
 angelis, hominibus, & sibi
 ipsis. O quam male mali
 omnes locati sunt; utique op-
 positi torrenti huic directæ
 æquitatis, & huic lumini pro-
 palatæ veritatis expositi. Non-
 ne hoc est perpetuo tundi,
 perpetuoque confundi? Du-
 plici contritione, ait ille, con-
 tere eos Domine Deus noster.

Hier.

17.

CAPVT XIII.

Quid est Deus? Longitu-
 do, latitudo, subli-
 mitas, & profundum.
 Quid inquis? Tenemus te qua-

DEVS

QVIB.

ternitatis (quam abominatus es) professorem? Minime. Abominatus sum, & abominor. Visus sum protulisse plura: sed vnum est. Vnus Deus signatus est pro captu nostro, non pro suo statu. Diuisus hic est, non ille. Voces diuersæ, semitæ multæ: sed vnū per eas significatur, vnus queritur. Non diuisiones substantiæ, in quaternario isto expressæ sunt; non dimensiones, quales in corporibus intuemur; non distinctio personalis, qualem in Trinitate adoramus; non numerus proprietatum, qualem personis ipsis inesse fatemur, etsi non aliud à personis. Alioquin hoc singulum horum in Deo, quod quattuor simul: hæc quattuor ipsa, quod singulum est. Nobis autem, quia nō possumus cum Deo simplicitate contendere; dum

dum contendimus apprehendere vnum, occurrit veluti quadruplicatum. Facit hoc speculum, & ænigma, per quod solum interim videre datur. Cum autem videbimus ^{1. Cor.} facie ad faciem, videbimus ^{13.} eum sicuti est. Nec enim iam ^{1. 10. 3.} tunc fragilis acies mentis nostræ, quantumlibet vehementer intendens, aliquatenus resiliet, dissilietve in suam pluralitatem. Colliget se magis, adunabit, conformabitque vnitati illius, vel potius vnitati illi: vt vna vni facies respondeat faciei. Nempè similes ^{1. 10. 3.} ei erimus: quia videbimus eum sicuti est. Beata visio; ad quam meritò suspirabat propheta, qui ait: Exquisiuit te ^{Pf. 26.} facies mea, faciem tuam Domine requiram. Et quia adhuc in quærendo res est, ascendamus interim quadrigam.

istam; vtpote infirmi & imbecilles, indigentes tali vehiculo. Ascendamus, si forte vel sic apprehendamus, in quo apprehensi sumus: id est, huius ipsius vehiculi rationem. Nam hoc monitum habemus ab ipso auriga, & primo currus huius exhibitore: vt studeamus comprehendere cum

Ephes.
3. omnibus sanctis, quæ sit longitudo, latitudo, sublimitas, & profundum. Comprehendere, dixit, non cognoscere: vt non curiositate contenti scientiæ, tota cura fructui inhiemus.

Iaco. 4. Non in cognitione est fructus, sed in comprehensione. Alioquin scienti bonum, & non facienti (vt ait quidam) peccatum est ei.

1. Cor.
2. Et ipse Paulus in alio loco: Sic currîte, inquit, vt comprehendatis. Quid sit comprehendere, inferius declarabo. Quid igitur est Deus?

Lon-

Longitudo inquam. Quid ip-
 sa? Eternitas. Hæc tam longa,
 vt non habeat terminum, non
 magis loci, quam temporis.
 Est & latitudo. Et ipsa quid?
 Charitas. Quibus, & ista ter-
 minis angustetur in Deo, qui
 nihil odit horum, quæ fecerit?
 Deniq; solem suum oriri facit *Sap.*
 super bonos, & malos, & pluit *11.*
 super iustos, & iniustos. Ergo *Matt.*
 & inimicos. concludit sinus *5.*
 ille. Nec hoc quoque conten-
 tus, euadit in infinitum.
 Omnem noni modò affectio-
 nem, sed & cognitionem ex-
 cedit, adiiciente Apostolo, &
 dicente: Scire etiam supere- *Eph. 3.*
 minentem scientiæ charitatem
 Christi. Quid plus dicam?
 Aterna est: Nisi quod hoc
 plus forsitan est, quia æter-
 nitas est. Vides tantam esse la-
 titudinem, quantam & longi-
 tudinem? Utinam sic videas

non tantam esse, sed ipsam id
 esse vnā quod alteram; non
 minus vnā, quam duas; nec
 plus duas, quam vnā. Deus
 æternitas, Deus charitas est:
 longitudo sine protensione;
 latitudo sine distensione. In
 utroq; pariter locales quidem
 excedit, temporalesque angu-
 stias: sed libertate naturæ, non
 enormitate substantiæ. Tali
 modo immensus est, qui om-
 nia fecit in mensura: & quam-
 uis immensus, hic tamen
 modus & ipsius immensitatis.
 Quid item Deus? Sublimitas,
 & profundum. In altero, supra
 omnia: in altero, intra omnia.
 Liquet in Deitate nusquam
 claudicare æqualitatem, stare
 eam vndique firmiter, constare
 immobiliter sibi. Sublime, po-
 tentiam: profundum, sapien-
 tiam eius considera. Ex æquo
 & ista respondent sibi: dum &

Subli-
 mitas
 Dei po-
 tentia
 est Pro-
 fundū,
 sapien-
 tia,

su-

sublimitas inattingibilis, &
profunditas equè inscrutabilis
cognoscatur, Paulo admiran- Rom. 11.
te, & exclamante: O altitudo
diuitiarum sapientiæ, & scien-
tiæ Dei, quam inscrutabilia
sunt iudicia eius, & inuestiga-
biles viæ illius. Libet & nos
exclamare cum Paulo, horum
vtrumque intuentes in Deo; &
cum Deo, simplicissimam vni-
tatem: O sapientia potens, at- Sap. 8.
tingens vbique fortiter. O po- Ibid.
tentia sapiens, disponens om-
nia suauiter. Res vna, effectus
multiplex, operationesque
diuersæ. Et illa vna res est lon-
gitudinis, propter æternitatem;
latitudinis, propter charitatem;
sublimitatis, propter maiesta-
tem: profunditatis, propter
sapientiam.

CAPUT XIV.

NOuimus hæc. Num ideo
 & arbitramur nos com-
 prehensisse? Non ea disputa-
 tio comprehendit, sed sancti-
 tas: si quo modo tamen com-
 prehendi potest, quod incom-
 prehensibile est. At nisi posset,
 non dixisset Apostolus: Vt
 comprehendamus, cum omni-
 bus sanctis. Sancti igitur com-
 prehendunt. Quæris quomo-
 do? Si sanctus es: comprehen-
 disti, & nosti. Si non: esto, &
 tuo experimento scies. San-
 ctum facit affectio sancta, &
 ipsa gemina; timor Domini
 sanctus, & sanctus amor. His
 perfectè affecta anima, veluti
 quibusdam duobus brachijs
 suis comprehendit, amplecti-
 tur, stringit, tenet, & ait:
 Tenui eum, nec dimittam. Et

Ephes.

3.

Can.

3.

ti-

timor quidem sublimi, & profundo: amor lato, longoque respondet. Quid tam timendū, quam potestas, cui non potes resistere: quam sapientia, cui abscondi non potes? Poterat minus timeri Deus, alterutro carens. Nunc autem perfectè oportet vt timeas illum, cui nec oculus deest omnia videns nec manus potens omnia. Quid item tam amabile, quam amor ipse, quo amas, & quo amaris? Amabiliorem tamen iuncta æternitas facit: quæ dum non excidit, foras mittit suspicionem. Ama igitur perseveranter, & longanimiter; & habes longitudinem. Dilata amorem tuum vsque ad inimicos; & latitudinem tenes. Esto etiam in omni sollicitudine timoratus; & sublime, profundumque apprehendisti. Aut si manis quattuor æquè tuis

di-

diuinis quattuor respondere :
 facis hoc , si stupes , si paues ,
 si ferues , si sustines. Stupenda
 planè sublimitas maiestatis ,
 pauenda abyssus iudiciorum :
 feruorem exigit charitas , eter-
 nitas perseuerantiam sustinen-
 di. Quis stupet ; nisi qui con-
 templatur gloriam Dei ? Quis
 pauet ; nisi qui scrutatur pro-
 fundum sapientiæ ? Quis fer-
 uet ; nisi qui meditatur chari-
 tatem Dei ? Quis sustinet , &
 perseuerat in amore ; nisi qui
 æmulatur æternitatem chari-
 tatis ? Nempè æternitatis
 quandam imaginem perseue-
 rantia præ se fert. Denique sola
 est : cui æternitas redditur , vel
 potius quæ æternitati hominẽ
 reddit , dicente Domino : Qui
 perseuerauerit vsq; in finem ,
 hic saluus erit. Et nunc aduer-
 te in quattuor istis contem-
 plationis species quattuor.

Pri-

Prima, & maxima contem-
 platio, est admiratio maiesta-
 tis. Hæc requirit cor purgatū,
 vt à vitijs liberum, atque exo-
 neratum peccatis, facile ad
 superna leuet: interdum quo-
 que vel per aliquas morulas
 stupore, & extasi suspensum
 teneat admirantem. Secunda
 autem necessaria est huic: Est
 enim intuens iudicia Dei. Quo
 fane puido aspectu dum ve-
 hementius concutit intuen-
 tem, fugat vitia, fundat vir-
 tutes, iniciat ad sapientiam,
 humilitatem seruat; Virtutum
 siquidem bonum, ac stabile
 fundamentum quoddam, hu-
 militas. Nempe si nutet, illa
 virtutum aggregatio non nisi
 ruina est. Tertia contemplatio
 occupatur, vel potius ociatur
 circa memoriam beneficiorū,
 & ne dimittat ingratum, soli-
 citat memorantē ad amorem
 be-


Cōtem-
 platio-
 nis qua-
 tuor
 species

Psal. 144. benefactoris. De talibus dicit
 Propheta, loquens ad Domi-
 num: Memoriam abundantiae
 suauitatis tuae eructabunt.
 Eructatio autem gratiarum
Philip. 3. est actio. Quarta, quae retro
 sunt obliuiscens; in sola re-
 quiescit expectatione promif-
 sorum: Quae cum sit medita-
 tio aeternitatis, (siquidem quae
 promittuntur, aeterna sunt)
 longanimitatem alit, & perse-
 uerantiae dat vigorem. Puto
 iam facile est quattuor nostra
 haec quattuor illis Apostoli
 adsignare: dum longitudinem
 comprehendit meditatio pro-
 missorum; latitudinem recor-
 datio beneficiorum; sublimi-
 tatem contemplatio maiesta-
 tis; profundum inspectio iu-
 dicio- rum. Quærendus adhuc
 fuerat, qui nec satis adhuc in-
 uentus est, nec quæri nimis
 potest. At orando forte quam
 di-

disputando dignius quæritur,
& inuenitur facilius.

Proinde is sit finis

Libri: sed non
finis quæ-
rendi.



EPISTOLA
S. BERNARDI
ABBATIS

Ad Eugenium Papam
III. tunc recens in
Summum Pont.
electum.



Mātissimo Patri Do-
mino. Dei gratia
Summo Pontifici Eu-
genio Bernardus
Claræuallis vocatus Abbas,
modicum id quod est. Audi-
tum est in terra nostra, & ce-
lebri sermone vulgatum ver-
bum hoc, quod factum est de
vobis à Domino. Presseram
stylum hætenus, rem tacitus
considerabam. Expectabam
enim

enim litteras vestras: & praeueniri à vobis in benedictionibus dulcedinis. Expectabam virum fidelem, qui veniret à latere tuo, qui diceret cuncta per ordinem: quid, quomodo, vel qualiter actum esset. Expectabam si quis forte de filiis: ne is reuerteretur, qui leniret dolorem patris, qui diceret: Ioseph filius tuus viuit: & ipse dominatur in tota terra Aegypti. Hinc est quòd litterae istae non sunt voluntatis, sed necessitatis, & amicorum extortae precibus: quibus negare non possum modicum illud, quicquid residuum est vitae meae. Quia tamè semel coepi, loquar ad Dominum meum. Iam enim filium dicere non audeo: quia filius in patrem, pater mutatus est in filium. Qui post me venit, ante me factus est: sed non inuideo: quia quod

Genes.
45.

mihi

mihi deerat, in eo me habere
 confido, qui non solum post
 me, sed etiam per me venit.
 Nam si dignaris, quodammo-
 do per Euangelium ego te
 genui. Quæ est ergo spes no-
 stra, & gaudium nostrum: &
 corona gloriæ? nonne vos ante

*Pro 10.**Eccl 15.**Esai.**62.**Psal.**76.**Genes.**17.**Io. I.**Act, 13.**Euge-**nus an-**tedictus**Bernar-**du.*

Deum? Denique filius sapiens
 gloria est patris: Amodo ta-
 men non vocaberis filius: sed
 vocabitur tibi nomen nouum,
 quod os Domini nominauit.
 Hæc est mutatio dexteræ ex-
 celsi: & multi in mutatione ista
 gaudebunt, Nam quemadmo-
 dum olim Abram in Abraham,
 Iacob in Israel: & vt de tuis
 magis prædecessoribus tibi
 proponam: sicut Simon in Ce-
 pham, Saulus in Paulum: sic
 filius meus Bernardus in pa-
 trem meum Eugenium, læta
 prorsus, & utili, vt speramus,
 translatione promotus est.

Di-

Digitus Dei est iste, suscitans *psal.*
 de pulvere egenum, & de ster- *112.*
 core erigens pauperem: ut se- *2. Reg.*
 deat cum principibus, & soliū *2.*
 gloriæ teneat. Superest, ut fa-
 cta hac mutatione tui, ipsa
 quoque quæ tibi commissæ est
 Domini tui sponsa mutetur in
 melius: & iam nequaquam
 Sarai, sed Sara de cætero no- *Gen.*
 minetur. Intellige quæ dico: *17.*
 Dabit enim Dominus tibi in-
 tellectum. Si amicus sponsi es:
 ne dixeris dilectâ eius princi-
 pem meâ, sed principē: nil tuū
 in ea vendicans, nisi quod pro
 ea si oportuerit etiam animam
 dare, debes. Si Christus te mi-
 sit; æstimabis te non ministra-
 re non solum substantiam: sed
 ipsam quoque animam, sicut
 præfatus sum. Verus successor
 Pauli dicet cum Paulo: Non *2. Cor.*
 quia dominamur fidei vestræ: *1.*
 sed auditores sumus gaudiij
 ve-

*image
not
available*

cum gaudentibus? Nunquid non ero vnus de numero letantium? Exultaui, fateor: sed cum tremore. Exultaui; sed in ipso exultationis meæ articulo timor, & tremor venerunt super me. Ego enim etsi nomen patris deposui: sed non timorem, sed non anxietatem; postremò nec affectum, nec viscera patris. Considero gradum, & casum vereor. Considero fastigium dignitatis, & intueor faciem abyssi iacentis deorsum. Attendo celsitudinem honoris, & è vicino periculum reformido; pro eo quod scriptum est: Homo cum *Psalm.* in honore esset, non intellexit. 48.

Quod quidem ad causam magis, quàm ad tempus arbitror esse referendum, vt sic intelligatur dictum. Cum in honore esset, non intellexit; ac si diceretur: honor absorbit intellectum.

M lectum.

lectum. Et quidem elegeras
abiectus esse in domo Dei tui,
& recumbere in nouissimo lo-
co, in conuiuio eius: sed pla-
cuit dicere ei, qui te inuitauit:

Luc. 14 Amice ascende superius. Itaq;

Rom. 11. ascendisti in altum: noli altum
sapere, sed time: ne forte con-
tingat serò miserabilem illam

Psal. 101. emittere vocem; A facie iræ, &
indignationis tuę, eleuans alli-
fisti me. Altiolem quippe locū

fortitus es: sed non tutiorem.
Sublimiorem: non securiorem.

Terribilis prorsus, terribilis
est locus iste. Locus, inquam,

in quo stas, terra sancta est: lo-
cus Petri est, locus Principis

Apostolorum, vbi steterunt
pedes eius. Locus illius est,

Psal. 104. quem cōstituit Dominus Do-
minum domus suę, & princi-
pem omnis possessionis suę.

Si forte declinaueris a via Do-
mini, sepultus est in eodem lo-

co, vt sit tibi contra te in testi-
monium. Meritò tali pastori,
tali nutricio commissa est Ec-
clesia: cum adhuc tenera adhuc
in cunabulis esset: cuius edocta
magisterio, & exemplo educa-
ta omnia terrena calcaret: vt-
pote qui excusserat manus suas *Ad. 3.*
ab omni munere, qui dicebat
de corde puro, & conscientia
bona: argentum & aurum non
est mihi. Hæc hætenus. Cæ-
terum causa, quare ante tem-
pus scripserim vobis, hæc est.
Vvintonensis Episcopus, &
Eboracensis Archiepiscopus,
non gradiuntur vno spiritu cū
Cantuariensi Archiepiscopo.
sed incedunt sibi ex aduerso: &
hæc est vetus de legatione
querela. Veruntamen quis est
ille, & qui sunt illi? Nonne
Eboracensis ipse est, cui te
præsente, cū adhuc esses quasi
vnus ex nobis, fratres tui re-

stiterunt in faciem, eo quòd
Ps. 51. reprehensibilis erat? Sed spera-
 uit in multitudine diuitiarum
 suarum: & præualuit in vanita-
Jo. 10. te sua. Certum est, tamen,
 quòd non intrauit per ostium
 in ouile ouium: sed ascendit
 aliundè. Si pastor fuisset, dili-
 gendus erat: si mercenarius,
 tolerandus. Nunc autem ca-
 uendus & repellendus: ytpote
 fur, & latro. Quid dicam de
 domino Wyntonensi? Opera
 quæ ipse facit, testimonium
 perhibent de eo. Porro Ar-
 chiepiscopus Cantuariensis,
 cui aduersantur, vir religiosus
 est, & suaueolentis opinionis.
 Pro ipso petimus, vt respon-
 deat ei iustitia sua. Verum il-
 lorum iniquitas super eos: vt
Ezech. 18. sit, sicut scriptum est, Iustitia
 iusti super eum erit: & impie-
 tas impij erit super eum. Cum
 acceperis tempus, secundum
 opera

opera manuum illorum retribu-
bues illis: vt sciant prophetam
esse in Israel. Quis mihi det
antequam moriar videre Ec-
clesiam Dei, sicut in diebus
erat antiquis: quando Aposto- *Luc. 5.*
li laxabant retia in capturam:
non in capturam argenti, vel
auri, sed in capturam anima-
rum? Quàm cupio illius te
hæreditare vocem, cuius adept-
us es sedem? Pecunia, inquit,
tua tecum sit in perditionem.
O vox tonitruï, ò vos magnifi- *Act. 8.*
centiæ & virtutis: ad cuius
terrorem confundantur, & cõ-
uertantur retrorsum omnes *Psal.*
qui oderunt Sion. Hoc vehe- *128.*
menter expectat, & omnino
expetit a te mater tua: hoc
filij matris tuæ pusilli, cum
maioribus desiderant: hoc su-
spirant: vt omnis plantatio *Matt.*
quam non plantauit pater cœ- *15.*
lestis, tuis manibus eradicetur.

M 3 tur.

*Matt.**3.**Luc. 3.**Canf.**3.*

tur. Ad hoc enim constitutus es super gentes & regna, vt euellas, & destruas: & ædifices, & plantes. Multi audito hoc verbo dixerunt apud se: Iam securis ad radicem arborum posita est. Multi dicunt in corde suo: Flores apparuerunt in terra nostra: tempus putationis aduenit: in quo sarmen- ta sterilia recidentur, vt ea quæ præualent, vberius fructum afferant. Confortare igitur, & esto robustus: manus tuæ in ceruicibus inimicorum tuorum. Vindica tibi animi constantia, & vigore spiritus, partem, quam dedit extra fratres tuos tibi omnipotens pater: quam & tulit de manu Amorrhæi in gladio, & arcu suo. In omnibus tamen operibus tuis, memento te esse hominē: & timor eius, qui aufert spiritum principum, semper sit

fit ante oculos tuos. Quan-
torum in breui ROMANO-
RVM PONTIFICVM mor-
tes tuis oculis aspexisti? Ipsi
te prædecesores tui tuæ cer-
tissimæ, & citissime decessionis
admoneant: & modicum tem-
pus dominationis eorum
paucitatem dierum tuorum
nunciet tibi. Iugi proinde me-
ditatione inter huius transe-
untia gloriæ blandimenta me-
morare nouissima tua: quia
quibus successisti in sedem, ip-
sos sine dubio sequeris ad mor-
tem.



EPISTOLA
S. BERNARDI
ABBATIS
CLARÆVALLIS

*Ad Cardinales, & Episcopos om-
nes Romanæ Curie, super
electione Eugenij III.
in Summum Pon-
tificem.*



Ominis, & patribus
Reuerendis, Cardi-
nalibus, & Episco-
pis omnibus, qui
sunt de Curia, puer sanctitatis
eorum.

Parcat vobis Deus, quid fe-
cistis? Sepultum hominem re-
uocastis ad homines: fugitan-
tem curas, & turbas curis de-
nuò implicuistis, & imiscuistis
turbis.

turbis. Fecistis nouissimū pri-
mum; & eccē nouissima illius
periculofiora prioribus. Cru-
cifixus mundo per vos reuixit
mūdo: & qui elegerat abiectus
esse in domo Dei sui, ipsum vos
in omnium dominum elegistis.
Cur consilium inopis confudi-
stis? Cur pauperis hominis, &
mendici, & compuncti corde
iudicium perturbastis? Curre-
bat benè. Quid vobis visum est
est sepire vias eius, auertere se-
mitas, gressus inuoluere? Qua-
si descenderet de Hierusalem,
& non magis ascenderet de
Hierico, sic incidit in latrones. *LHC.*
Et qui se, tanquam violentis *102*
quibusdam diaboli manibus,
carnis illecebris, & gloriæ se-
culi, potenter excusserat, non
tamen valuit effugere manus
vestras. Num idcirco Pisam
deseruit, vt reciperet Romam?
Num quia in vna ecclesia non
fusti-

sustinuit vicedominatum : do-
 minatum in omni Ecclesia re-
 quirebat ? Quid igitur ratio-
 nis, seu consilij habuit, defuncto
 Summo Pontifice, repente ir-
 ruere in hominem rusticanum;
 latenti iniicere manus, & ex-
 cussa è manibus securi, & ascia,
 vel ligone, in palatium trahe-
 re, leuare in cathedram, indue-
 re purpura, & bysso, accingere
 gladio ad faciendam vindictam
 in nationibus, increpationes
 in populis : ad alligandos re-
 ges eorum in compedibus, &
 nobiles eorum in manicis fer-
 reis ? Sic non erat inter vos sa-
 piens, & exercitatus, cui potius
 ista conuenirent ? Ridiculum
 profectò videtur, pannosum
 homuncionem assumi ad præ-
 sidendum principibus, ad im-
 perandum Episcopis, ad regna,
 & imperia disponenda. Ridi-
 culum, an miraculum ? Plane

vnum horum. Non nego, non
diffido posse fuisse hoc etiam
opus Dei, qui facit mirabilia *Pf. 71.*
magna solus: præsertim cum
audiam vsquequaque ex ore
multorum, quoniam à Domi-
no factum est istud. Sed nec ego *Psal.*
oblitus sum iudiciorum Dei *117.*
antiquorum, & Scripturæ plu-
rimos recensentis, ex priuata,
seu etiam rusticana vita olim
assumptos in voluntate Domi-
ni ad regendum populum
eius. Deniq; nonne (vt vnum
è pluribus memorem) tali quo-
dam modo elegit David ser- *Pf. 77.*
uum suum; & suscepit eum de
gregibus ouium, & de post fœ-
tantes accepit eum? Ita, in-
quam, ita & de nostro Euge-
nio in beneplacito Domini
potuit contigisse. Non sum
securus tamen: quoniam filius
delicatus est, & tenera verecū-
dia eius, assueta potius ocio

& quieti, quàm tractandis quæ
 foris sunt; timendumque ne
 non ea auctoritate, qua oportet,
 apistolatus sui officia
 exequatur. Quid putatis ge-
 rere animi nunc hominem il-
 lum, qui de secreto internæ
 contemplationis, & amica so-
 litudine cordis, tanquam in-
 fans è gremio, & sinu matris
 subito perturbatus, tractum se
 ad mediū videt, & quasi ouem
 ad victimam ductum, ad tam
 insueta, & insuauia? Nisi Do-
 minus supponat manum suam,
 heu, necesse est obruatur, &
 oprimatur onere infueto, & ni-
 mio, quod & gigantinis (vt
 aiunt) vel ipsis quoque ange-
 licis humeris formidabile vi-
 deatur. Veruntamen quia sic
 factum est, & sicut multi di-
 cunt, à Domino factum est, ve-
 stra interest charissimi, vestris
 feruentibus studijs, fidelibus-
 que

que obsequijs solícite confo-
ueri, quod vestris manibus cō-
stat elaboratum. Si qua ergo
consolatio in vobis, si qua vir-
tus charitatis in Domino, si
qua miseratio pietatis, si qua
compassionis viscera: assistite,
& collaborate illi in opere, ad
quod assumptus est per vos à
Domino. Quæcunque sunt
vera, quæcunque pudica, quæ-
cunque iusta, quæcunq; sancta,
quæcunque amabilia, quæcun-
que bonæ famæ: hæc ei sugge-
rite, hæc suadete, hæc agite; &
Deus pacis erit vobiscum.

Cardinalium
consilium
& opera
adhibere
SUMMI
PONTIFICI.

LAVS DEO.



REIMPRIMATUR.

Fr. Iacobus Maria Micardus à Finario
Magister, ac S. Officij Mediol. Com-
missarius.


Alex. Perlasca pro Eminentiss. & Re-
uerendiss. D.D. Card. Litta Archiep.

F. Arbona pro Excellentiss. Senatu.











6-3-12.



